

Հայկական գիտահետազոտական հանդույց Armenian Research & Academic Repository



Առևտ աշխատանքն արտանագրված է «Ստեղծագործական համայնքներ ոչ առևտրային իրավասուրյան 3.0» արտանագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.


Դու կարող ես.

պատճենը և տարրելն եղուրը ցանկացած ձևաչափով կամ եղիչով
ձեռփոխել կամ օգտագործել առևտ եղուրը ստեղծելու համար եռը

You are free to:

Share – copy and redistribute the material in any medium or format

Adapt – remix, transform, and build upon the material



Պ. ՎԻՐԳԻԼԻՈՍԻ ՄԱՐՈՆԻ

Մ Շ Ա Կ Ա Կ Ա Ն Ք

ԹԱՐԳՄԱՆԵՑ

Հ. ԱՐՄԵՆ Դ. ՂԱԶԻԿԵԱՆ


ՄԻՒԹ ԱՐԵԱՆՑ





ՎԵՆԵՏԻԿ

ՄԻՒԹ. ՏՊԱԳՐՈՒԹԻՒՆ

1923









ԳՐԱԳՐԻԿԱՆՈՒ

ՅԱՌԱՋԱՔԱՆ



ՎԻՐԳԻԼԻՈՍԻ սոյն հոյակապ երկէն ամ-
շուշտ կարելի չէր որք թողուլ մեր աշխար-
հաբար զրականութիւնը՝ յետ տալու անոր
չոմերի **ԽՄԻԱԿԱՆԸ**, (քիչ ատենէն նաև **ՈԴԻ-**
ԱԱԿԱՆԸ), մոյն իմքն Վիրգիլի **ԵՆԿԱԿԱՆԸ**,
Դասոյի **ԵՐՈւՍԱՂԵՄ Ազատեալլ** եւ **Միլտո-**
նի **Դրախտ Կորուսեալլ**, եւն :

Արդէն **ԵՆԿԱԿԱՆԻՆ** սկիզբը համառօտիւ
խօսուած է Վիրգիլի եւ իր երկերուն մասին,
որ երեք հատ են, որոնց երկուքը թարգմա-
նուեցան, իսկ երրորդը, որ չովուերգական
քերթուածներն են՝ կը յուսանք թէ անոնք

Եւս մօտ ատենէն կը թարգմանուին եւ կը
տպուին :

Աւելորդ կը համարիմ **Աշակականքին** գե-
ղեցկութեան եւ օգտակարութեան վրայ խօ-
սիլ : Այսչափը միայն կ'արժէ զիտնալ, որ
նոյն ինքն• Վիրգիլ՝ մինչ հրաման կու տար
կտակով կրակ ծգել այրել իր հրաշակերտ
Ենէականը՝ իրը անկատար մնացած օր-
հասին կամիսելովը, ասի կը պահէր զարհու-
րելի պատուհասէն, բասական համարելով
զայն՝ իր եւ հոռմէական դպրութեանց փառ-
քերում :

Բնագրին գեղեցկութեան վրայ անշուշտ
ուրէ խնդիր կարելի չէ համել, բայց թէ
թարգմանութիւնը պահած է այդ գեղեցկու-
թիւնը կամ թէ ո՞րչափ, ընթերցողը պիտի
տեսնէ • մենք ջանացինք ընել ինչ որ կը-
մայինք, երանի՞ թէ յաջողած ըլլայինք :

Ծանօթութիւնները գրքին վերջը դրուեցան,
եւ այն՝ կարեւորները • տպագրութեան փոքր
դիրքը թոյլ չէր տար իւրաքանչիւր էջի ներ-

քեւ դնել զանոնք, ծանօթութեան թիւեր դնելն
աւ անտեղի երեւցաւ մեզի, որով էջերը միայն
դրինք. ընթերցողը երբ էջի մը մէջ յատուկ
անուան մը հանդիպի կամ բացատրութեան
կարօտ իմաստի մը, ծանօթութեանց մէջ նոյն
էջը պէտք է նայի:

ԹԱՐԳՄԱՆԻ 2 Բ.



**ՊՈԲԼԻՌՈՍԻ ՎԻՐԳԻԼԻՌՈՍԻ ՄԱՐՈՆԻ
ՄՇԱԿԱԿԱՆՔ**

ԱՌԱՋԻՆ ԳԻՐՔ

Ն Ա Խ Ա Դ Ռ Ո Ւ Թ Ի Ւ Ն

Առաջարկութենքն վերջ՝ իր քերթուածին նպաստամատոյց աստուածներն օգնութեան կը կանչէ, որոնց հետ նաև Հոկտափանոս Օգոստոս կայսրը, եւ ապա կը սկսիր առաջին զիրքը՝ որ վեց զԼուխներու կը բաժնուի:

Ա. ԱՅԼԵւայլ եղանակներ վարուցանի՝ հողին եւ սերմանիքներուն ալէսալէս բնութեան համեմատ:

Բ. Երկրագործութեան սկիզբը եւ արուեստներու զիւտերը:

Գ. Աշակեներու անօթներ, կահեր եւ կազմածներ, եւ զզուշական խրատներ:

Դ. ԱՅԼԵւայլ սերմանիքներու մշակութեան ժամանակը. հմտութիւն երկրի մասերուն, աստղերու դիրքերուն եւ շրջաններուն. ի՞նչ ալէտք է ընեն անձրեւի, ձմեռուան եւ տօնի օրերուն. խտրանք օրերու եւ ընտրութիւն օրուան եւ զիշերի:

Ե. Կշաններ եւ զուշակութիւններ ժամերու եւ ժամանակներու՝ եւ օդերուն անձրեւի, մրրկի եւ տաքութեան փոխուելուն. նկարագրութիւն ամառնային մրրկի:

Զ. Դրուագ վայելուչ հրաշանշան սքանչելիքներուն ժամին որ կանխեցին Յուլիոս Կեսարու սուսերահարսպանումը, եւ որոնք բաղաքական պատերազմի զուշակեղան: Աղօթք Օգոստոս կայսեր եւ հոռմէական ժողովը դրդեան փրկութեան համար:

ՄՇԱԿԱԿԱՆՔ



ԱՌԱՋԻՆ ԳԻՐՔ

Ի՞՞ւ բան զըւարթ պիտ' ընէ, ով Մեկենաս,
Արմըտիքներն, ո՞ր աստղի տակ պէտք է մարդ
Հերկէ երկիրն, այգին զուգէ կնձնիին,
Ի՞նչ փոյթ ու խնամ պէտք է տանի եզներուն,
Ի՞նչ պէտ ու կամ հօտին, եւ ի՞նչ փորձ հանճար
Բուծանելու համար մեղուն խնայասէր.
Ահա ասոնք է որ երգեմ պիտի ես:

Ո՞վ աշխարհի լուսապայծառ դուք ջահեր,
Որ կը վարէք սահուն տարին երկնքում,
Սպանդարամետ եւ դեմետրէ կենսատու,
Եթէ երկիրն երբեմըն ձեր շընորհիւ
Փոխանակեց ատոք հասկին հետ ոսկի
Վայրի կաղինը Քաւոնեան, ու խառնեց
Աքելովեան ջրերուն գինին նորագիւտ,
Եւ դաշտերու շահապետներ խնամակալ
Դուք պարիկներ, պայեր, հարսներ յաւերժիկ,
Եկէք բոլոր, ձեր պարգեւները կ'երգեմ:
Դուն եւըս, ով Պոսիդոնէ, որ քու մեծ
Եռարձէնովդ երկրին հարուած մը տըւիր
Յատկեցուցիր նախ ամենի ձի մը դուրս,

Անտառաբնակդ եւ դուն, որու ձիւնաթոյր
 Բիւր զուարակները կը լըզեն կէայի
 Դալարիքներն յուոթի, ու դուն Տեգեացիդ
 Պան հօտապետ, թողլով անտառդ հայրենի
 Եւ Լիկէոնը ծառախիտ, կը սիրես
 Եթէ Մենալդ, ինծի եկուր հաշտ եւ հաճ.
 Եւ դու հնարիչ ձիթենիին Աթենաս,
 Եւ կոր մաճին դու հեղինակ պարմանի,
 Շահարունիդ եւ դուն՝ որ ձեռքըդ ունիս
 իր արմատէն խլուած նոճի մը մատաղ,
 Եւ դուք բոլոր դիք, դիցուհիք համօրէն,
 Որ պահապան էք խնամարկու դաշտերուն,
 Որ նոր պտուղներն առանց սերմի կը տածէք,
 Եւ կը տեղաք վրանին յորդ ցող երկնքէն:
 Դուն եւըս, ով կեսար, որուն յայտնի չէ
 Դեռ աստուածոց որ կաճառին մէջ բազմիլն,
 Եթէ ուզես քաղաքներու դիտապետ
 Ըլլալ եւ կամ աշխարհներու ոստիկան,
 Եւ ընդունի քեզ տիեզերքը անծիր
 Իբր հեղինակ պըտուղներու, իբըր տէր
 Եղանակաց, մրտենիով մայրենի
 Երկու քունքերըդ պատելով, կամ անհուն
 Ծովուն ուզես ըլլալ աստուած, եւ միայն
 Քեզ ուզերձեն նաւաստիներն ալօթքնին,
 Եւ հուսկ վերջին թուլէն քեզի հնազանդի,
 Եւ Տեթիս քեզ կոհակներովս իր բոլոր
 Գընէ փեսայ իրեն, եւ կամ աւելնաս
 Իբըր նոր աստղ ամիսներուն մէջ դանդաղ,
 Հոն ուր որ կոյսն ու իր յաջորդը կարիճ
 Ունին իրենց միջեւ միջոց մը պարապ,

Ուրկէ հրաբորք կարիճն արդէն կը քաշէ
 իր ճիրաններն իրեն, ու քեզ կը թողու
 Աւելի քան արդար բաժին մ'երկնքում:
 Ի՞նչ աւ ըլլաս (զի Դժոխքն երբեք չըյուսա՛ր
 Պիտի իրեն քեզ ունենալ թագաւոր,
 Հեռու քենէ դժնէ փափաք մ'այդպիսի
 Եշխանութեան, Հելենաստանը թէեւ
 Ելիսական դաշտերուն վրայ պակշոտի,
 Եւ չըփութայ Պերսեփոնէ հետեւիլ
 Մօրն հետքերուն՝ հակառակ զինք կանչելուն),
 Դիւրին ընթացք մը տուր, եւ, օ՞ն, ակնարկէ
 Իմ այս յանդուգըն ձեռնարկիս, զըթալով
 Անառաջնորդ երկրագործին վըրայ հետս,
 Եւ ըսկըսէ վարժիլ այժմէն լըսելու
 Մեր իղձերուն եւ ուխտերուն մէջ անունդ:

Երբ նոր զարունը ալեւոր լեռներուն
 Սառած ծորանքն հալեցընէ, եւ փխրուն
 Հողակոշտերը զեփիւոին տակ լուծուին,
 Թող արօրին տակ խորամուխ ըսկըսի
 Ցուլը հեծել, եւ շփուելով ակօսին
 Արձակէ խոփը լուսափայլ շողիւններ:
 Բայց ընչաքաղց երկրագործին իղձերուն
 Յագուրդ կու տայ այն հերկը լոկ՝ որ տեսաւ
 Արեգակներ կրկին, կրկին ձըմեռներ.
 Ամբաւ հունձքէն պատուեցան ամբարներն:

Բայց անծանօթ հողն երկաթով չըպատոած
 Պէտք է որ նախ փութանք հովերը սորվինք
 Եւ երկնքի բարքերն ապա զանազան,
 Եւ վայրերուն վարքերն ու կրօնն հայրենի,
 Եւ մէն մի մարզ ի՞նչ կու տայ, ի՞նչ կը զլանայ:

Յորեան կու զայ հոս, հոն ողկոյզ տաշտագեղ,
 Այլուր ծառեր՝ սէզեր կ'աճին անհրաման.
 ԶԵ՞ս տեսներ ի՞նչպէս Տըմոլոս կը յըղէ
 Քրքմահոտ բոյրն, Հնդիկը փղոսկըր, Եւ գիրգ
 Սաբայեցիք կնդրուկ, Խաղտիք մերկանդամ
 Երկաթ, Պոնտոս ծանրահոտ իւզը կուղբի,
 Եւ Եպիրոս պլսակ Ելիսեան ճակերու:
 Իսկզբանէ դրաւ բնութիւնն այս օրէնքներն
 Ու դաշինքներն յաւերժական՝ զանազան
 Տեղերու վրայ, Դեւկալիոն երբ նետեց
 Նախ Եւ առաջ սին աշխարհի մէջ քարեր,
 Ուսկից ծընան մարդիկ՝ սերունդ դըժընդակ:
 Հապ'օն ի գործ, տարւոյն առջի օրերէն
 Առոյզ եզներ թող պարարտ հողը դարձնեն,
 Եւ թող փոռւած հողակոշտերը եփէ
 Փոշոտ ամառն արեւներովն իր հասուն:
 Իսկ եթէ չէ արտըդ յուոթի ւարգաւանդ,
 Կը բաւէ զայն քրքրել ծանծաղ ակօսով
 Երբ Արջապանն ելլէ. որպէս զի խոտերն
 Հոն՝ չըքերեն վսաս ծիծաղկոտ հունձքերուն,
 Հոս՝ դոյզըն հիւթն ամուլ փոշւոյն մընայ մէջ:
 Փոխանակաւ դարձեալ դադար պէտք է տաս
 Հնձուած արտիդ, որպէս զի հողը դատարկ
 Խոպան մընայ Եւ կազդուրուի հանգստեամբ.
 Կամ ցանելու ես՝ երբ արեւը փոխուի՝
 Շէկ ցորեան հոն՝ ուրկէ դուն նախ քաղեցիր
 Ընդեղէններ զըւարթ՝ ճօնուն պատիճով,
 Կամ նկնաձեւ վիզին հատերը մանրիկ,
 Եւ եղէզները դիւրաբեկ, Եւ շրշուն
 Ու խարշափուն անտառը ժանո թրմուսի:

Զի կըտաւի ցողունը դաշտը կ'այրէ,
 կ'այրէ ցողունը վարսակի նոյն նըման,
 կ'այրէ խաշխաշը խոր քունով թաթաւուչ:
 կը դիւրանայ աշխատութիւնը սակայն
 Երբ փոփոխուի. միայն թէ հողն անջրդի
 Պարարտ աղբով յագեցնելէ չըխորշիս,
 Եւ չըխորշիս մրճու մոխիր ցանելէ —
 Նիհար դաշտիդ վըրայ: Արտերն այսպէսով
 Արդիւնքներու փոփոխումէն կը հանգչին,
 Բայց անարօր Երկիրն ալ չէ անշընորհ:

Շատ անզամ լաւ է անբեր արտը այրել
 Եւ սին խոզանը ճարճատուն բոցի տալ.
 Զի կ'առնէ սնունդ պարարտ Երկիրը անկէ
 Եւ ոյժ թագուն. կամ ամէն հիւթ ժահածին
 կը կորսըւի հրածախ ցիր ցունդ բընաշինչ,
 Եւ կը ցամքի խոնաւութիւննն անօգուտ,
 կամ թէ այն տապը կը բանայ բիւր ճամբայ
 Եւ կոյր վտառներ, որոնցմէ խիւսը խոնաւ
 կ'երթայ դիւրաւ նորափըթիթ բոյսերուն,
 կամ աւելի կը պնդացնէ սերտ եւ կուռ,
 Եւ կը սեղմէ լայնափեռեկ Երակներն,
 Որ մի գուցէ նուրբ անձրեւները ցրտին
 կամ սուր սլաքները բոցակէզ արեւուն,
 կամ թափանցիկ հիւսիսի ցուրտը խամրեն:

Մանաւանդ ան որ տրմուխով կը փշրէ
 Ամուլ բունծերն ու կը քաշէ վըրայէն
 Ոզորահիւս ցաքան՝ կ'օգնէ արտերուն:
 Անոր ի զուր չի նայիր բարձր Ոլիմբէն
 Շէկ Դեմետրէն, նաեւ անոր որ մաճով
 Ակօսաբեկ դաշտին վըրայ դարձուցած

Հողակոշտերը կը փշրէ առիշեղ
 Եւ կը տանջէ երկիրն անդուլ անդադար,
 Եւ կը հրամէ իշխանաբար արտերուն։
 Երկրագործներ, թօնուտ ամառ հայցեցէք
 Եւ պարզ ձըմեռ. ձըմերային փոշիէն
 Կ'ուրախանայ ցորեանն, ածուն կը ցնծայ.
 Միւսիա չի պարծիր այնքան մշակութեամբ
 Եւ ոչ Գուգալք հունձքերնուն վրայ կ'արմանան։
 Ի՞նչ պիտ' լսեմ անոր՝ որ յետ ցանելուն՝
 Արտին վըրայ կը յարձակի հապըշտապ
 Եւ կոշկոռները կը փշրէ թանձրախուռն,
 Եւ ապա ջուր կը ներմուծէ ցանքին վրայ,
 Վըտակը փոքր առուներու բաժնելով։
 Եւ երբ արեւը կը վառէ արտորան
 Ու կը չորնայ դաշտը մազկոփինչ բոյսերով,
 Ահաւադիկ դարեւանդին զազաթէն
 Զրի վիժակները կը շարժէ, որ քաղցրիկ
 Կարկաջով ջինջ քարերն ի վար գլորելով
 Յորձանք յորձանք կ'անցնեն ծարաւը դաշտին։
 Ի՞նչ եւ անոր՝ որ մի գուցէ ծիլն իյնայ
 Ծանր հասկերուն ներքեւ տապաստ՝ կը կերցնէ
 Իր հօտերուն ցորենին շոայլ բողբոջներն
 Երբ խոտ է դեռ նորափըթիթ, սերմանիքն
 Հազիւ հասած ակօսներուն բարձրութեան։
 Եւ ան որ մօրը լըճացած կը քամէ
 Զրողող հողէն, մանաւանդ գետ յորդազայր
 Երբ դուրս վազէ ամիսներուն մէջ յողդողդ
 Իր անկողնէն, շուրջանակի ծածկելով
 Բոլոր սիկով ու մըրուրով, ու կազմէ
 Խոր ճահիճներ՝ թուրմ ժահահոտ շոգիով։

Այսու հանդերձ, թէեւ մարդիկ ու եզներ
Թափեն իրենց այս աշխատանքն երկրին վրայ,
Բայց անըզգամ սագն ու խորդերն Ստրիմոնեան
Եւ եղերդները դառնարմատ կը գործեն
Մեծ վընասներ, ինչպէս եւ ստուերը ծըմակ:

Հայրն ինք չուզեց որ մշակութեան գործն ըլլայ
Դիւրին, եւ նախ արտերուն հերկն հընարեց
Մեռու միտքերը սըրելով հոգերով,
Եւ չառաւ յանձըն որ թմբիր մը ժանտկէն
Իր տէրութեան վրայ ծանրանայ մահաքուն:
Արամազդէն առաջ ոչ մէկ հողագործ
Զէր նըւաճեր արտերն, եւ չէր իսկ օրէն
Դաշտավայրին դընել նըշան ու սահման.
Ամէն ինչ էր հասարակաց, եւ անհայց
Ու անթախանձ երկիրն ինքնին կը բերէր
Առատօրէն ամէն բան. ինքը տըւաւ
Սեւաթորմի օձերուն թոյն մահառիթ,
Հրոսող գայլին աւարի բնազդը սըրեց,
Ծովուն հրաման տըւաւ ծըփալ ու գոռալ,
Տերեւներուն՝ որ դադրին մեղր հոսելէ.
Կրակը ծրարեց պահեց, եւ ոտքը կապեց
Գինեհոսիկ կարկաչահոս գետերուն,
Որպէս զի մարդ խըթանին տակ պէտքերու
Ըստեղծէ քիչ քիչ զանազան արհեստներ,
Եւ ցորենին բոյսն ակօսին փնտոէ մէջ.
Եւ որձաքար գայլախազին երակէն
Ծըւարած կայծն ոստուցանէ թափով դուրս:

Այն ատեն նախ գետերն ըզգալ ըսկըսան
Լաստենիները գոգախոր՝ շալակնին,
Նաւաստին այն ատեն տըւաւ աստղերուն

Թիւ եւ անուն. Բոյլք, Ալաւսունք եւ պայծառ
Նիկայոնեան Արջ. այն ատեն հնարուեցան
Հաղբեր՝ վարմեր երէվայրի որսալու
Կամ խաբելու ոստղով, եւ շուրջ պաշարել
Մեծ անտառները որսական շուներով։
Ուրիշ մ'անդին անդնդամուխ կը թոպէ
Գետը կարթով. ուրիշ մ'ասդին կը քաշէ
Իր ուոկանները թաց ծովուն ծալքերէն.
Լոյս տեսաւ այն ժամանակ կարծըր երկաթն
Ու մաշարները սուր սղոցին, զի նախնիք
Կը ճեղքէին դիւրահերձ փայտն երիթով.
Այն ատեն ծնունդ առին պէսպէս արհեստներ.
Փիր ջանն յաղթեց ամէն բանի, եւ մորակն
Հարկին՝ դսնէ տագնապալի կացութեան։

Մահկանացուաց նախ Դեմետրէ սորվեցուց
Հողը քրքրել երկաթով, երբ իոզկաղին՝
Մաթուզ հատաւ նըւիրական անտառին
Եւ Դոդովնէ կտրեց սընունդը մարդուն։
Իսկոյն ցաւէ բոնըւեցաւ եւ ցորեան,
Դժնէ դալուկ մը կը կրծէր ցօղուններն,
Եւ ծոյլ ոքոզը կը ցըցուէր դաշտերում։
Կը փըճանան հունձքերն, անտառ մը փըշոտ
Կը յաջորդէ, զազ ու տատասկ եւ որոմ
Թշուառական եւ վարսակներ անբեղուն
Կ'իշխեն մշակուած՝ պերճ՝ ծիծաղկոտ վայրերուն։

Ու եթէ դուն հողդ անդադար չըտոշկես
Փոցդով, ու շուրջը չըքշտես քու արտիդ
Սուր մանգաղով, չըհալածես թոչուններն
Աղմուկներով, եւ աղօթքով չըհայցես
Անձրեւ, ի զուր պիտի նկատես ուրիշին

Գաղիշը մեծ, ու պիտի քաղցդ անցընես

Անտառներուն մէջ կաղնիներ ցնցելով։

Պէտք ենք ըսել նաեւ թէ ինչ գործիքներ

Ունենալու են մըշակները կարշնեղ,

Առանց որոնց չ'ըլլար ոչ վար եւ ոչ ցան,

Ոչ ալ հունձքերը կ'աճին. կո՛ր արօրին

Նախ եւ առաջ կարծըր կաղնին եւ սուր խոփն,

Եւ Ելեւսեան մօր սայլակներն, որ դանդաղ

կը թաւալին անուահոլով. դահուկներ՝

Կամնասայլեր եւ տրմուխներ ծանրածանր,

Ապա կելեան անարգ կազմածն ուռիէ,

Մաթզի ցաքան, եւ Բաքոսի նըւիրուած

Խորհրդաւոր նըքոյրն, ամէնն համօրէն

Պէտք է որ դուն շատ կանուխէն պատրաստես,

Մըշակութեան աստուածային արուեստէն

Եթէ դուն ո՛ եւ է փառքի կը սպասես։

Նախ եւ առաջ անտառներուն մէջ կնձնին

կը պարտուի մեծ ուժով եւ կոթ կը դառնայ

Եւ կ'ընդունի ձեւն ապա կոր արօրի։

կը յարմարցուին ասոր սամի մը բունէն

Ութ ոտնաչափ երկայն, եւ զոյգ մը ունկեր

Եւ երկողնի առատամներ։ Առաջուց

Թեթեւ թմբին շուտ կտրըւած է արդէն

Ինչպէս փիճին ալ բարձրաբերձ, ան լուծքի

Եւ աս մաճի համար, որ սայլն ետեւէն

Տանի բերէ իր յետոյքովը բոլոր։

Եւ կը փորձէ ծուխն ալ փայտերը կախուած

Ակութն ի վար։ Կրնամ քեզի աւանդել

Հայրենատուր շատ պատուէրներ տակաւին,

Եթէ դուն չես մերժեր, եւ չէ քեզ ձանձրոյթ

Մանրակրկիտ այս խընամքներն ուսանիլ:
 Նախ պէտք է կալդ հարթես զլանով մ'անհեթեթ,
 Հողը ձեռքով զանգես ու բոես պինդ կաւով,
 Որ մի զուցէ խոտ բուսնի կամ ճաթոտի
 Փոշի դառնայ. զի այն ատեն զանազան
 Պատուհասներ պիտի ծաղրեն քու ջանքերդ:
 Յաճախ մանրիկ մուկը հողին տակ դըրաւ
 Բոյն ու մթերոց, եւ կամ խլուրդներն աչացու
 Բրեցին խշտի. գտնըւեցաւ եւ դօդօշ
 Խոռոչներուն մէջ, եւ բոլոր ճիւազներն
 Որ իր ծոցում կը կրէ երկիրն անհամար.
 Եւ աւարի կու տայ ուտիճ ցորենի
 Թեղն ահազին, եւ մրջիւն իր ծերութեան
 Ատեն սովէ բոնըւելու երկիւզով:
 Նըմանապէս ուշ դիր՝ երբոր նըշենին
 Անտառներուն մէջ ծաղիկով ծեփ ըլլայ
 Եւ իր ճիւղերն անուշահոտ հակէ վար,
 Եթէ պըտուղն առատ բերէ, նոյն նըման
 Պիտի առատ ըլլայ ցորեանն հասկաթուո,
 Եւ մեծ տաքին հետ պիտի զայ կալը մեծ.
 Իսկ եթէ շոայլ տերեւներովը սփոէ
 Լայն հովանի, ի զուր պիտի կալոտին
 Լեսու օրանն իր յարդաւէտ ու սնամէջ:

Սերմսացաններ տեսայ ես շատ՝ որոնք նախ
 Կը թրջէին սերմերն իրենց բորակով
 Եւ սեւ ձէթի մրուրով, որպէս զի հատերն
 Ըլլան պարարտ՝ պատեաններուն մէջ պատրող,
 Եւ մեղմ կրակով փութանակի ամոքին:
 Թէեւ ըլլան երկայնամիտ տքնութեամբ
 Փորձ հատընտիր, կը խորթանան եւ սակայն,

Եթէ ամէն տարի մարդ իր իսկ ձեռքով
Պարարունները խընամով չըզատէ:
Ճակատագիրն ամէն բանի է այսպէս
Վատթարանալ, եւ դէպ ի հո երթալ միշտ:
Ոչինչ պակաս եւ ան որ իր լաստափայտն
Յորձանքն ի վեր կը մըղէ բուռըն թափով,
Եթէ երբեք յանկարծ թիերը թողուց,
Սուր գետն իսկոյն զայն կը քըշէ դարավէժ:

Բաց ասկէ պէտք է մենք աստղերը դիտենք,
Արջապանին եւ Ուլերուն ժամանակն
Ու Վիշապ օձը շողշողուն, նման անոր՝
Որ կը դառնայ մըրրկու ծովէ մ'հայրենիք
Հելեսպոնտէն եւ Աբիւղեան նեղուցէն՝
Որ կը բերէ խեցեմորթներ բազմաբիւր:

Կըշիոը երբ օրուան ժամերն ու ցայգին
Հասարակէ՝ տիեզերքին բաշխելով
Հաւասար լոյս եւ հաւասար աղջամուղջ,
Հապ'օն մարդիկ, եզներն ի գործ. ցանեցէք
Արտերնուդ մէջ գարի, մինչեւ հուսկ յետին
Տեղատարափն՝ որ կը կանխէ ժանտ ձըմեռն.
Ատենն է նոյնպէս որ հողի տակ ծածկէք
Կըտափի հունոը եւ խաշխաշ դեմետրեան,
Եւ շուտ իյնաք արօրին վրայ, երկիրն երբ
Չորուկ է դեռ, եւ են ամպերը առկախ:

Բակլան գարնան պէտք է ցանել, այն ատեն
Կ'ընդունին քեզ ալ ակօսները փխրան,
Մեղեան առուոյտ, եւ կորեկին հոգն ապա
Տարեւոր, երբ եղջիւրներովն իր ոսկի
Լուսապայծառ Յուլը բանայ նոր տարին,
Եւ ըՍկնդիկն ընդդիմատիպ իր աստղէն

Խոյս տայ քաշուի ու ծըւարի մայրամուտ :

Իսկ եթէ դուն կը պատրաստես քու երկիրդ
Որ ունենաս առատ ցորեան, յոյր աշտիալ, — ՀԱՅ
Եւ ուշդ ուրուշդ ատոք հասկեր կը դիտէ,
Թող ծածկըւին Ատլանդուհիք աւօտեան,
Եւ գնոսեան աստղը բոցաբորբ պըսակին
Քաշուի երթայ, եւ ապա սերմըդ պատրաստ
Ակօսներուն յանձնէ, եւ մի շտապեր դուն
Չըկամ երկրին հաւտալու յոյսը տարւոյն :
Բոյլքին մուտքէն առաջ շատեր ըսկըսան,
Բայց հունձքն՝ անոնց յոյսին տըւաւ սին հասկեր.
Իսկ թէ ցանես վիզ եւ դրկուդ արհամարհ,
Եւ չանգոսնես խընամքն ոսպին Պելուսեան,
Գեղի Եզողը մայրամուտ պիտի տայ
Ստոյգ նըշաններ. դուն այն ատեն ըսկըսէ
Եւ երկնցուր ցանքըդ մինչեւ ձմրան սիրոն :
Ոսկի արեւն ատոր համար կը բաժնէ
Երկոտասան արփիներու շընորհիւ
Տիեզերքի ոլորտն ըստոյգ մասերու :
Կը գըրաւեն երկինքը հինգ գօտիներ,
Որոնցմէ մին կարմիր է միշտ՝ բոցասփիւռ
Արեգակէն, եւ է հրաբորբ՝ կիզիչ միշտ .
Անոր չորս կողմն աջակողմէն ու ձախէն
Կը պարզըւին զոյգ գօտիները վերջին,
Կարծրացած մութ սառով ու սեւ ջաղքերով :
Ասոնց միջեւ ու միջինին շնորհուեցան
Հէք մահացուաց՝ աստուածներուն պարզեւով՝
Ուրիշ զոյգ մ'ալ, եւ մէջտեղն այս երկուքին
Ճամբայ մ', ուրկէ խոտորնածեւ կարենայ
Աստեղատանց կարգը դառնալ առիշեղ :

Ինչպէս աշխարհը կը ցցուի բարձրաբերձ
 Ըսկիւթիոյ մէջ եւ Ռիպեան լերանց վրայ,
 կը հակի միշտ դէպ ի հարաւը Լիբեան։
 Մենք այս զագաթը կը տեսնենք բարձըր միշտ,
 Միւսն ուղերուն տակ կը տեսնէ Դժոխքը մութ,
 Զայն կը տեսնէ սանդարամետքն ալ խորունկ։
 Հոս կը սողայ ոլորտապոյտ պարոյրով —
 Գետի նըման անարդիլ Օձը վիշապ
 Շուրջանակի ու մէջը զոյգ Արջերուն,
 Զոյգ Արջերուն՝ որ կը վախնան թրջուելէ
 Ովկիանու հոսանքներէն. եւ հոն միշտ՝
 Ինչպէս կ'ըսեն՝ կը տիրէ ցայգը խոր լուռ,
 Եւ մութ մութի վրայ կը դիզուի թանձրամած.
 Կամ այգը մեզ թողլով կ'երթայ ցաթել հոն,
 Եւ երբ հազիւ իր շնչասպառ ձիերով
 Փըչէ Արեւը վըրանիս, կը վառէ
 Գիշերավարն հոն ուշ մնացած իր ջահերն։

Ասկէց կրնանք մենք կանուխէն ուսանիլ
 Եղանակները կեղակարծ երկնքում.
 Ասկէց՝ օրերն հունձքի, ժամերը ցանքի,
 Եւ թէ Երբ հարկ է թիերով պատառել
 Խաբեպատիր անդունդն, Եւ Երբ իջեցնել
 Նաւատորմիզը պնդակազմ դէպ ի ծով,
 Կամ տապտլել անտառներուն մէջ սոճին,
 Եւ ի զուր չէ դիտելը մեր աստղերուն
 Եւքը Եւ մուտքն, ու տարին հարթ հաւասար
 Քառահոլով եղանակօքն իր պէսպէս։


Եթէ երբեք անձրեւը ցուրտ կապէ ուղըն
 Երկրագործին, ան կրնայ շատ մը գործեր
 Հանգիստ կարգի դընել, որ վերջն հապըշտապ

Զըստիպուի պարզ օդով անոնց ըզբաղիլ։
 Եզողը թող սրէ կարծր ակոան գուլ խոփին,
 Թող ծառերէն փորէ կուրեր գոգախոր,
 Նըշան դընէ հօտին, ցորեանը չափէ։
 Ուրիշներ սրեն ցիցեր, երկճիղ եղաններ,
 Կամ պատրաստեն ոզորակապ Ամիրեան
 Ճապուկ որթին համար. հիւսեն սակառներ
 Մորենիէ թէքուն, եղին աղանձեն
 Կրակով, եւ կամ թէ քարերու մէջ լեսուն։
 Կը թոյլատրեն նոյն իսկ օրէնք՝ իրաւունք
 Տօնի օրերն ինչ ինչ գործեր կատարել.
 Ոչ մէկ կը րօնք բընաւ արգելք չի դըներ
 Առու բանալ, արտին քաշէլ ցանկապատ,
 Լարել դարան թոչուններուն, փուշերուն
 Կրակ տալ, լըւալ կենդանաւէտ աղբիւրով
 Բառաչուն հօտն։ Յաճախ դանդաղ իշուկին
 Վարիչն՝ անոր ձէթ եւ անարզ պտուղ բեռցած
 Իր դարձին քար մը կը բերէ քաղաքէն
 Եւ կամ թէ սեւ ձիւթի քծուար մը խոշոր։

Ինքն իսկ Լուսինն յաջող օրեր տուաւ գործի
 Եւ ուրիշներ՝ ուրիշ կարգով։ Փախիր դուն
 Հինգերորդէն. քանզի այդ օրը ծընան
 Խոժոռագէմ Սանդարապետն, ու մոլի
 Եւմենեաններն, եւ զզուելի երկունքով
 Փսխեց Երկիրն այդ օր Յապետն ու Կիսոն
 Եւ վայրենի Տիւփոնն, եւ այն եղբայրներն
 Որ դաւակցած էին երկինքը քանդել,
 Եւ ջանացին երեք անգամ հեծցընել
 Պելիոնի վըրայ Ոսսան, եւ գլորել
 Ոսսայի վրայ անտառախիտ Ոլիմպոսն։

Հայրն երեք հեղ լեռներու այն կոյտն ահեղ
Շանթահարեց եւ կործանեց թաւալզլոր:
Նըպաստաւոր է եօթներորդն յետ տասնին
Որթ տնկելու, ցուլը լուծքի 'նդուլնելու,
Եւ շաղամաթն առէջին վրայ հինելու.
Փախուստի՝ դէպ, գողօնի՝ դէմ՝ իններորդն:

Ու դեռ կան շատ գործեր՝ որոնք լաւագոյն
Կը կատարուին զով գիշերով, եւ կամ երբ
Վարդակարմիր արեւակին ցաթելուն
Շաղով երկիրը կը ծածկէ Արուսեակն:
Թեթեւ ծղօտները գիշերանց, գիշերանց
Չորցած մարգերը լաւագոյն կը հնձուին,
Գիշերն ունի իր տամկութիւնն ամոքիչ:
Չմրան լոյսի մը տարաժամ ճաճանչով
Ուրիշ մ'արթուն՝ սուր դանակով կը կտրէ
Մարիսի շերտեր, մինչ կինն երգով կը թովէ
Աշխատութիւնն երկայն, կըկոցը սրածայն
Վազցընելով ազբախումբէն ոստայնին,
Կամ կ'եռացնէ կրակով խազմուզն անուշակ,
Եւ կաթսային եռանդնաբորբ ալիքէն
Տերեւներով կ'առնէ փրփուրն ոստոստուն:
Բայց հունձքն ոսկի կը քաղուի բոց ամառով,
Եւ բոցուտ կալը կը կամնէ հրուտ ցորեանն:
Հնձէ մերկ, մերկ ցանէ. անգործ է ձըմեռն
Երկրագործին համար. երբ ցուրտը փըչէ
Անոնք յաճախ կը վայելեն դիզածնին,
Եւ իրարու կու տան զըւարթ կոչունքներ:
Կը յորդորէ զանոնք ձըմեռն հաճոյքի՝
Փարատելով հոգելուն անոնց. ինչպէս երբ
Լեցուն նաւերը նաւակայք կը հասնին



Եւ նաւազները բերկրալից՝ կը պճնեն
 Պըսակներով խելքերն իրենց նաւերուն։
 Կաղնի բալուտն ալ նոյնպէս այն ժամանակ
 Պէտք է կըթել, ինչպէս պըտուղը ձէթի
 Եւ եզրեղոյ ւարիւներանգ մրտենւոյ։
 Կոռունկներուն այն ատեն լարել թակարդներ
 Եւ եղջերուաց վարմեր, վանել ակնջեղ
 Նապաստակներ եւ ըսպաննել այծեամսեր,
 Շրջըջելով Բալէարեան պարսին փոկն,
 Երբ ձիւնը թանձըր տարածուած է գետինն,
 Եւ կը քըշեն սառի գետերն հատորներ։
 Ի՞նչ պիտ' ըսեմ աշնանային աստղերուն
 Եւ մըրըրկաց վըրայ, եւ կամ երբ արդէն
 Օրն աւելի կարճ է, ամառը մեղմիկ,
 Ի՞նչ գործերով պէտք է մարդիկ ըզբաղին.
 Կամ անձրեւոտ գարունը երբ յառաջէ,
 Երբ դաշտերուն մէջ ցորենի հունձքն արդէն
 Կը ծածանի քստմընաճօն վէտ ի վէտ,
 Եւ երբ հատերը ծղօտներուն մէջ դալար
 Կ'ուռին կ'աճին կաթնապարար։ Շատ անգամ՝
 Երբ հողագործը գերանդի կը տանէր
 Դէպ ի դաշտերն իր դեղնցած, եւ մինչդեռ
 Դիւրաբեկ հասկը բարդ ի բարդ կը պառկէր,
 Տեսայ բոլոր պատերազմներն հովերուն
 Զարհուրելի ՚նդխառնումներով, շոպելով
 Արմատաքի եւ ցնդելով օդն ի վեր
 Հեռո՛ւն՝ հարուստ հունձքին հսկայ օրաններն.
 Թուխ փոթորկով մ'այսպէս կ'առնէր կը տանէր
 Բուքը թեթեւ յարդն ու մըղեղը թոչուն։
 Եւ շատ անգամ տեղատարափ մը սաստիկ

Երկինքէն վար կը թաւալի, եւ ամպերն
 Եթերն ի վար կապած գունդերն իրենց խիտ՝
 Կը փրցընեն մրցրիկ մ'ահեղ մառախլուտ.
 Կը տապալի բարձըր երկինքն, եւ հեղեղն
 Անձրեւազայր յորձանքներով կը քըշէ
 Զըւարթ հասկերն ու քրտինքներն եզներուն.
 Կը լեցուին ձոր ու փոր. գետերը խորունկ
 Կը խոշորնան հեղեղասաստ շառաչմամբ
 Եւ մոլեգին ծովը կ'եռայ խորքերովն:
 Հայրն աստուածոց գիշերին մէջ ամպերուն
 Հրաշէկ աջով կը թափէ շանթ որոտող,
 Երկիրը լայն կը սարսի մեծ թնդիւնով.
 Խուճապեցաւ վայրի գազանն, եւ ճանկեց
 Սոսկում մը սուրբ խոնարհ սրտերը մարդոց:
 Կը զարնէ Հայրը բոցաթոիչ սըլաքով
 Ալժոսը, կամ Ռոդոպէն, կամ Շանթային
 Բարձըր լեռները. կ'աճին հով ու անձրեւ
 Ու կը մոլնչեն մոլեգնաշունչ մըրըրկէն
 Մերթ անտառներն ու մերթ ափերը ծովուն:
 Դուն վախնալով ասկէ դիտէ ամիսներն
 Ու արփիներն աստեղատանց երկնքի.
 Ուր կը ծուարի Սատուռնեան աստղը ցրտին,
 Երկնքի որ կամարներուն մէջ մոլոր
 Կը դեգերի փայլածու բոցը Հերմեան:
 Դուն մանաւանդ աստուածներուն պատիւ տուր
 Եւ տարեւոր սկատարագներ նըւիրէ
 Վեհ Դեմետրին զուարթափըթիթ խոտերում,
 Երբ կը փութայ ձըմեռը դէպ իր վախճանն,
 Ու կը սկըսին զարնան օրերը զըւարճ:
 Գառնուկներն այն ատեն պարարտ, այն ատեն

Գինին անուշ, այն ատեն քունը քաղցրիկ
 Եւ ըստուերները լեռներուն վըրայ թաւ:
 Ծաղիկ հասակը դաշտեցի թող տանի
 Դեմետրէին պաշտօն, որուն թրմէ դուն
 Մեղրը կաթով եւ անուշակ գինիով,
 Եւ երանիկ զոհը շրջան ընէ թող
 Երեք անգամ շուրջն հասկերուն նորափթիթ,
 Եւ ընկերներդ զըւարթ անոր հետեւին,
 Եւ Դեմետրի անունն հնչէ յարկիդ տակ.
 Եւ թող հասուն հասկերուն ոչ ոք երբեք
 Առեցընէ մանգաղ՝ շուրջն իր քունքերուն
 Զըրոլորած տակաւին ոստ մը կաղնի,
 Եւ չըպարած Դեմետրէի ի պատիւ
 Գեղջուկ պարեր, Եւ չըկանչած երգ ու խաղ:
 Եւ զի անվրէպ նըշաններով կարենանք
 Նախատեսել մենք Եւ տօթերն Եւ ջաղքերն
 Եւ ցրտաշունչ հովերն, Հայրն ինք հրամայեց
 Որ ամսաւոր լուսինն ազդէ մեզ ինչ ինչ.
 Ո՞ր նըշանին տակ կ'իյնայ թեւն Հարաւին,
 Գիւղացիներն ի՞նչ բան յաճախ տեսնելով
 Գոմերուն շատ մօտ կ'արածեն հօտերնին:
 Եւ նախ հովերն երբ խրլըրտին՝ ծփծփուն
 Ծովուն կիրճերը կը սկըսին ուռենալ,
 Եւ երկնաճեմ լեռներն ի վեր կը ճայթէ
 Շեշտ ճարճատիւն մը, կամ ափերը ծովուն
 կը շառաչեն հեռուն՝ եռուն խորքերով,
 Եւ անտառները կը մոընչեն թառանչմամբ:
 Հոն այն ատեն ալիքն հազիւ կը խնայէ
 Կոր նաւերուն, հողամաղներն երբ սրաթեւ
 կը թոչին խոր անդունդներէն դէպ ափունք

Կարկաչաձայն կանչիւններով, ծովասէր
Մինչ որորներ ցամաքին վրայ կը խայտան,
Եւ ճայն ծանօթ իր ճահիճները թողած
Ամպերն ի վեր եթերաճեմ կը թեւէ:

Յաճախ տեսնես պիտի նաեւ՝ մըրըրիկն
Երբ մօտալուտ է՝ որ աստղեր կը թափին
Երկինքն ի վար, եւ կը ձըգեն ետեւնէն
Մութ գիշերին մէջ բոց ծիրեր շողշողուն,
Թեթեւ յարդեր պիտի տեսնես ստէպ թոչուն
Եւ սաղարթներ վայրահոսիկ, փետուրներ
Որ ջուրերուն վրայ կը լողան ծուփ ի ծուփ:

Իսկ երբ կայծակը շանթէ ժանոտ Հիւսիսէն,
Ու Եւրոսին՝ Զեփիւոին տունն որոտայ,
Բոլոր արտերը կը լողան ձորալիր,
Եւ ծովերուն վրայ կ'ամփոփէ նաւաստին
Առագաստներն իր թուրմ: Անձրեւը երբեք
Չըվընասեց յանկարծահաս: Ոտնաձայնն
Անոր կըռունկը լըսելով օդային,
Դէպ հովիտները փախաւ ցած, կամ երինջ
Դէպ ի երկինքը նայելով ակնապիշ,
Լայնափեռեկ ոռւնգերով օդը ծըծեց.
Կամ ծիծեռնիկը սըրաձայն սըլացաւ
Լիճերուն շուրջն, եւ ճահիճին մէջ գորտերն
իրենց կեղերջը կրկոացին հինաւուրց:
Յաճախ մրջիւնն ալ կածանով մը նրբին
իր հաւկիթներն առաւ ոարաւ իր յարկին
Սրըսկապանէն, եւ մեծ աղեղն արբեցաւ.
Եւ ազուաները տարմատարմ՝ հոյլ առ հոյլ
Հրաժեշտ տալով իրենց ճաշին՝ քաշուեցան
իրենց թեւերը ծեծելով կրկջաձայն:

Նաեւ տեսնել կարենայիր պիտի դուն
 Ծովուն պէսպէս թոչուններուն երաժներն,
 Անոնք որ շուրջն Ասիական մարզերուն
 կը կրկըտեն կայիսորոսի անուշակ
 ձահիճներուն մէջ, որ ելած մրցումի
 իրենց ուսին վրայ կը ցանեն առատ ցօղ.
 Մերթ ալիքին մէջ կը մըխեն գըլուխնին,
 Մերթ կը վազեն դէպ ալիքներն, եւ ի զուր
 կը ճապկըտին լոգանքի մեծ փափաքնէն.
 Բայց ժանո որին կը կանչէ լայն կոկորդով
 Անձրեւն, եւ ինք կը ճեմի մէն միայնակ
 Զորաւազին վըրայ. ոչ իսկ աղջիկներն
 Որ կը մանեն զիշերաջան տքնութեամբ՝
 Անգիտացան մրըրիկն, երբ վառ ճրազին վրայ
 Տեսան որ ձէթը կը շաչէ կայծկլուն
 Եւ կը գնդի պատրոյզին շուրջը քոս փուտ:
 Նոյնքան դիւրին պիտ' ըլլայ քեզ գուշակել
 Անձրեւներէն՝ արեւն ու ջինջ պարզութիւնն
 Եւ անվըրէպ նըշաններով հմտանալ.
 Զի այն ատեն աստղերը չեն բլշակնիր,
 Ոչ ինք լուսինը կը ցաթէ հըպատակ
 Հարազատին ճաճանչներուն, եւ բուրդի
 Մանըր ծուէններ օդն ի վեր չեն թափառիր.
 Գաղջ արեւին տակ թետիսի սիրելի
 Խոթերը չեն պարզեր թեւերն իրենց կուռ
 Ափերուն վրայ, եւ ոչ խոզերը զազիր
 կը մըտածեն կնճիթներով ցրցքնել
 Նետել հեռուն քակուած խուրձերը խարի:
 Բայց ցած տեղերը կը փնտուն մանաւանդ
 Ամպերն, ու դաշտը կը բոնեն համօրէն.

Եւ դիտելով արեւուն մուտքը բարձրէն
 Երեկոյեան երգերը չ'ողբար կասկամ:
 Կը շողայ նուրբ օդին մէջ բարձրը Բազէն՝
 Կարմիր ծամին վրէժն Արտոյտէն խնդրելով.
 Եւ ուր որ ալ ասի սրանայ խուսափի
 Ճեղքելով իր թեւերով օդը թեթեւ,
 Օդին մէջէ կը հալածէ զայն Բազէն՝
 Գոռ թշնամի՝ կանչիւններով ահաւոր.
 Եւ դէպ ի ուր ուղղէ թըռիչքն իր Բազէն
 Օդին մէջէ, ան կը սրանայ շուտափոյթ
 Ճեղքելով իր թեւերով օդը թեթեւ:
 Հոն այն ատեն նեղ կոկորդով ազուաւներն
 Երեք կամ չորս հեղ կը կրկնեն յեղյեղուկ
 Կըռընչիւններ ջինջ, եւ ըստէպ բարձրաբերձ
 Սենեակներուն մէջ իրենց՝ չեմ գիտեր ի՞նչ
 Արտասովոր զըւարթութեամբ կը հրճուին
 Ու կը խայտան սաղարթներուն մէջ ընդուսու.
 Քաղցր է անոնց յետ անձրեւին դադարման
 Տեսնել մանրիկ ձագերն ու բոյնը քաղցրիկ:

Անշուշտ ես չեմ կարծեր անոնց մէջ հանճար
 Աստուածատուր, կամ իրերու նախատես
 Իմաստութիւն ճակատագրեալ. բայց հազիւ
 Թէ մըրըրիկն ու շարժուն հիւթն երկնքի
 Փոխեն իրենց ճամբան, եւ Զեւս հովերու
 Շնչմամբ սեղմէ թոյլը եւ պինդը մալէ,
 Կը զգան կերպ կերպ փոփոխութիւն ոգիներն,
 Եւ սրտերն արդ ուրիշ յոյզեր կը կըրեն
 Քան ինչ որ երբ կը վանէր հովը ամպերն.
 Ասկէց համերգը դաշտերուն մէջ թոչնոց,
 Խինդն հօտերուն, ազուաւներուն զուարթ կրկոցն:

իսկ եթէ դուն նայիս սրաթեւ արեւին
 Եւ լուսնակին յաջորդական փուլերուն,
 Քեզ պիտի բնաւ չըխաքէ ժամը վաղուան,
 Ոչ ջինջ ցայգի մը թակարդին մէջ իյնաս:
 Երբ լուսինն իր նոր ճաճանչներն հաւաքէ,
 Եթէ ունի եղջիւրներուն մէջ իր մռայլ
 Աեւ մըթարներ, կը պատրաստուին տարափներ
 Մըշակներուն համար՝ ինչպէս եւ ծովուն:
 Բայց եթէ իր դէմքին վըրայ սփոէ ան
 Շառագունանք մը կուսական, պիտ' ելլէ
 Հով. կը շիկնի հովէն լուսինն ոսկի միշտ:
 Իսկ թէ չորրորդ ելքին՝ (Եւ այս նըշանակ
 է անվըրէպ) մահիկներով պաղպաջուն
 Պարզ երկնքին մէջ ճեմի, այն օրն ի բուն
 Եւ յաջորդներն՝ ամսուն մինչեւ բոլորիլն՝
 Ըլլան պիտի առանց հովի ւանձրեւի.
 Եւ ծովափին վրայ նաւազներն անձնապուր
 Պիտ' ուխտերնին հատուցանեն Գլաւկոսի,
 Պանոպէի եւ Մելիկերտ ինովի:

Արեւն ալ իր ցաթելուն կամ դօղելուն՝
 Ալիքներուն մէջ պիտի տայ նըշաններ.
 Արեւն իր հետն ունի նշաններ անպատիր,
 Զորըս կու տայ առտուն կանուխ, ուրիշներ
 Երբոր աստղերը կը ծագին: Անի երբ
 Նորանըշոյլ ծնունդն իր բժկան յօրինէ,
 Ինք կիսովին ամսի մ'ետեւ ծածկըւած,
 Վախ ունեցիր դուն անձրեւի, զի Հարաւն՝
 Հօտի, ծառի եւ ցորենի դժպըհի՝
 Ծովէն գալով կը տագնապէ սպառնալից:
 Աղօթրանին կամ բացուելուն՝ նըշոյլներն

Երբ թանձրախիտ ամպերու մէջ ցրուըտին,
կամ Աշալուշն աղօտ ծագէ՝ Տիթոնի
Թողլով մահիճը քրքմացան, այն ատեն
Ո՞ն, սաղարթուն ուռը պիտի չըփրկէ
Քաղցր ողկոյզներն, այնչափ կարկուտն ի դըռոյթ
Տամալներուն վրայ կը ճայթէ կուռ ու գոռ:

Նա մանաւանդ ասոր ալ պէտք է որ դուն
Ուշ դարձընես, երբ ան երկինքը կտրած
Քաշուի երթայ. զի մենք յաճախ կը տեսնենք
Իր դէմքը պէսպէս գոյներով նըկարէն.
Կ'ազդէ տարափ լուրթը, բոցուտը՝ հովեր.
Իսկ թէ հրաշէկ բոցին բիծեր խառնըւին,
Պիտ' ամէն ինչ տեսնես մրըրկուած նոյն նըման
Փոթորկաշունչ տեղտարափով. թող ոչ ոք
Այդ զիշերն ինձ հրաւէր տայ նաւ մտնելու,
Ոչ ալ պարանը քակելու ցամաքէն:

Բայց եթէ իր օրը մեզի բերելուն
կամ ծածկելուն՝ գունտն ըլլայ ջինջ՝ լուսալիր,
Զուր կը սոսկաս ջաղբէ. տեսնես պիտի դուն
Պարզ հիւսիսով անտառներուն ճօճճեմելն:

Եւ հուսկ արեւն ինքը պիտի գուշակէ
Ի՞նչ կը բերէ երեկոյեան ասողը քեզ,
Հովը ուրկէ կը վարէ ամպը վըճիտ,

Տամուկ Հարաւը ինչ կեցեր կը մտածէ:

Ո՞վ յանդզնի պիտի արեւը բասրել
Եբըր խաբող. ան կ'ազդէ նոյն իսկ յաճախ
Ըսպառնալիքը լուռ թագուն խազմերու,
Դաւերը նենգ եւ մարտերու եռքն անխուլ:


Ան երբ մեռաւ կեսար՝ Հոռմի գըթալով
Իր ջինջ զըլուխն ըսքողեց մութ ըստուերով,

Եւ ամպարիշտ դարերը վախը առին
 Յաւերժական ցայզի մը. հոն այն ատեն
 Թէեւ երկիրն ինքնին ու ծով լայնածիր
 Եւ գարշ շուներ եւ թոչուններ չարաշուք
 Ամէնքը մեզ կը պարզէին նըշաններ։
 Քանի՞ անզամ կիկլոպներու դաշտերում
 Տեսանք Ետնէն՝ որ հալոցները պատուած
 Յործանապտոյտ՝ եռանդնաբորբ կը զեռար,
 Թաւալելով շըռընչաններ բոցեղէն
 Եւ հրահոսան քարեր։ Ամբողջ երկնքում
 Գերմանիա լըսեց զէնքի շաշիւններ,
 Սասանեցան Ալպեանք դժնէ դըղորդով,
 Լսուեցաւ լուռ անտառներում ահեղ ձայն,
 Եւ մութ ցայզում տեսնըւեցան ուրուներ
 Մեռելատիպ՝ երեւոյթով անսովոր,
 Եւ երէները խօսեցան, ով սոսկում։
 Գետերը կանգ առած կը մնան ոտնակառ,
 Եւ կը բանայ երկիրը իր անդունդներ.
 Մեհեաններում կ'արտասուէ փղոսկրը տրտում,
 Կը քրտընի պըղինձն։ Ալքայն գետերու
 Երիդանոս յործանքներով մոլեգին
 Կը հեղեղէ անտառ՝ պուրակ. կը քըշէ
 Կը տանի գոմ ու հօտ բոլոր դաշտերէն։
 Եւ այն ատեն ընդերքներուն մէջ գուժկան
 Կ'երեւային սպառնուտ ջիլեր ու նեարդեր,
 Զրհոքներուն մէջ կը հոսէր յորդ արիւն,
 Կը հնչէին զիշերանց մեծ քաղաքներն
 Ունածայնովը գայլերուն։ Ե՞րբ ինկան
 Այսքան անթիւ կայծակներ պարզ երկնքէն,
 Եւ շողացին զարհուրելի վարսամներ։

Ուստի երկրորդ անգամ տեսան Փիլիպպէք
 Հռոմէական զոյգ ճակատներ նոյնազէն,
 Որ դէմ դիմաց կը խիզախն դէպ ի ոազմ.
 Վերիններուն չըթըւելով անհաճոյ
 Որ արիւնովը մեր կրկին գիրանան
 Եմաթիա եւ լայն դաշտերն Հեմոսի :
 Նոյն իսկ պիտի զայ ժամանակ, որ մըշակն
 Երբ այս դաշտերն հերկէ իր կոր արօրով,
 Գտնէ տէզեր խոժոռ ժանգէն ուտճահալ,
 Կամ զարնըւի տրմուխներով ահագին
 Կորդակներուն թափուր, ու մնայ հիացած
 Երբ շիրիմները բանալուն՝ նըկատէ
 Սոսկավիթխար ոսկրոտին մեր հայրերուն :
 Ո՞վ աստուածներ հայրենաբուն, Հռոմուլու
 Եւ Վեստա մայր, որ Տիբերիսը Տոսկեան
 Կը պահպանես եւ տաճալներն հոռմական,
 Մի՛ արգիլէք գոնէ որ այս պատանեակն
 Այս կործանած դարուն հասնի զօրավիզ :
 Շատ ատենէ ի վեր արդէն լուծեցինք
 Մեր արիւնով Լաւմեղոնեան Տրովայի
 Խարդաւանքին վրէժը. շատոնց, ո՞վ կեսար,
 Քեզ կը խանդայ մենէ երկնից արքունիքն,
 Եւ կը զչարի որ մարդկային սին փառքեր
 Տակաւին քեզ կը բռնեն հոս, ուր իրաւն
 Եւ անիրաւ արդ կը շփոթուին վեր ի վայր.
 Պատերազմի բոցեր ամէն կողմերէ,
 Եղեռն՝ ոճիր տեսակ տեսակ անհամար,
 Արօրն անշուք՝ թողլիք, արտերն անմըշակ
 Որբ մընացած երկրագործէն. կը ձուլուին
 Կոր մանգաղները մարդասպան սուրերու :

Կը սկըսի մարտ Եփրատն ասկէ, Եւ անկէ
Գերմանիա. դաշինքներուն դրժելով
Մէն մի դրացի քաղաք զէնքի կը դիմէ.
Մոլի Արէսն ամբողջ աշխարհն է բռներ:
Զերդ քառաձի կառքեր երբ դուրս կը նետուին
Թողարանէն՝ կ'ասպատակեն սըրաթոիչ,
Եւ կառավարը սանձն ի զուր քաշելով
Յափշտակուած կը տարուի զոռ ձիերէն,
Եւ կառքը չի հընազանդիր պախուցին:

749



ՊՈԲԼԻՍԻ ՎԻՐԳԻԼԻՈՍԻ ՄԱՐՈՆԻ
ՄՇԱԿԱԿԱՆ Ք

ԵՐԿՐՈՐԴ ԳԻՐՔ

ՆԱԽԱԴՐՈՒԹԻՒՆ

Առաջարկութենքն վերջ՝ օգնութեան կանչելով զինւոյ
աստուածը՝ Ապանդարամետ, կ'անցնի երկրորդ զրբին,
որ եօթը զլուխներու կը բաժնուի:

Ա. Տնկազործութեան այլեւայլ տեսակները՝ ընու-
թեամբ եւ արուեստով:

Բ. Ծառերու զանազան տեսակները, եւ իւրաքանչիւ-
րին դարձանը, ինքնեկ թէ ձեռատունկ:

Գ. Այն մի տեղոյ վրայ՝ ուր ծառերը կը բարզաւա-
ճին մին քան միւսը. ուր եւ զովեստ իտալիոյ:


Դ. Այսւեստ ընտրելու անձնիւր հողի ընութիւնը, եւ
իւրաքանչիւրին պէտքերը:

Ե. Աշակութիւն որթի, ուր եւ զարնան եւ սպանդա-
րամետական խաղերուն վրայ:

Զ. Աշակութիւն ճիթենիի եւ ուրիշ ծառերու,

Է. Վերջաբան. դրուատ շինական կեանքի երջանկու-
թեան վրայ:

ՄՇԱԿԱԿԱՆՔ



ԵՐԿՐՈՐԴ ԳԻՐՔ

Մինչեւ հոս վարն արտերու, պարն աստղերու。
Արդ քեզ կ'երգեմ, Սպանդարամետ, եւ քու հետ
Պիտի երգեմ թաւաթուփերն անտառուտ
Եւ ազգատոհմն յամրաբուսիկ ձիթենւոյն։

Հոս եկուր, ով հնծանեան հայր, ամէն ինչ
Լեցուն է հոս քու շնորհներով. կը ծաղկին
Մարգերն յըղի քեզ՝ ուռաւէտ աշունով.
Լի տաշտերուն մէջ կը փրփրի այգեկութն,
Ով հնծանեան հայր, արի հոս եկուր, օն,
Փութով հանէ մոյկերդ, եւ հետըս ներկէ
Նոր գինիով քու բոկանի սըրունքներդ։

Զարմն այլաբուն է ծառերուն՝ սկըզբանէ,
Քանզի ոմանք անբոնադատ մարդոցմէ՝
Ինքնաբոյս են, եւ կը գրաւեն դաշտորան
Հեռուն՝ ւափերը գալարուն գետերուն։
Ինչպէս ճըկուն մոշին, ցարասը ճապուկ,
Կաղմախն, ուռին լսնակապոյտ տերեւով։
Մաս մ'ալ կ'ելլէ կ'աճի ցանուած սերմերէ,
Զերդ շագանակը բարձրաբերձ, եւ շոնին՝
Անտառներուն յաղթահասակը՝ ձօնուած

Արամագդի, եւ կաղնիներն՝ որոնցմէ
 Հելլենաստանը պատգամներ կը խնդրէր:
 Եւ ուրիշներ կը տեսնեն շուրջը իրենց
 թաւ անտառներ՝ բըխած իրենց արմատէն.
 Ինչպէս կնձնին, կեռասանին, եւ դափնին
 Պառնասական՝ կը զարգանայ դեռ մանուկ՝
 Լայնածաւալ հովանիին տակ իր մօր:
 Նախուսոտ բնութիւնն հետեւեցաւ այդ կարգին.
 Եւ այդ կարգով կը կանաչնան մէն մի ծառ
 Եւ մէն մի թուփ եւ դիցանուէր թաւուտներն:
 Ուրիշներ ալ կան՝ զորըս փորձն հանճարեց.
 Աս՝ մայրերուն դեռ քնքշենի մարմինէն
 Շառաւիղներ կտրեց մըխեց հողէն ներս,
 Ան՝ իր արտին մէջ թաղեց արմ՝ ունջ ու տակ,
 Չորս ճեղքըւած ցիցեր, շերտեր կամ սրածայր.
 Եւ ուրիշներ ալ կը սպասեն որ կըքեն
 Բարունակնին աղեղնաձեւ, եւ ողջ ողջ
 Թաղեն զիրենք իրենց բընիկ երկրին մէջ:
 Ուրիշներ պէտք անզամ չունին արմատի,
 Եւ յատանողը բնաւ եղբեք չ'երկմըտիր
 Ամենաբարձըր ճիւղն հողին յանձնելու.
 Մինչեւ իսկ կոճղը կտրըւած՝ կոճոպուած
 Զիթենիին, զարմանալիք նորասքանչ,
 Արմատ տըւաւ եւ չորցած փայտը շաքլեց:
 Մենք կը տեսնենք նաեւ յաճախ՝ որ ճիւղերն
 Այն ինչ ծառին՝ ըլլան ուրիշ ծառի ճիւղ,
 Եւ այս առանց ոեւիցէ վընասի.
 Եւ տանձենին փոխաբուսուած բերէ մեզ
 Պատուաստ արբուն խնձոր, եւ չումը կոպճուտ
 Շառագունի շիկնի կարմիր շըլորով:

Արդ եկէք, ով երկրագործներ, սորվեցէք
Մըշակումներն իւրաքանչիւր տեսակին,
Ու վայրի միրզն անուշցուցէք պատուաստով.
Հողերը թող բնաւ անօգուտ չըմրնան.
Իսմարը պէտք է որ որթով պճնուի,
Եւ Տաբուռնոնը մեծ հագնի ձիթենի:

Հասիր եւ դուն, ով Մեկենաս, ով պարծանք
Եւ համբաւին մեր մեծ բաժին արդարակ,
Եւ ձեռնարկած գործիս ընկեր եղիր ինձ,
Եւ թոչելով առագաստները պարզէ
Բաց ծովուն վրայ. բայց ես չունիմ միտք ու կամք
Ամէն ինչ իմ տաղերուս մէջ ծրարելու.
Ո՛չ, թէեւ ես ունենայի հարիւր հատ
Լեզու, հարիւր բերան ու ձայն երկաթի:
Հասիր ու մօտ քերէ ափին եղերքէն,
Յամաքն առձեռըն մեզ պատրաստ. ես ըզքեզ
Պիտի չբոնեմ կեղծուպատիր երգերով,
Ոչ ալ երկայն նախամուտով պատ ի պատ:

Ինքնեկ բուսնող ծառերն որ վեր կը ցցուին
Դէպ ի այերը լուսաւոր, յիրաւի
Անբեղնաւոր են, բայց կ'աճին ծիծաղկոտ
Եւ հըզօրեղ, զի հողին մէջ է բնութիւնն:
Իսկ եթէ մէկը պատուաստէ ասոնք եւս
Կամ տեղեցնին փոխած զանոնք զետեղէ
Փորուած փոսի մը մէջ, բնութիւնը վայրի
Կը մերկանան, եւ անձանձիր խընամքով
Ինչ արուեստի ալ որ կանչես դուն զիրենք
Փութանակի պիտի զան քու ետեւէդ:
Նոյնը պիտի ընէ նաեւ ստեղն ամուլ
Որ կ'ելլէ խոր արմատներէն, եթէ դուն

Տեղափոխես զայն արձակ՝ լայն դաշտերում։
Արդ մօրը բարձըր սաղարթներն ու ճիւղեր
Թողլով շուքի մէջ զայն՝ արգելք պիտ' ըլլան
Անոր աճման ու խամրեն պտուղն ու բերողն։

Ծառը սակայն բուսած ցանուած սերմերէ
Դանդաղ կ'աճի, եւ պիտի տայ հովանի
Եւ շուք թոռանըդ թոռներուն. պտուղներն ալ
կը խորթանան՝ մոոցած նախկին հիւթն իրենց,
Եւ կը բերէ այզին մրգուզ ողկոյզներ՝
Որս եւ ապուռ թոչուններուն։ Եւ արդ դուն
Պէտք է թափես ամէն ճիզերդ ու ջանքերդ,
Գընես բոլորն ալ փոսերու մէջ կարգաւ
Ու մըշակես յոգնավաստակ խընամքով։

Բայց կը սիրեն ձիթենիներն յառաջ զալ
Մէծ ճիւղերէ, տաշտաթաղէ որթատունկն,
Ըստուարաբուն ոստերէ մուրտը Պափեան.
Բայց կարծրատորր արքայկաղնին կը սերի
Զաչէ, եւ մեծ հացին եւ ծառն հովանուտ
Հերակլէսի պսակին, կաղնին՝ քաւոնեան
Հօր, եւ նաեւ արմաւենին բարձրածաղկ.
Եւ եղեւինն որ վըտանզները ծովուն
Պիտի տեսնէ մօտէն ու կուրծք տայ անոնց։
Կը պատուաստուի նաեւ խոշոր մաթզենին
Ընկուզի գողտըր պըտուղով, եւ ամուլ
Սօսին բերաւ ցուցուց առոյգ խնծորներ.
Փիճին յաճախ կասկենիի, եւ հացին
Տանձենիի ճերմակ ծաղկով ձիւնացան,
Եւ կնձնիին տակ կոտրեց խոզը բալուտ։

Ծառ պատուաստելը կամ պտկել պարզ մէկ չէ -
Քանզի հոն ուր շառաւիղները՝ պատուած

Նուրբ պըտուկները կեղեւէն կ'ելլեն դուրս,
կը բացուի նեղ խինձ մը ծակին մէջ իսկ հոն.
Օտար ծառին պտուկն անկէ ներս կը մուծեն,
Որ զարգանայ հոն թաղանթին մէջ տամուկ:
Կամ կը ճեղքեն դարձեալ ծունկերն անվարակ,
Եւ հաստ փայտին մէջ կը բանան երիթով
Ճամբայ մը խոր, ուր կը մըխեն բերրի մորճն,
Եւ ոչ երկայն ատեն, եւ մեծ ծառն ահա
Նետուեցաւ վեր երկինք ուժեղ ճիւղերով,
Եւ հիացաւ սաղարթներուն վրայ իր նոր,
Եւ միրզերուն որ հարազատ չեն իրեն:

Բաց ասկէ, չեն հոմասեր ոչ կնծնիներն
Հըզօրեղ, ոչ ուռենին, ոչ եւ ներգիւնն
Եւ ոչ ալ ճետն իդայազարմ նոճերուն.
Ոչ ալ պարարտ ձիթենիները կը ծնին
Նըմանակերպ, բարաբենին, բոլորշին
Եւ ան՝ զոր դեռ եւըս՝ դառն հատ կը ճնշեն,
Ոչ խնձորներն ԱԱկինոյեան դարաստներն
Ունին նոյն մի բողբոջն, եւ ոչ ալ տանձերն
Ասորնական եւ Կրոստոմեան բոնալիր:
Չեն կախուիր մեր տունկերէն նոյն ողկոյզներն
Որ կը քաղէ Լեսքոս որթէն Մեթիմնեան,
Կան այզիները Թասոսի, կայ դարձեալ
Մարէովտեան սպիտակ այզին, դէպ յարմար
Ասոնք պարարտ հողի, անոնք անօսրի.
Եւ շահաւէտ չամչեղէնի Փըսիթեանն
Եւ նուրբ Լազունն, որ դեղեւէ պիտի ոտքն
Օր մ'եւ լեզուն կապէ կարկէ՝ դանդաչուն:
Կայ ծիրանին, կայ վաղահասն, եւ քեզ ի՞նչ
Երգով պիտի նըւագեմ ես, ով Ոետեանդ.

Բայց Փալեոնեան մառաններէն աւելի
 Չըլլայ խրոխտաս. կան եւ որթերն Ամինեան,
 Գինի ուժեղ՝ տոկուն, որոնց Տըմոլոս
 Տեղիք կու տայ եւ Փանէոս արքան ինք.
 Եւ Արգենին կրտսեր որուն հետ ոչ ոք
 Կրնայ մրցիլ ոչ ծորանքին ծաւալին
 Եւ ոչ այնքան տարիներու տոկալուն:
 Եւ ես ըզքեզ պիտ' ընէի՞ երբեք զանց
 Ո՞վ աստուածոց ւաղանդերաց սեղանին
 Ընտրական զարդը՝ Հոռդայինդ, եւ Ժոխուրն
 Ողկուզաւէտ եւ ուռուցիկ հատերով:
 Բայց բազմազան տեսակներուն ոչ թիւ կայ
 Եւ ոչ անուն. եւ ինչ օգուտ թըւելէն:
 Եւ մէկն ուզէ եթէ զիտնալ, ուզել է
 Գիտնալ հատերն աւազուտին հողմայոյզ
 Լիբէական ափին վըրայ, կամ ճանչնալ
 Քանի՞ կոհակ յոնիական կը դիմէ
 Դէպ ի ափունք՝ Եւրոսը երբ մոլեզին
 Մըրըրկաշունչ նաւերուն վրայ խոյանայ:
 Բայց ամէն հող ալ ամէն բան չի բերեր.
 Ուռենիները զետերուն կը ծնին քով
 Եւ բարտիներն եղտիւրներուն մէջ տղմուտ,
 Եւ հացուտներն ամուլ՝ քարուտ լեռներում.
 Ծովեզերքները կը ցնծան մուրտերով.
 Բայց որթատունկը բըլուրներ կը սիրէ,
 Եւ կարմրածառը Հիւսիսակն ու ցուրտեր:
 Նայէ դարձեալ գունտին վըրայ՝ զոր կ'ընկճեն
 Մշակներն յետին, առաւօտեան տուներէն
 Արաբներուն՝ մինչ նըկարէն գելոններն.
 Ամէն մի ծառ իր հայրենիքը ունի:

Լոկ Հնդիկները կու տան սեւ ոպնիազ,
 Սաբայեցիք՝ խնկաբեր ոստ։ Եւ ինչո՞ւ
 Պատմէի քեզ հոս բալասանն ու ծորանքն
 Անուշահոտ փայտին, հատերն ականթի
 Մշտափըթիթ. ինչո՞ւ հապէշ անտառներն
 Ըսպետափառ քնքուշ բուրդով, եւ ի՞նչպէս
 Սերք կը հանեն տերեւներէն մանրիկ գեղմն.
 Եւ Հնդկաստանն ի՞նչ անտառներ կը բերէ
 Ովկիանի դրացի երկրին հուսկ ափունքն,
 Ուր ոչ մի նետ չըկրցաւ ոլաքն հասցընել
 Կտրել ծառի մը գագաթին վերեւ օդն.
 Եւ սակայն այդ ազգն ապիկար չէ երբեք
 Երբ կապարճներն անգամ մը ձեռքը առնէ։
 Մարք կը բերեն բարեգործակ կիտրոնին
 Տտպահամ հոյզն ու ծանրածանըր բուրումն՝
 Որմէ չիկայ ոչինչ ազդու, թէ երբեք
 Դժնէ մօրուն թունաւորեց ըմպելին
 Խառնելով խոտ եւ ժանտագործ մրմունջներ,
 Գալ հասնելու եւ թոյնն անկէ թափելու։
 Ինք ծառ խոշոր՝ դէմքով նըման դափնիի,
 Եւ եթէ հոտ մ'ուրիշ հեռուն չըսփոէր՝
 Դափնի կ'ըլլար. ոչ մէկ հով չի թափեր բնաւ
 Իր տերեւներն եւ ոչ ալ պինդ ծաղիկներն.
 Մարք կը խնկեն անով իրենց գարշահոտ
 Շունչն ու բերանն, եւ ալեւոր ծերերուն
 Կը դարմանեն անով սրթանքն ու հեւոց։
 Բայց ոչ Մարաց ամենաճոխ անտառներն,
 Ոչ գեղեցիկ Գանգէսն, Հերմոսն ոսկեհոս
 Կրնան խտալ պարծանքներուն մրցիլ հետ,
 Ոչ Հնդիկք, ոչ Բակտրիացիք, ոչ Բոլոր

Պանքայիա՝ լի խնկաբեր աւազով։
 Հրաշունչ ցուլերը չեն որ այս երկրին մէջ
 Քիթով ակօս բացին, եւ ոչ անարի
 Վիշապ օձին սերմանելով ժանիքներն
 Ելան բուսան սաղուարտաճօն մարտիկներ
 Աեղմած տէզերն իրենց. այլ լի աճեցուն
 Հասկերն եւ հոյզը Մասսիկեան Բաքոսին
 Կը տեղան հոն. ձիթաստաններ եւ հօտեր
 Հոն կը վիստան բերկրազըւարթ։ Կը դիմէ
 Ասկէ ուազմիկ նըժոյգն ի դաշտ բարձրավիզ,
 Անկէ պախրէն ըսպիտակ, ով կլիտումնէ,
 Եւ ցուլը՝ զոհ շըքեղ՝ ըստէպ լուացուելով
 Զուրերուդ մէջ սրբանըւէր, հոռմական
 Յաղթանակները դից տաճարը տարին։
 Գարուն է հոս յաւէժակայ, եւ ամառ
 Օտարական ամիսներուն մէջ. հօտերն
 Երկիցս յըղի, ծառերն երկիցըս բերուն.
 Բայց մոլեգին վազրեր չիկան հոս, չիկայ
 Արիւնըուշտ առիւծներու ճետն ու զարմ.
 Հոս մոլախինդը չի խաբեր հէք կըթողն,
 Եւ ոչ ալ օձը թեփամորթ կը քաշէ
 Երկրի վըրայ քնթոնոցներ անհամար,
 Եւ ինք իր շուրջ կը զալարէ բիւր պարոյր։
 Աւելցուր այնքան քաղաքներ հոյակապ,
 Աշխատութեան պըտուղ. այնքան դղեակներ
 Ցից ժայռերու վըրայ կերտուած ձեռքերէ.
 Գետեր որ հին պարիսպներու տակերէն
 Կ'անցնին կ'երթան. ծովը յիշեմ ես արդեօք
 Որ կը թրջէ զանի վերէն ու վարէն,
 Թէ շատ լիճերն. ըզքեզ, ով մեծ Լարիոս,

Եւ քեզ, Բենակ, որ կը մոլիչես ու կ'ուսիս
Ծովակուտակ. նաւակայքերը յիշեմ

Եւ Լուկրինի դիմաց թմբուած փականքներն
Ու ծովս որ մեծ շառաչներով կը կատղի.

Ուր կոհակներն Յուլեան հեռուն կը հոլնչեն
Երբ դէպ ի ետ կ'ընկրկի ծովս, ու կ'երթայ
Յորձանապտոյտ դէպ ի նեղուցն Աւեռնեան:

Այս միեւնոյն իտալիան կը ցուցնէ
Երակներուն մէջ առուներ արծաթի
Եւ պըղինձի բովեր, ոսկին կը հեղու
Առառահոս: Աա ինքն հանեց ծոցէն դուրս
Գրոհը կտրիճ Մարսիկներու, եւ Սաքին
Առոյգ հասակն, եւ վշտըմբեր Լիգուրեանն,
Եւ Վոլսկեանները մկընդաւոր, Դեկոսներ,
Մարիոսներ եւ կամիլներն հոյանուն,
Մարտէ անխոնջ Ակիպիոններն, եւ ըգքեզ
Վեհըդ Կեսար, որ արդ արդէն յաղթական
Հուսկ ծայրերուն մէջ Ասիոյ, կը վանես
Հնդիկն անզօր հոռմէական բերդերէն:

Ողջոյն քեզ, ով կոռնեան երկիր, մեծ ծընող
Արմըտիքի, մեծ ծընող քաջ մարդերու.

Քեզի համար է որ կ'երգեմ փառապանձ
Մէր արուեստներն եւ արարքներն հինաւուրց,
Յանդգնելով սուրբ աղբիւրները բանալ
Եւ հնչեցնել Ասկրեան երգով իտալիան:

Արդ պիտ'-ըսեմ յատկութիւններն արտերուն.
Ի՞նչ ոյժ, ի՞նչ գոյն ունին, եւ ի՞նչ բերելու
Ընդունակ է իւրաքանչիւրն: Առաջին՝
Կոշկոռոտուն գետինն ու բլուրը դժնէ
Ուր կաւն անօսր է եւ խիճեր, թուփեր կան,

Կ'ուրախացնեն Աթենասի սիրելի
 Երկայնակեաց ձիթենիներն։ Այս նըշան՝
 Որ այդ տեղերը կը բուսնին շռայլօրէն
 Վայրենիներն, եւ կը ծածկեն դաշտորան
 Հեռուն բոլոր իրենց վայրի հատերով։
 Սակայն պարարտ երկիրը քաղցըր հիւթով
 Բերկրազրւարճ, եւ խոտաւէտ դաշտն յուռթի
 Առատաբուխ, ինչպէս որ մենք կը տեսնենք
 Յաճախ լերան մը հովիտին մէջ խորունկ,
 Ուր բարձրաբերձ ժայռերէն ջուրն հոսելով
 Կը բերէ հետն արգասաւոր սիկ մը վար,
 Եւ եթէ ան դէալ ի հարաւ կը նայի,
 Ու կը բերէ կոր արօրին դժպիհի
 Պըտերն, ատի քեզ պիտի օր մ'հայթայթէ
 Որթատունկեր հաստահարուստ՝ գինեւէտ,
 Ուր քեզի տան առատ առատ ողկոյզներ
 Եւ ծորանքներ լայնալիր. այն ծորանքէն
 Զոր կը հեղունք աստուածներուն ի պատիւ
 Բաժակներով ոսկի, Տիւրենը մինչ գէր
 Կը փըչէ փղոսկրը բագինին առջեւ հոն,
 Եւ գոգախոր սկաւառակով կը ձօնենք
 Աստուածներուն ծխաշունչ ընդերքը զոհին։
 Իսկ եթէ մօտ է քու սրտիդ աւելի
 Խնամել հոգալ պաճառ՝ պախրէ եւ հորթեր,
 Կամ ոչխարներ եւ մըշակուած վայրերուն
 Ապականիչ այծերը, գնա ու գըտիր
 Տարենտոնի յուռթի դաշտերն, անտառներն,
 Եւ այն գետինն՝ որ հէք Մանտուան կորսնցուց,
 Ուր ձիւնաթոյր կ'արածէին կարապներ
 Իր լոռաւէտ գետին մէջ. չեն պակսիր հոն

Հօտերուն ոչ ականակիտ աղբիւրներ,
Ոչ դաւարիք, եւ դըւարն ինչքան լըզէ
Երկարատեւ օրերում, ցայգը կարճուկ
Կը հասցընէ նոյնքան շաղով զովարար:

Սեւորակ հողն հատու խոփին տակ պարարտ
Եւ բնականէն փխրուն, որուն կու տանք մենք
Այս յատկութիւնն արօրադրած ատեննիս,
Յարմարագոյնն է ցորենի. ոչ մէկ դաշտ
Պիտի չղրկէ տուն յամրաքայլ ցուլերով
Աւելի շատ սայլեր, եւ կամ այն գետինն
Ուրկէ սրտնած մըշակն անտառը խըլեց
Եւ տապալեց այնքան երկար տարիներ
Անգործ անպէտ մնացած պրակները թաւուտ,
Արմատաքի եւ կարճովին բըրելով
Թուչուններուն բնակարաններն հինաւուրց,
Որոնք լըքած բոյներն իրենց սլացան վեր,
Բայց փայլեցաւ մաճին ճեմքին տակ կորդ դաշտն:

Զի զառիվայր հովտի մ'երէզն անջրդի
Կրնայ հազիւ մեղուներուն հայթայթել
Անարգ նարդոս եւ խնկունի. նոյն նըման
Սունկ քարն ու կաւը կրծըւած սեւաթոյր
Վիշապներէ. ուրիշ ոչ մէկ դաշտ չի տար
Օձերուն այնքան քաղցրանուշ կերակուր
Եւ ծեքածուռ անոնց որջեր պատրաստեր:

Իսկ այն գետինն որ կը շնչէ նուրբ շոգի
Եւ մէզ թեթեւ եւ կը ծըծէ խոնաւ ցողն,
Եւ երբ ուզէ ինքիլմէ դուրս կը ցնդէ,
Եւ ան որ միշտ կանաչութիւն է զգեցած,
Եւ չի կպչիր երկաթին ոչ բիրտ ժանգով
Եւ ոչ աղոտ քոսով, ան քու կնձնիներդ

Պիտի պճնէ զըւարթառառ որթերով :
 Ան քաջաբեր է ձիթենւոյ . փորձով դուն
 Երբ մըշակես՝ պիտի գտնես զայն յարմար
 Հօտի , եւ հլու հըպատակ կոր արօրին :
 Հարուստ կապուան կը հերկէ հող մ'այդակիսի ,
 Եւ Վեսուվի մօտիկ դրացի ժողովուրդն ,
 Եւ Կլանիոսն անգութ՝ անշէն Ակերրայց :

Արդ պիտ՝ ըսեմ թէ ինչ կերպով մէն մի հող
 Պիտի կարող ըլլաս ճանչնալ ու զատել
 Թէ նօ՞սր է ան՝ թէ թանձր ու խիտ՝ չափէ դուրս .
 Զի ցորենի է մին յարմար՝ շահաւէտ ,
 Եւ միւսն՝ որթի . թանձրը յատուկ Դեմետրի ,
 Անօսրահողը Բաքոսի : Տեղ մ'ընտրէ
 Նախ եւ հոն փոս մը փորէ խոր , եւ ապա
 Հանած բոլոր հողըդ փոսին լեցուր մէջ ,
 Եւ վրան ոտքով կոխէ , գուղձերը փշրէ
 Հաւասարցուր գետնին . պակսի եթէ հող ,
 Հողդ թեթեւ է եւ յարմար հօտերու
 Եւ կենսաւէտ որթատունկի : Խոկ եթէ
 Չուզէ երթալ հողն իր գուբին մտնել մէջ
 Եւ լեցուելէն յետոյ փոսն՝ հող աւելնայ ,
 Թանձրահող է դաշտըդ , ալ դուն ըսպասէ
 Կոշկոռոտուն , կարծըր՝ տոկուն բունծերու ,
 Զորս ճեղքելու համար լըծէ ժիր եզներ :

Բայց աղտաղտին երկիրը դառն յորջորջուած
 Անատակ է արմըտիքի , եւ արօրն
 Անուշցընել զայն չէ կարող , ուր զինին
 Զի պահեր իր զարմն , ու միրգերն՝ անուննին :
 Ահա թէ ինչպէս զայն ճանչնաս պիտի դուն .
 Հանէ քու տանըդ ծըխամած տանիքէն

Խիտ խիտ հիւսուած տառաղաններն ուռենի
Եւ պարզուտները հնձանիդ, ու լեցուր
Անոնց մէջ այդ չար արտն, ու քաղցըր ջուրեր
Աղբիւրներու՝ վազցուր անոնց վըրայ. ջուրն
Անշուշտ իրեն պիտի ճամբայ մը բանայ,
Եւ մեծամեծ կաթիլներ դուրս պիտ' ելլեն
Ուռենիէն, եւ պիտի ճամը բերէ
Յայտնի նըշան մը, եւ ճաշակը լեղի
Պիտի փոթ փոթ ընէ բերանն ըմպողին:

Իսկ այս կերպով կը սորվինք հողը պարարտ.
Սն ձեռքերուն մէջ չի փշրիր երբ սեղմեն,
Այլ ձիւթի պէս մատուցներուն կը կպչի:

Հողը նամէտ կը բերէ բարձըր խոտեր,
Եւ չափազանց է արգաւանդ. այս երկիրն,
Ո՞հ, թող չըլլայ առատաձեռն այնքան ինձ,
Եւ չըցուցնէ ինքզինքն այնքան քաջազօր
Երբ կը փթթին ահա ճասկերն առաջին:

Հող մը թէ ծանր է կամ թեթեւ՝ լրոելեայն
կը յայտնըւի իր կըշիոքէն, եւ դիւրաւ
Կրնան աչքերն որոշել սեւ է արդեօք
Թէ ուրիշ զոյն. բայց դժուարին է ճանչնալ
Ցուրտն անօրէն. կըւենիները միայն
Երբեմըն նաև եւ յակրիներն ոճրագործ
կամ սեւ բաղեղն հետքերն անոր կը մատնեն:

Յետ այս բաները դիտելու, մըտածէ
Շատ կանուխէն պատրաստել հողն ու բանալ
Լերան կողին վըրայ փոսեր մեծամեծ,
Եւ կոշկոռները դարձընել դէպ հիւսիս
Կոնակի վրայ, դեռ տակաւին չըտնկած
Այգիներու զըւարթամիտ զարմն ու ցեղ.

Լաւ են փիսրան հողով դաշտերն, ուր հովերն
Եւ ցուրտ եղեամն եւ կաշմբուռն մըշակն
Արդէն խախտածը կը քրքրեն անդադար:

Սակայն անոնք՝ որոնցմէ չի խուսափիր
Ոչ մէկ խընամք, առաջուրնէ կը փնտռեն
Տեղ մը նըման, ուր պատրաստեն ծառերուն
Առաջին տունկն, եւ ուր բերեն ու տնկեն
Ապա կարգաւ, զի մի գուցէ որդիներն
Անգիտանան իրենց յանկարծ փոխուած մայրն:
Կեղեւին վրայ կը նըշանեն մինչեւ իսկ
Երկնքի մարզն, որպէս զի մէն մի անձնիւր
Զետեղեն այնպէս ինչպէս էր առաջուց.

Ո՛ր կողմէն ան կ'ընդունէր տապն հարաւին,
Եւ որ կողմէն կը դառնար դէպ ի հիւսիս.

Այնքան կ'արժէ վարժոյթը փոքր հասակէն:

Նայէ դուն նախ՝ լա՞ւ է այգին զետեղել
Բըլուրներու վըրայ թէ հարթ դաշտի մէջ:
Եթէ կ'ուզես յատկացընել այգիիդ
Պարարտ դաշտի մը հողը՝ խիտ տնկէ դուն,
Խիտ որթատունկը բերելու մէջ ծոյլ չէ.

Իսկ եթէ կողն ընտրես բլրան կամ լերան
Զառիվարուտ, տնկէ հեռու իրարմէ.

Բայց միջոցները կարգէ կարգ ըլլան թող
Ճիշդ հաւասար, եւ կազմեն հոն շաւիղներ
Ճշգրտապէս եւ վերջին ծայր համաչափ.

Զերդ մեծ մարտի մը մէջ յաճախ՝ երբ բանակն
Իր գունդերուն պարզեր է կարգը հեռուն,
Եւ բաց դաշտի մէջ կը կենայ գումարտակն,
Ամէն զիծերը հաւասար կ'երեւան,
Եւ ամբողջ դաշտը կը շողայ պաղպաջուն

Հուսանըշոյլ պղինձէն, եւ դեռ սկըսած չէ
խառնուրդն ահեղ մարտին, Արէսը սակայն
կը թափառի զէնքերուն մէջ վարանոտ.
Թող շաւիղներդ այսպէս ըլլան զուգաչափ
Եւ զուգաթիւ. ոչ թէ զի աչքն ունենայ
Սնոտի հաճոյք մ'այն տեսիլքէն, այլ զի հողն
Ուրիշ կերպով պիտի չիտայ ամէնուն
Հաւասար ոյժ, եւ ոչ ոստերը զօրեն
Ազատօրէն միջոցին մէջ տարածուիլ:

Գուցէ ուզես գիտնալ թէ ո՛րքան խորունկ
Պէտք են ըլլալ փոսերն. ես նոյն իսկ այգիս
Զերկմըտէի պիտի ծանծաղ ակօսի
Յանձնել. ծառերը կը մըխեն երկրին սիրոն
Անդնդախոր, մանաւանդ շոճն, որ զլխով
Որչափ սլանայ դէպ ի եթերն արփաճեմ,
Արմատն այնչափ դէպ ի դլժոխք կը վազէ:
Ուստի զայն ո՛չ փոթորիկ, ո՛չ փուք, անձրեւ
Զեն շոպեր, ան անդրդուելի կը մընայ,
Եւ կը յաղթէ տարիքով շատ թոռներու,
Ինք դարէ դար յաւերժացած անվըկանդ,
Եւ բազուկներ արձակելով ամրոստեան
Շուրջանակի մօտն հեռուն՝ ինք մէջտեղն հոն
Կ'արձանանայ սփոելով շուք մ'ահագին:

Թող այգեստանըդ չընայի արեւմուտք,
Եւ որթերուն մէջ մի՛ կաղնի տնկեր բնաւ.
Շառաւիղները գագաթէն մի կորեր,
Ոչ ալ ստեղները ծառին բարձր ոստերէն.
Այնչափ մեծ է սէրն հողին. մի՛ խոցուեր
Բութ երկաթով խաւարծիլներն, եւ այգիդ
իր մէջ երբեք չունենայ թող ձիթենւոյ

Վայրի կոճղերն . որովհետեւ շատ անգամ
 կայծ մ'անըզգոյշ հովիւներէ ինկած վար ,
 Նախ կը ծուարի զաղտ կեղեւին տակ իւղոտ ,
 Եւ ապա բունն անոր իր մէջ ծրարելով
 կը սըլանայ դէպ ի ճիւղերը վերին ,
 Ահեղ շառաչ մ'արձակելով երկնապող .
 Յետոյ յաղթող կրակն ոստէ ոստ կը դիմէ ,
 Եւ տիրելով ամենաբարձրը ծայրին
 Ամբողջ անտառը կը պատէ բոցերով ,
 Եւ կը ժայթքէ դէպ երկինք թանձըր ծուխի
 Սեւ սեւ ամպեր , մըրըրիկ մ'երբ մանաւանդ
 Անտառներուն վըրայ իյնայ զագաթէն ,
 Եւ հովը կրակն առած քըշէ պտուտքելով :
 Ա՛լ անկէ ետք մի յուսար բնաւ որ այգիդ
 Վերածընի արմէն , եւ կամ յօտելով
 Հողին ծոցէն ելլէ նորէն կանաչնայ .
 Դառնատերեւ թշուառական ձիթենին
 Ինքը միայն կը վերապրի աղէտէն :
 Թող ամենէն խելացի մարդն անգամ քեզ
 Չըհամոզէ իր խորհուրդով՝ պեղելու
 Կարծըր երկիրդ երբոր հիւսիս կը փըչէ :
 Չըմեռը դաշտը կը պնդէ սառոյցով ,
 Եւ չի տար թոյլ որ ցանուած սերմն արձակէ
 Իր արմատները կարծր երկրին սիրտն ի վար :
 Բայց ժամանակն այգիներու մշակութեան
 Է վարդագոյն զարունն , երբ զայ ջինջ թոչունն
 Որմէ օձերը կը սոսկան ահաբեկ .
 Եւ կամ աշունն իր առաջին ցուրտերուն ,
 Երբ սըրաթոիչ արեւն ամառը անցած
 Բայց չէ մըտած դեռ ձըմեռուան շեմէն ներս :

Գարձեալ զարունն անտառներուն վարսերուն,
 Եւ լեռներուն է շահաւէտ: Գարունին
 կ'ուոի երկիրն, եւ կ'ուզէ սերմ ծնընդական.
 Եւ այն ատեն ամենակալ հայրն՝ Եթեր՝
 կ'իջնէ բեղուն անձրեւներով՝ իր զըւարթ
 Ամուսնին ծոցն, եւ մեծը մեծ մարմինին
 Խառնըւելով՝ կը տաքցընէ ամէն սերմ:
 Խոր թաւուտները կը հնչեն այն ատեն
 Քաղցըր ձայնով թռչուններուն, եւ հօտերն
 իրենց սիրոյն յատուկ ժամին իրազգած՝
 կ'այրին բոցով Աստղիկին. դաշտը տածիչ
 կ'երկնէ, եւ քաղցըր զեփիւոին տաք սիւքով
 Արտերն իրենց ծոցերը լայն կը բանան,
 Ամէնուն մէջ կը յորդէ հիւթը փափկիկ.
 Եւ անվեհեր իրենք զիրենք կը յանձնեն
 Տունկերը նոր արեւներու, եւ որթին
 Չի վախնար ուոն եթէ հարաւը փըչէ,
 Կամ բուռն հիւսիսն անձրեւ տեղայ երկնքէն,
 Այլ ծըլարձակ՝ տերեւախիտ կը փթթի:

Անտարակոյս այսպէս էին այն օրերն
 Որ նորածնունդ աշխարհին լոյս ծագեցին,
 Գարուն էր այն եւ ոչ ուրիշ եղանակ,
 Յաւէժ զարուն կ'անցընէր մեծ տիեզերքն,
 Եւրոսը չէր ձմրան շունչերն իր փըչեր
 Երբ լոյս տեսան արարածներն առաջին,
 Եւ երկաթ զարմը մարդոց զլուխը ցըցեց
 Կարծր արտերուն մէջ եւ անտառ ցրուեցան
 Անասուններն, եւ աստղերու պարն՝ երկինք:
 Եւ այս փափուկ նորաբոյներն այս վտանգին
 Զըտոկային պիտի եթէ չըտիրէր

Յուրատին՝ տաքին միջեւ հանգիստ մը խորունկ,
Եւ չըզգացնէր երկինքը իր քաղցրութիւնն:

Ի՞նչ շառաւիդ ալ որ դաշտիդ տնկես մէջ,
Պարարտ աղբով ծածկէ ու վրան՝ չըմոռնաս՝
Շատ հող դիր, կամ թաղէ սունկ քար ծարաւուտ,
Կամ խորտաքորտ խեփոր, որ ջուրը հոսի
Անոնց մէջէն եւ սողայ շունչ մը թեթեւ
Եւ ընծիւղներն ոգի առնեն կազդուրուին:
Երկրագործներ կան որ քարեր կը դիզեն
Կամ խեցիի ծանր հատորներ անոնց վրայ,
Պատըսպարան տեղատարափ անձրեւի
Կամ տօթաբեր Շընիկ աստղին դէմ՝ երբ ան
Կը ճեղքէ ծոցը ծարաւ՝ ոյծ արտերուն:

Երբոր անզամ մը տնկեցիր այգեստանդ,
Կը մընայ քեզ հող լեցընել ստէպ ըստէպ,
Մինչեւ գըլուխն ուղէշներուն, եւ շարժել
Երկմատնիներ կարծըր, եւ կամ խորամուխ
Արօրին տակը չարչարել նոյն զետինն
Եւ թոյլատրել որ կոռւազան արջառներ
Այզիին մէջ երթան ու զան վեր ու վար:
Յետոյ նեցուկ տալու ևս նոր ուղէշին,
Կեղեւն հանած ծառի ճիւղեր, եղէզներ
Ողորկ, ձողեր հացի ւերկճիդ խեչակներ.
Որ օգնութեամբ անոնց վարժին քամահել
Արհամարհել հովերն, ելլել ոստէ ոստ
Կնձնիներուն մինչեւ զազաթն երկնաբերձ:

Եւ մինչ այգիդ՝ իր առաջին տարիին՝
Կը հանէ իր նորափըթիթ տերեւներն,
Հարկ է խնայես անոր մատաղ հասակին.
Եւ նոյն իսկ երբ զըւարթ՝ կայտառ բարունակն

Անսանձ սլանայ դէպ ի այեր շոայլօրէն,
Յօմոցին սուր բերանն հեռու բռնէ դէս,
Զեռքիդ եղունզը թող քաշէ տերեւներն :
Խոկ երբ ուժեղ բազուկներով բարձրանան
Ու զբկըւին կնձնիներուն, այն առնն
Մազերն անոնց սափրէ, թեւերը քշտէ .
Երկաթն անոնց առաջ սոսկում կ'ազգէր, արդ
Ի գործ դիր հուսկ իշխանութիւնդ անաշառ,
Եւ կոճոպէ ոստերուն զեզիս շոայլութիւնն :

Հարկ է հիւսես նաև ցանկեր ւարզիլես
Մուսքը բոլոր հօտերուն, երբ մանաւանդ
Դեռ տերեւները փափուկ են եւ անփորձ
Տառապանքի . որոնք՝ կարծես շըբաւեն
Անազորոյն ձմեռներն, արեւը կիզիչ,
Պէտք է անզուլ կրեն վընասները վայրի
Գոմէշներու եւ հետախոյզ այծերու,
Ոչխարներու ւերինշներու շըւայտու,
Բոլորն ալ իր տերեւներուն թշնամի :

Ճերմակ եղեամը սառոյցին վրբայ մած,
Կիզիչ ամառը՝ որ ժայռերը կ'եփէ,
Չըվսասեցին այնքան՝ որքան որ հօտերն
Եւ թոյնն իրենց կարծր առամին, եւ ըսպին
Չոր կը կըրեն անոնց խածած ուղէշներն :

Ուրիշ մեղքի համար չէ որ Բաքոսի
Ամէն բազնին վըրայ նոխազ կը զոհեն,
Եւ հին խազերը կը բերուին ի հանդէս,
Եւ պարզեւներ հաստատեցին հանճարին
Աւաններու եւ զոհներու մէջ թհսեանք,
Եւ զինիի բաժակներու մէջ զըւարթ
Ոստոսւելով զեղածիծաղ մարզերում՝

Վազվըզեցին տիկերու վրայ իւղաթուրմ:
 Եւ Աւսոնեան զաղթականներն՝ եկամուտ
 Ազգ Տրովայէն, ծիծաղներով քրքջալիր
 Եւ անհեղեղ տաղով՝ երգով կը խաղան
 Եւ սոսկալի դէմքեր կ'առնեն՝ դընելով
 Ծառի զոգեալ կեղեւներէն դիմակներ,
 Եւ, Բաքոս, քեզ կը կանչեն զուարթ երգերով,
 Կախելով բարձըր ճիւղերէն թեղօշի
 Քու պատկերներդ շարժուն. ասոնց շընորհիւ
 Ամէն այգի կ'ուոճանայ ճոխ ծնունդներով,
 Եւ անտառները խոր, ձորփոր հովիտներն
 Ողկոյզներով կ'ըլլան բոլոր ծեփ ու լիք,
 Եւ աստուածն ուր որ ալ դարձնէ գլուխը վեհ:
 Ուստի երգենք՝ ըստ օրինի Բաքոսին
 Իր զովեստներն հայրենական երգերով,
 Մատուցանենք իրեն տաշտեր, աթերներ,
 Եւ սուրբ նոխազն եղջիւրներէն բոնըւած
 Բերուած թող կանգ առնէ հոն ուրքը բազնին,
 Եւ մենք կաղնի շամփուրներով խորովենք
 Պատարագին փորոտիները պարարու:

Կը պահանջէ այգին դեռ շատ քրտինքներ
 Ուաշխատութիւն ամբաւ, զի հարկ է որ հողն
 Ամբողջ՝ ամէն տարի երեք եւ չորս հեղ
 Պեղուի բացուի, ւերկմատնիով փշրըւին
 Հողակոշտերն յաւէժօրէն, ւայգեստանն
 Իր աւելորդ տերեւներէն թեթեյցնել:
 Աշխատութիւնն հողագործին կը դառնայ
 Շրջանով՝ ճիշդ ինչպէս տարին ինք իր վրայ
 Կը հոլովի՝ անցնելով նոյն հետքերէն:
 Երբոր այգին թափեց վերջին տերեւներն

Ու թօթափեց ցուրտ հիւսիսին՝ անտառին
 Զարդն ու պատիւն, այն ատեն ժիր այգեպանն
 Առաջիկայ տարւոյն հոգով կը զբաղի.
 Թողլիք այգին Զրուանեան կոր ատամով
 կը յապաւէ, վայելչօրէն կը յօտէ:
 Փորէ երկիրը նախ, այրէ նախ հօտերն,
 Եւ տանդ յարկին տակ նախ ձողերը շարէ,
 Բայց ամենէն վերջը կըթէ քու այգիդ:
 Այգիներուն երկու անգամ շուք կու զայ,
 Մոլախոտերն ու թաւ փուշերն երկու հեղ
 Բարունակները կը պատեն, կը խեղդեն.
 Տաժանելի աշխատութիւն երկուքն ալ:
 Մեծատարած ազարակները գովէ,
 Բայց դուն փոքրիկը մըշակէ: Եւ դարձեալ
 Անտառներէն չիչխանի տունկը կտրէ
 Դաժանաբոյս, եւ գետերուն եզերքէն
 Քաղէ եղէզ. եւ անմըշակ ուռենւոյն
 Հոգը տաժանք կը պատճառէ մըշակին:
 Որթերն ահա կապուած ուրեմն, ուղէշներն
 Յօտոցի պէտք չունին այլ եւս, եւ արդէն
 Այգորդն յոգնած երգը բերանն հասեր է
 Հուսկ տունկերուն. բայց հարկ է հողը քրքրել,
 Փոշին շարժել, եւ ունենալ Արմազդէն
 Արդէն հասուն ողկոյզներուն համար վախ:
 Ընդհակառակը՝ ձիթենին եւ ոչ մէկ
 Մըշակութիւն ունի. ան չի՛ սպասեր բնաւ
 Ոչ կըուածագ յօտոցներու, եւ ոչ ալ
 Փոցդերու ծանր ակոաներուն, անգամ մ'երբ
 Հողին կըպած՝ ելեր է լոյս օդն ի վեր:
 Եթէ փոցդին կոր ժանիքով փեռեկես

Արմատին հողն, անոր կու տաս բաւական
խոնաւութիւն, եւ եթէ խոփը մըխես
Պիտի տայ քեզ ծանրաբեռնի պըտուղներ:
Ուստի մշակէ խնամքով պարարտ ձիթենին,
Զիթենին գեր սիրուն՝ հաճոյ Հաշտութեան:

Նոյնպէս ծառերը պտղատու՝ բուներնին
Հազիւ զգացին հըզօր եւ ոյժ ըստացան,
Իրենց յատուկ զօրութիւնով կը ձկտին
Դէալ ի աստղերն յանկարծակի, անկարօտ
Ամենեւին մեր օգնութեան. եւ սակայն
Անտառն ամբողջ կը փըլի ծեփ միրգերով.
Թոչուններու կայան վայրի թաւուտներն
Արիւներանգ պըտուղներով կը կարմրին:

Սինձը կ'ուտեն հօտերը, բարձըր մայրին
Կը հայթայթէ մեզ մարխ, որմէ կ'ունենանք
Գիշերային կրակ եւ լոյսի ճաճանչներ:
Եւ դեռ մարդիկ կը դանդաղին տնկելու
Եւ տանելու անոնց վըրայ հոգ ու խնամք:

Մեծ ծառերուն վրայ ինչ երկար խօսէի:
Ուռենիներն ու ցարասները խոնարհ
Կամ կը շնորհեն հօտի տերեւ, եւ կամ շուք
Հովիւներուն եւ ցանկ ցանուած արտերուն,
Եւ մեղուի ճարակ անուշ մեղրի խիւս:
Հեշտ է նաեւ կիւտորոնի վրայ նայիլ
Տօսախներով վէտ վէտ ճօճան. Նարիկեան
Կըւենիի անտառներուն, հաճելի
Տեսնել դաշտերն՝ ուր չէ մըտած ոչ տրմուխ
Եւ ոչ մարդուն ճակտէն քրտինք մ'ինկած վար.
Եւ անտառներն անգամ ամուլ՝ կովկասեան
Արերուն վրայ, զոր Եւրոսները մոլի

Կը փոթորկեն կը ջախջախեն անդադար,
 կու տան մեզի իրենց բերքերն այլեւայլ,
 կու տան մեզի պիտանի փայտ, շոճիներ՝
 Լաստափայտի համար, մայրի եւ նոճի
 Տան նիւթերու. մշակներն անկէց կը յղկեն
 Անիւներու ճղուղներ, կունտեր սայլերու,
 Եւ նաւերու ողնափայտեր գոգաւոր:
 Ուռենիներն ոգորներով արգաւանդ
 Եւ կնձնիները սաղարթով. մրտենւոյ
 Եւ չըմենւոյ ուժեղ եւ պինդ ոստերէն
 Կը յօրինէ Արէս զէնքերն իր ահեղ:
 Եւ յակրիները կը ծըռին ու կ'ըլլան
 Իտուրացի աղեղ. թմբին թեթեւուկ
 Եւ դիւրաթեք տօսախը ձեւ կ'ընդունին
 Ճախարակեայ՝ փորուելով սուր երկաթով:
 Եւ փոքրոգի բարտին թեթեւ կը լողայ
 Պաղոսի վրայ՝ յորձանքը սուր ճեղքելով.
 Եւ մեղուները կը կապեն գնդակնին
 Տարիներէ մաշած փլտած սըղոցւոյն
 Կեղեւներուն տակ՝ փապերուն մէջ փորին:
 Իսկ պարզեւները Բաքոսի ի՞նչ նըման
 Հոչակուելու արժանի բան մը բերին.
 Ի՞նչ մեղքերու չեղան պատճառ մանաւանդ.
 Ան ըսպաննեց կենտաւրոսները շամբուշ
 Հոխոս, Փոլոս, Հիւլէս՝ որ իր ահագին
 Խառնարանով Լապիթներուն ըսպառնաց:

Երնեկ երնեկ մըշակներուն՝ բախտերնին
 Եթէ գիտնան, որոնց արդար երկիրն ինք՝
 Հեռու զէնքի՝ խազմի շոխնդէն՝ շառաչէն,
 կը բղխէ իր ծոցէն պարէն դիւրագիւտ:

Եթէ պալատ մը բարձըր՝ պերճ դոներով
 Զի հոսեր իր գաւիթներէն համօրէն
 Այզորելու եկող հեղեղն ահազին.
 Թէ չի ցանկար խեցեղրուազ՝ գեղաղէշ
 Դրանդիներու, եփիւրացի պղինձներու
 Եւ ոսկեհուռն հանդերձներու. չի ներկեր
 Եթէ դեղով ասորի բուրզն ըսպիտակ.
 Կիրառութիւնն եթէ վըճիտ՝ զուտ ձէթին
 Կասիայով չէ խաթարուած խեղաթիւր.
 Բայց իրեն չի պակսիր հանգիստ ապահով,
 Անպատիր կեանք եւ ճոխութիւն բազմազանձ.
 Կալուածներու մէջ լայն՝ ժամեր անգորրիկ,
 Քարանձաւներ, լիճեր վըճիտ ջուրերու
 Եւ հովիտներ զով, եզներու բնչիւններ,
 Եւ ծառերու շուքին տակ քուն քացրանուշ:
 Հոն անտառներ, երէներու մորիներ,
 Հասակ մ'առոյզ սակաւապէտ, երկասէր,
 Պաշտամունքներ դից եւ հայրեր սրբանուէր.
 Արդարութիւնն երբոր երկրէն մեկնեցաւ
 Անոնց միջեւ թողուց հետքերն իր վերջին:

Բայց զիս ամէն բանէ վեր քաղցըր Մուսայք
 Զորս կը պաշտեմ սրարբած անհուն տարփանքով,
 Ընդունէին եւ ցուցնէին երկնքի
 Ճանապարհներն ու կաճառներն աստղերուն,
 Արեգակին խաւարումները պէսպէս
 Եւ տաժանքները լուսնակին. ուսկից է
 Երկրի դողումն. ինչ զօրութեամբ խոր ծովերն
 իրենց թումբերը պատռելով կ'ուռենան
 Եւ կը զնսուին դարձեալ իրենք իրենց վրայ.
 Ինչո՞ւ ձըմեռ առեն փութով կը վազէ

Մըխրճուելու ովկիանին մէջ արփին,
 կամ ամառուան գիշերն ինչու կ'ուշանայ
 գալու՝ ինչ բան կ'ըլլայ իրեն խոչընդուռ:
 Բայց թէ սրտիս սառած արիւնն ընկիճէ
 Եւ անմատոյց մնան ինձ բնութեան այդ մարզերն,
 ինձ քաղցրանան գիւղերը թող, գետակներն
 Որ կը հոսին ձորերն ի վար դդչելով.
 Անփառունակ սիրեմ գետերն, անտառներն:
 Ո՞հ, ուր դաշտերն ու Ապերքիոս եւ Տայգետ,
 Ուր բաքոսին կը պարէին ի պատիւ
 Լակոնուհի կոյսերն. ո՞հ, ո՞վ պիտի գիս
 Տանի Հեմեան դէպ հովասուն ձործորներն
 Ու գիս ծածկէ մեծ ծըմակովս ոստերուն:
 Երնեկ անոր որ իրերու պատճառին
 Գիտցաւ գիտակ ըլլալ, կոխել առաթուր
 Վախերն ամէն, ճակատագիրն անողոք
 Եւ անյագուրդ Տարտարոսի շըռինդներն:
 Երանի եւս ան՝ որ ճանչցաւ դաշտերու
 Պետ աստուածները, Պանը, ծեր Շահարիկն
 Ու քոյլ հարսներն յաւերժիկ. զինքը երբեք
 Ժողովուրդին խուրձը, արքեան ծիրանին
 Չընկճեցին ոչ ալ խազմն ու հեռ, որ զինեց
 Իրարու դէմ հարազատները դրուժան,
 Ոչ Դակեաններն՝ որ դաւակից իստրոսէն
 Կը խուժեն, ոչ պերճութիւններն հոռմական
 Եւ ոչ թագերն որ կը դիմեն դէպ անկում.
 Մուրիկն անոր չըցաւցուց սիրուը գութով,
 կամ ունեւորն անոր նախանձը շարժեց.
 Քաղեց միոգերը զոր ոստերն ու դաշտերն
 Իրենք իրենց կամքով անոր մատուցին,

Զըտեսաւ ան ոչ օրէնքներ երկաթի,
 Եւ ոչ ատեանը խօլ, դիւանն աշխարհին:
 Կոյր յորձանքները կը տանջեն ուրիշներ
 Թիակներով եւ կը դիմեն զէնքերու.
 Կը սըպըրդին արքունական սեմերէն՝
 Դահլիճներէն ներս. աս կ'երթայ աւարել
 Զարդել քաղաք մ'ու երդումարդը չըւառ.
 Որ ինք խըմէ ականակուռ բաժակով
 Եւ ծուրացի ծիրանիի ննջէ վրայ.
 Ուրիշ մ'իր գանձը կը ծածկէ թաքթաքուր
 Եւ իր թաղած ոսկիին վրայ կը պառկի.
 Աս ականջով՝ աչքով գամուած է բեմին.
 Բերանաբաց մնացեր է ան գինովցած
 Ծափածայնէն՝ որով ամբոխ, ծերակոյտ
 Կը թնդացնեն կրկին կրկին թէատրոնն:
 Եւ ուրիշներ կ'ուրախանան թաթաւուչ
 Ճապաղիքով եղբայրներուն, եւ թողլով
 Տունն ու քաղցրիկ շեմերն իրենց՝ կը փնտուն
 Ուրիշ աստղի տակ իրենց նոր հայրենիք:
 Կը վարէ մշակն երկիրը կոր արօրով.
 Անկէ տարւոյն աշխատութիւնն. անով է
 Որ կը տածէ իր թոռնիկներն, հայրենիքն,
 Անով պախրէն ւարժանաւոր զուարակներն:
 Եւ չունի դուլ՝ հանգիստ մինչեւ որ տարին
 Զառատացնէ միրգերն ու ծնունդն հօտերուն,
 Կամ դեմետրեան կուռ հասկերուն որաներն,
 Եւ ակօսները լեցընէ բերքերով,
 Ուամբարներուն տայ հեծեծել ու տըքալ:
 Զըմեռն եկաւ, Սիկիոնեան հատիկներն
 Արդ մամուլի տակ կը լեսուն. կը դառնան
 Խոզերն ուրախ զըւարթ գիրցած կաղնիով.

կու տան՝ տառներն առատ մաթուզ, եւ աշունն
իր զանազան կը պարզեւէ պըտուղներն.

Եւ արեգդէմ բըլուրներուն վրայ ժայռուտ
կ'եփի անոյշ այգիին կութքը: Մըշակն
շոն կը տեսնէ սիրասընունդ զաւակներն
իր վիզէն կախ համբոյրներու. պարկեշտ տունն
իր սրբութիւնը կը պահէ. կախեր են
կովերն իրենց կաթով զեղուն ըստինքներն
եւ ամիկները գէր ծիծղուն մարգին վրայ
կը կոռւըտին իրենց խեթկիչ եղջիւրով:
ինքն ալ ունի տօնուտ օրեր, եւ փոռուած
խոտին վըրայ՝ ուր կայ մէջտեղը հըրատ,
եւ ընկերները կը պսակեն լի բաժակն,
Ան կը հեղու քեզ ի նըւէր, եւ ըզքեզ
կը կանչէ, ով Սպանդարամետ, եւ կը դնէ
կնձնիին վրայ նըշան՝ որ սուր սըլաքներն
Հովիւներուն մրցին, եւ մերկ հոլանի
Ըմբշամարտին գեղջկօրէն բիրտ մարմինով:

Երբեմն այս կեանքը վարեցին հին Սաբինք,
Այս կեանքն Հոեմոս եւ եղբայրն, այսպէս անշուշտ
Աճեցաւ քաջն Ետրուրիա, եւ Հըռոմ
Եղաւ ասով չքնաղ ամէն քաղաքէ,
եւ եօթը բլուր իր մէջ պատեց պարիսպով,
Ու դեռ մականն Արամազդի ձեռք չանցած,
Ազգն ամպարիշտ զուարակներու սպանդներով
Դեռ չըշուայտած, Երկրի վըրայ կը վարէր
Այս կեանքն՝ ոսկի՛ Զըռուանն, եւ դեռ չէր լսուած
Փըքոցուռոյց փողի գոչիւնն, ու չէին
Սուրերն անոստ սալերու վրայ դոքնչած դեռ:
Բայց կտրեցինք անցանք անհուն ասպարէս,

Պէտք է ծխաշունչ վիզն արդ քակենք ձիերուն:

ՊՈԲԼԻՍԻ ՎԻՐԳԻԼԻՍԻ ՄԱՐՈՆԻ
ՄՇԱԿԱԿԱՆ ԳՐ

ԵՐԵՎԱՆ ԳԻՐՔ

ՆԱԽԱԴՐՈՒԹԻՒՆ

Հովութեան եւ արօտական աստուածներն օգնութեան
կանչելով՝ կ'աստուածացնէ իր բարերար Հոկտաւիանոս
Օգոստոս կայսրը, եւ ապա Մեկենասի պաշտպանութիւնը
ինդրելով՝ կը սկսի երրորդ գիրքը, բաժնելով զայն հինգ
զԼուխներու։

Ա. Սերունդ եւ սնունդ արջառներու եւ ձիերու, ուր
եւ մրցանք ձիերու, նկարագիր բոռի, եւն։


Բ. Ոչխարներ եւ այծեր. ուր եւ նկարագիր սկիւթա-
կան ձմեռուան։

Գ. Շուներու մասին։

Դ. Զգուշութիւն օձերէ փարախներուն մէջ եւ դուրսը։

Ե. Անասնոց վնասակար ախտերու մասին։

Մ Ծ Ա Կ Ա Կ Ա Ն Ք



ԵՐԵՐԵԴ ԳԻՒՐՔ

Պիտի քեզ ալ երգենք, ով մեծըդ Պալէս,
Եւ քեզ հովիւըդ հոյանուն՝ Ամփրիսի,
Եւ ձեզ գետեր Լիկէոսի ւանտառներ։
Բոլոր երգերն որ կրնային անրզբաղ
Գերել մտքերն՝ հրապարակուած են արդէն։
Ո՞վ չի գիտեր Եւրիսթէոսը դժպիհ,
Կամ վատշըւէր Բուսիրիսի բագիններն։
Հիլաս մանուկ, Լետեան Դելոս, Հիպպոդամ,
Եւ ձիախրոխտ Պելոփսը վեհ փղոսկր ուսով,
Որո՞ւ կը մնան անծանօթ։ Նո՞ր ճամբայ մ'ես
Պիտի փորձեմ, որ երկրէս վեր բարձրացած՝
Բերնէ բերան թռչիմ մարդոց՝ յաղթական։
Ես առաջին՝ միայն թէ կեանքըս բաւէ՝
Պիտ՝ իշեցնեմ Մուսաներն հետօ հայրենիք
Գագաթներէն Ալոնեան. Ես առաջին
Պիտի բերեմ քեզի, Մանտուա, Իդումեան
Արմաւենի, Եւ կուճ տաճար մը կանգնեմ
Կանաչագեղ դաշտի մէջ՝ մօտն ուղիւերուն,
Ուր Մինկիոս ոլորներով յամրընթաց
Կը մոլորի Եւ կը ծածկէ իր ափերն

Եղէզներով գողտրիկ . մէջուեղը կեսար
 Արձանացած պիտի տաճարը բռնէ :
 Ես յաղթական եւ գերապանծ՝ ծուրացի
 Ծիրանիով , պիտի վարեմ ի պատիւ
 իրեն՝ գետին մօտ քառածի հարիւր կառք +
 Թողած Ալփեւսն ու Մոլորքի անտառներն
 Հելլէնք բոլոր ինծի համար պիտի զան
 Կոփամարտի եւ արշաւի մրցելու :
 Ես իսկ գըլուխը զարդարած ձիթենւոյ
 Տերեւներով՝ պիտի բաշխեմ մրցանակ :
 Ուր էր արդէն տանէի դէպ ի տաճարն
 Հանդիսական պերճութիւններն , աչէի
 Ցուլերուն զոհն , ինծի թատրոնն երեւար
 իր փոփոխուն դրուագներով , տեսնէի
 ի՞նչպէս Բրիտանք կը վերցընեն ծիրանի
 Վարագոյրները նըկարէն : Տաճարին
 Դոներուն վրայ դրուագէի Գանգարեանց
 Պատերազմներն ոսկւով եւ սերտ փըղոսկրով
 Եւ քաջայաղթ կուիրինոսի զէնուզարդն .
 Հոն եւ Նիլոսն յորդախաղաց յորձնեռանդ
 Դէպ ի կըոիւ , եւ նաւերու պըղինձէն
 Կառուցուած վեր սիւները պերճ՝ հոյակապ :
 Աւելցնէի ասիական պարտըւած
 Քաղաքանին , Նըպատ վանուած , եւ Պարթեւն՝
 Ապաստան իր յետսընդկըրուկ նետերուն
 Եւ փախուստին , եւ զոյգ նըշան իր ձեռքով
 Ապշոպուած զոյգ թշնամիէ զանազան ,
 Եւ մէկ ծովէն միւսը պարտուած զոյգ ազգերն՝
 Յաղթանակի կառքին լծուած կրկնակի :
 Հոն պիտ՝ ըլլան նաեւ վէմեր Պարոսեան՝

Կենդանատիպ, Ասսարակեան ազգատոհմն,
Եւ Արմազդէն սերած զարմին անուններն.
Եւ Տրովս իրենց հայրն ու կիւնթեանն Ապողոն,
Որ Տրովադան կերտեց: Նախանձը դժխեմ
Պիտի սարսի ճիւաղներէն, եւ կոկիտ
Գետը խոժոռ, եւ վիշապներն ոլորուն
Իքսիոնի շուրջն, եւ անիւն ահագին
Ուանպարտելի ապառաժ վէմը ժայռուտ:

Բայց մենք հիմա շարունակենք մեր ուղին
Դէպ անտառներն անկոխ յաւերժ հարսներուն,
Քու անողոք հրամանաւդ, ո՛վ Մեկենաս:
Չի ձեռնարկեր միտքս առանց քեզ եւ ոչ մէկ
Վըսեմ բանի. ուրեմն օ՛ն մի յապաղեր.
Մեզ կը կանչէ ահագնագոչ կիթերոն,
Մեզ կը կանչեն Տայիգետի բարակներն
Ու ձիավարժ Եպիդաւրոսն. ու զոչիւնն
Անտառներուն արձագանգէն կրկնըւած
Կը մըռընչէ: Սակայն ես քիչ ատենէն
Պիտի երգեմ հրաբորք մարտերը կայսեր,
Եւ իր անունն յաւերժացնեմ այնքան դար՝
Որքան հեռու է ինք ծնունդէն Տիթոնի:

Եթէ երբեք մէկն հիացած Ոլիմբեան
Յաղթանակին պարգեւներուն վրայ՝ ձիեր
Սընուցանէ, կամ պինդ եզներ՝ արօրի,
Պէտք է մայրերն ընտրէ ամէն բանէ վեր:
Լաւագոյն է կոմը որ ունի դժնէ աչք,
Գլուխ անհեղեղ, զիրապարար պարանոց,
Մորթը կզակէն մինչեւ երին կախուած վար,
Կողերն անչափ երկայն, ամէն բան մեծղի,
Ոտքերն անզամ, եւ ականջներ թաւամազ

Եր կորափիտ Եղջիւրներուն ներքեւով։
Պիտ՝ ընտրէի սպիտակախայտն աւելի,
Որ սամետին կ'ընդվըզի դէմ, եւ երքեմն
Եղջիւրներովը կը սպառնայ, եւ դէմքով
կը մօտենայ ցուլի, իսկ ինքն ուղղաբերձ,
Կ'աւլէ պոչին ծայրովն հետքերը քայլին։

Հասակն յարմար ամուսնութեան, տոկալու
Երկունքներու՝ չորրորդ ամէն կը սկըսի
Տասնէն առաջ կը դադրի. միւս տարիներն
Յարմար չեն ոչ ծընունդի, ոչ արօրի։
Այն առեն երբ առոյգ արբունքը զըւարթ
Յորդէ զեղու, դուն արուներն արձակէ,
Եւ Աստղիկին դրկէ հօտերըդ փութով,
Եւ հինին տեղ հասցուր զաւակ նորափթիթ։
Հէք մահացուաց կեանքին օրերը չքնաղ
Կ'անցին վաղվաղ. յետոյ ցաւերը կու գան
Եւ ծերութիւնն յոզնատըխուր ու տաժանքն
Եւ ապշոպումն անողոք դառըն մահուան։
Պիտ՝ ըլլան միշտ մայրեր որոնց մարմններն
Ուզես ուրիշ մարմիններով փոփոխել.
Ուրեմըն միշտ նորոգէ դուն, եւ զի տոյժդ
Յետոյ չողբաս, կանխէ եւ մէն մի տարի
Նախիրիդ նոր նոր մանուկներ պատրաստէ։

Նոյն է 'նորութիւնն ալ ձիական պաճարին.
Անոնց՝ զոր դուն զարմին իբր յոյս կը զատես՝
Ճիղմ հասակնէն սկսեալ տար մեծ հոգ ու խնամ։
Մորուկն ազնիւ երիվարին ըսկիզբէն
Երբ դաշտ կ'ելլէ, կը վարզի սօս՝ ուղղաբերձ,
կը դնէ թեթեւ ոստիկներ. ինք առաջին
կը իիզախէ ճամբուն մէջ, ինք առաջին

Կը քամահէ ըսպառնալից ալիքներն,
 Ու կը նետուի դէպ ի կամուրջն անծանօթ,
 Եւ իրեն չ'ազդեր սարսափ սուն սօսաւիւնն:
 Ունի գլուխ նուրբ, բարձըր վիզ, սուղ որովայն,
 Գիրուկ գաւակ, եւ քաջալանջ կուրծք արի
 Կը յօրանայ թանձրաթաղանթ թանձրամիս:
 Թոյր ընտիր՝ շէկն ու պիսակ, գորշն ու աշխէտ
 Յուեգոյն. իսկ եւ իսկ եթէ երբեք ան
 Զէնքի շաշիւն լըսէ հեռուստ, չի գիտեր
 Հանդարտ կենալ, կը ցըցէ իր ականջներն
 Եւ անդամները կը դողան, ու քըթէն
 Մըթերուած բոցը կը փրայ փողնչելով:
 Իր թաւ բաշերը կը ճօճան վէտ ի վէտ,
 Ու խաղալով կ'իյնան իր աջ ուսին վրայ,
 Ու դէպ ի մէջքը կ'երկննան զոյգ ողունք,
 Եւ կը դոփէ կը տըրոփէ կը թնդայ
 Աալասմբակ թաթուլն: Այսպէս էր անշուշտ
 Պոլիդեւկիս Ամիկլեանի շրուշակով
 Կուաճուած նըժոյգը կիլլարոս, ւԱրէսի
 Կառքին ամոլն ու կառքը մեծն Աքիլլի,
 Զոր կը յիշեն բանաստեղծները հելլէն.
 Այսպէս եւ ինք Զրուանն երագ ձըգեց բաշն
 Իր ձիակերպ պարանոցէն, ամուսինն
 Երբ վրայ հասաւ, ւառաւ փախուստն ու լեցուց
 Պելիոնի սարը խոխոզ խրխինջով:
 Այդ իսկ երբ կամ հիւանդութեամբ ծանրացած
 Կամ տարիքով մեղկ կընատի՛ հեռացուր
 Տունէն, եւ մի՛ ներեր անարգ ծերութեան:
 Զի տաքնար ծերը կրակներէն Աստղիկին,
 Եւ զուր ամուլ աշխատութեամբ կը հեւայ.

Ու թէ երբեք մտնէ կըոռուի այդ կրկէսն,
 ինչպէս երբեմըն հուր մը մեծ՝ բայց անզօր՝
 Յարդերու մէջ, կը մոլի զուր վայրապար:
 Հետեւաբար անոնց հասակն ու հոգին
 Նայէ դուն նախ, յատկութիւններն յետոյ միւս
 Եւ ծընողքին զարմն, եւ թէ ինչ ցաւ կը զգայ
 Երբ պարտըւի, յաղթանակի 'նչպիսի' փառք:
 Չե՞ս նշմարեր կառքերն երբ դուրս կը նետուին
 Թողարանէն դէպ ի կրկէս՝ կը լափեն
 Դաշտը սրարշաւ ոստումներով, երբ առոյգ
 Հասակին յոյսը կ'արծարծի խիզախուն,
 Եւ վախէն սիրոն անոնց ուժգին կը տրոփէ.
 Հապուկ մտրակը ձեռքերնին եւ ծըռած
 Դէպ ի առաջ՝ սահնձերը թոյլ կը թողուն.
 Տաքցած անիւն եռանդնապտոյտ կը թոչի.
 Մերթ կը ծըռին, մերթ կը կանգնին, եւ կարծես
 Կը թոչին օդն ի վեր՝ տարուած հովերէն.
 Ոչ հանգիստ՝ ոչ դադար երբեք. իսկ խարտեաչ
 Փոշին ելեր ամապ ձեւացեր է մրըրկոտ.
 Անոնք շունչէն հետեւորդաց՝ փրփուրէն
 Տամուկ բոլոր. փառքի սէրն այնքան է մեծ,
 Եւ այնքան մեծ յաղթանակի հոգն ու տենչ:
 Նախ եւ առաջ Երիթիոն խիզախեց
 Լըծել կառքեր, քառածիեր, եւ յաղթող
 Կանգնիլ սրարշաւ անիւններուն վրայ ուղղորդ:
 Պելեթրոնեան Լապիթաներն հնարեցին
 Սանձ ու ճախրանք՝ աշտանակած ձիու վրայ,
 Եւ ուսուցին ձիաւորին ասպազէն
 Տրոփել դաշտին վրայ պերճադոյթ դրընդիւնով:
 Երկու ջանքերն ալ հաւասար դժուարին.

Եւ վարպետները կը փնտոեն միապէս
Առոյգ հրաբորք ձին եռանդուն թոչանքի .
Ըլլայ թէեւ վանած ըստէպ թշնամին ,
Եւ ունենայ իբր հայրենիք Եպիրոս
Եւ քաջազօր Միկէնքն , եւ ճետն իջեցնէ
Բերէ մինչեւ Պոսիդոնեան իսկ սերմէն :

Յետ այս բաները դիտելու՝ երբ հասնի
Ժամն՝ ամէն ջանք եւ փոյթ ի գործ կը դընեն
Թանձրաթաղանթ պարարելու զանիկա՝
Զոր ընտրեցին հօտին իշխան ւամուսին .

Կը քաղեն խոտ ծաղկափըթիթ եւ կու տան
Զուր ու ցորեան , որ մի գուցէ ընկճըւի
Աշխատութեան տակ անուշակ , եւ վըտիտ
Ծնգոտ ծնունդներն յայտնեն ծոմերն հօրերնուն :
Բայց մատակները մասնաւոր կը ծիւրեն
Կը նիհարցնեն , ու երբ խըթանն հեշտանքի
Դրդէ զիրենք զուզաւորման , չեն ի տար
Անոնց տերեւ , ւաղբիւրներէն կը մերժեն .

Ստէպ կը լլկեն վազցընելով , արեւով
Կ'աշխատցընեն , կալերը երբ կը հեծեն
Ցորեաններուն տակ ծեծուած ծանըր թոպմամբ
Եւ պարապ յարդը կը ցնդի Զեփիւոէն :
Առի կ'ընեն , որ մի գուցէ զիրութեամբ
Ծընընդական արտին վըտառը զուլնայ ,
Փակուին ուրդերն ամուլ . այլ բարկ ծարաւով
Հեշտանքի ուղիսը ծըծէ՝ խորն ամբարէ :

Հայրերուն հոգն հազիւ անցած՝ մայրերունն
Ահա պատրաստ : Երբ ամիսները լրացած՝
Ծանըր ծոցուոր կը շրջին , թող ոչ ոք տայ
Թոյլ խստաբեռն սայլերու լուծին տակ

Խոթել զանոնք, Եւ ոչ ճամբան վազցընել
Ոստումներով, կամ սուր սլացքով վարգել ուալ
Մարգերու վրայ, ւարագ գետի լողալ մէջ:
Թող արածին արօտներում ամայի
Եւ եզերքն յորդ վըտակներու, ուր մամուռ
կայ Եւ ափունքն է կանաչով փըթըթուն.
Եւ անձաւներն ըլլան անոնց ապաւէն,
Եւ քարաժայոն երկարէ իր հովանին:

Շուրջն իլարի պուրակներուն ևԱլբուռնի
Զոր սղոցիները կը պճնեն կանաչով,
Միջատ մը կայ որ կը թրթոայ բիւրաւոր,
Որուն մենք բոռ կ'ըսենք, Յոյները՝ իսորոս.
Խայթող է. ձայն մ'ունի ճիւաղ, զոր հօտերն
Հազիւ առած՝ սարսափահար կը փախչին
Դէպ անտառներն. եթերն ինքնին կը զոռայ
Սարսած անոր տզզիւններէն, ւանտառներն
Եւ ափունքները ծարաւուտ Տանագրի:
Այդ հրէշը ձեռք առած երբեմըն Հերա
Թափեց իր ոխն ահագնացայտ, ինաքեան
Երինչին մահը նիւթելով: Գուն ատի
Վանէ յըղի երամակէդ, մանաւանդ
Միջօրէի տաքուն՝ ուր ան կը կատղի.
Եւ արածէ հօտըդ երբ նոր է ելեր
Արեւն, Եւ կամ աստղերը ցայգ կը բերեն:

Ծնունդներէն վերջ՝ ալ ամէն հոգ հորթերուն.
Ընտանիքին անունը նախ կը դրոշմէն,
կը նըշանին ապա զանոնք՝ զոր կ'ընտրեն
Հօտին աճման համար իբրեւ սերմնցու,
Բազիններու կամ զոհ, կամ հող ճեղքելու,
Եւ փշրելու կոշտերու դէզն արտերուն:

կանանչ խոտին վրայ կ'արածի միւս ջոլիրն։
 Այն ընջուղները զոր կ'ուզես դաշտերու
 Աշխատութեան եւ պէտքերուն յատկացնել,
 Զանա կրթել նուաճել զանոնք, մինչ ոգւով
 Հըլու են դեռ եւ հասակով դիւրամէտ։
 Եւ նախ ձըզէ վիզն անոնց նուրբ ուոփէ
 Թոյլ մանեակներ, յետոյ ազատ վիզերնին
 Երբ ալ վարժին ծառայութեան, երկերկու
 կապէ զանոնք նոյն իսկ իրենց անուրով։
 Եւ ըստիպէ զըւարակներն որ քալեն
 Ոտքերու զոյգ ճեմքով, եւ ալ քաշեն թող
 Ըստէալ դատարկ կառքեր, թեթեւ հետքերնուն
 Հազիւ ձըզած փոշւոյն երեսը նշմարն։
 Եւ փիճիի սոնակն ապա ճըունչէ
 Թող թափելով ծանըր բեռան տակ ճիզեր,
 Եւ պըղինձ դեկը քաշէ զոյգ անիւներ.
 Սակայն տրմուղ համբակներուն համար դուն
 Պիտի քաղես ոչ միայն խոտ կամ նիհար
 Ուռենիի սաղարթ կամ լոռ ջըրասուն,
 Այլ եւ ցորեան դեռաբուսիկ, մատաղորթ
 Կովս ալ պիտի չըլեցընէ քու դոյլերդ
 Իր ձիւնաթոյր կաթով՝ ինչպէս հին ատեն,
 Այլ պիտ' անոնք իրենց ծիծերը ջամբեն
 Ամբողջովին իրենց անուշ ձագերուն։

Կը նախընտրես եթէ սակայն գուպարներն
 Ու ձիախրոխտ գունդերն, եւ կամ թէ սահիւ
 Անիւներու վրայ՝ Պիսայի Ալփէոս
 Գետին երկայնքն, եւ անտառին մէջ Զեւսի
 Պարսել կառքեր սըրաթըրոիչ, երիվարդ
 Նախ առաջին պէտք է տեսնէ զէնուզարդն

Ու զոռն հըրուտ մարտիկներու, հանդուրժէ
 Փողի ձայնին եւ կառքերու ճոշնչիւնին,
 Լըսէ զոմին մէջ շրուշակին շոխնդն ու ճօճ,
 Հրճուի տիրոջը փաղաքշու զովեստէն
 Ու սիրէ վիզը զգուող ձայնը ձեռքին.
 Թող խիզախէ ատոնց՝ հազիւ կորըւած
 Մօրը կաթէն, եւ տայ կըզակն ատկէ վերջ
 Թոյլ ու փափուկ պախուցի, երբ դեղեւկոտ
 է դեռ ւանզօր, եւ դեռ անփորձ՝ անվստահ:
 Բայց երբ երեք տարին անցած՝ զայ հասնի
 Չորրորդ ամառն, ան ըսկըսի թող փութով
 Հիռ զալ ճախրել, եւ կշուաւոր իր ճեմքով
 Թնդել դրնդիւն, եւ կարթերուն մէն ծալքին
 Առնել դընել ճապուկ մանուած թեթեւուկ,
 Տագնապողի նըման, եւ այն ատեն ալ
 Հովերուն ձայն տայ թող սրարշաւ ընթացքի,
 Եւ հարթ դաշտին մէջ թոչելով՝ իբր անսանձ
 Աւազին վրայ հազիւ գըծէ իր հետքերն:
 Ինչպէս Հիւսիսը սառնասեր մարզերէն
 Խոյանալով երբոր ցրուէ ձըմեռներն
 Ու չոր ամպերն ըՍկիւթիոյ, այն ատեն
 Քսմնածածան դաշտերն եւ բարձըր հունձքերն
 Կը սրսըփան մեղմիկ շունչէն վէտվէտուն,
 Կը մրմնջեն ամպահերձիկ անտառներն,
 Եւ կոհակներն երկայն ափունք կը խուժեն.
 Ան իր սլացքով կը փոթորկէ դաշտ ու ծով:
 Ելեան դաշտին մրցարանին մէջ այդ ձին
 Պիտի քրտնի կորելով լայն ասպարէզն
 Ու փրքայ իր բերնէն փրփուր արիւնոտ.
 Կամ պիտի լաւ եւըս տանի բելզացի

Կառքեր կակուղ պարանոցով։ Զայն այսպէս
ընկճելէն ետքն է որ պիտի թոյլ տաս հուսկ
Որ պարարէ անի ատոք աշտիպով
Մարմինն աճուն. զի նուաճուելէն առաջ ան
Պիտ՝ ընդվզգի ու զայրանայ, փըռնչէ,
Ըմբոստանայ խարազանին դէմ ճապուկ,
Եւ հեստէ կարծըր լըկամին՝ խստերախ։

Սակայն ոչ մէկ միջոց կորով, ոյժն անոնց
Չ'ամրապնդեր այնպէս ինչպէս հեռացնել
Աստղիկն եւ կոյր սիրոյ խթաններն անոնցմէ,
Քու խընամածդ ըլլայ թող եզ, ըլլայ ձի։
Եւ պատճառն այս է որ ցուլերը հեռուն
Դէպ արօտները կը վարեն ամայի
Լերան մ'ետին, յայնկոյսը լայն գետերու,
Կամ զանոնք ներսը կը պահեն՝ պատարուն
Մսուրներու մօտ, զի էզին տեսքը քիչ քիչ
Կը մաշեցնէ, կը վառէ սիրով անոնց
Եւ չի տար թոյլ յիշել անտառ կամ արօտ.
Նոյն իսկ ըստէպ հրապոյրներով իր աղու
Ան կը դրդէ սիրահարներն իր գոռոզ
Իրարու դէմ դարձընելու կոտոշնին։

Մեծ Սիլայի վըրայ երինջ մը չքնաղ
Արածելու հետ է. անոնք մոլեզին
Կը մըղեն բուռըն կը ոիւնիր՝ խեթկելով
Կոփիւններով ահեղ, արիւնը սեւ սեւ
Կը կայլակէ անոնց անթիւ վէրքերէն,
Եւ վրիժակները կը մըխուին իրարու
Լայն թառանչով, ու կ'որոտան անտառներն
Եւ Ոլիմպոսը մեծ. եւ չէ իսկ օրէն
Կոռուողներուն այլ եւս բնակիլ միասին,

Այլ յաղթլուղն հեռուն կ'երթայ վտարանդի՝
 Օտար ափեր, ողբալու իր մեծ կորանքն
 Ու հարուածները կուր գոռոզ յաղթողին,
 Եւ սիրուհին՝ զոր կորսնցուց անվըրէժ.
 Եւ իր գոմին վրայ ձրգելով ակնարկ մ'հուսկ
 Գնաց հեռացաւ պետութենէն իր նախնեաց:
 Հոն կը սըրէ բոլոր ուժերն իր խնամով,
 Կը պառկի կարծըր ժայռերու վրայ գիշերն,
 Ուտելով դառըն տերեւներ, սուր կընիւն,
 Եւ կը փորձէ ինքզինք, կ'ուսնի ամեհել
 Եղջիւրներով, ոգորելով ծառերուն
 Կոճղերուն դէմ, հարուածներով կը կոծէ
 Հովերն եւ իբր առհաւատչեայ փորձ մարտին՝
 Հողն ոտքերովը կը ցրուէ դիրեւտար:
 Եւ այսպէս իր ոյժն հաւաքած ու սլրած
 Կորովն՝ յանկարծ ոսոխին վրայ կը փրթի,
 Ինչպէս ալիքն երբ կը սկըսի ճերմկնալ
 Հեռուն ծովում եւ գոգ առած կը խուժէ
 Անդունդներէն, եւ ափ հասած թաւալզլոր՝
 Ժայռերուն վրայ կը շառաչէ սոսկալի,
 Լերան մը պէս անոր վըրայ փլչելով,
 Խորքին ուղխերը կը զեռան յործնեռանդ,
 Եւ սեւ աւազ մը կը ժայթքեն երկնապող:
 Երկրակենցաղ ամէն ցեղ մարդ թէ երէ
 Զուկ թէ պաճար եւ թոչունները գունեան,
 Սիրոյ կրակէն կը տոչորին մոլեզին.
 Ամէնուն մէջ նոյն սէրն է. ոչ մէկ ատեն
 Մատակ առիւծն իր կորիւնները մոոցած
 Թափառեցաւ ամեհագոյն դաշտերում,
 Եւ ոչ արջերն անհեթեթ այնչափ մահեր

Այնչափ նախճիր անուառներում գործեցին.
Կինճն այն ատեն կատաղի, վագրը՝ դժնէ.
Եղուկ անոնց՝ որ կը շրջին այն ատեն
Լիբէական դաշտերուն մէջ ամայի:

Չես տեսներ ի՞նչպէս ձիերուն բովանդակ
Մարմնէն սարսուռ մըն է կ'անցնի, եթէ սիւքն
Առնէ բերէ միայն ծանօթ հոտն անոնց:
Աւ զանոնք չեն կարող կեցնել ոչ մարդոց
Սանձերն եւ ոչ ալ մորակները սաստիկ,
Եւ ոչ ժայռերն, ոչ քարայրներն, ոչ գետերն,
Որոնք լեռներն ապշոպելով կայքերնէն
Կը հոլովեն ալիքներով պախավէժ:

Կը յարձակի Սաբելացի վարազն ինք
Եւ ժանիքները կը սըրէ, կը զարնէ
Ոտքը գետին, կը շրփէ կողը ծառին
Ասկէ անկէ, կը պնդէ ուսը վէրքի:

Իսկ ի՞նչ ապա երիտասարդը՝ որուն
Ուկորներուն մէջ կը վառէ կրակ մը մեծ
Սէրն անողորմ. ան գիշերով ահա կոյր՝
Մըրըրկածուփ ծովէն կ'անցնի լողալով
Երբ կը մոլնչեն փոթորիկներն, ու վերէն
կ'արոտայ դուռն երկնքի մեծ ճայթիւնով,
Եւ կը հոլնչեն ժայռէն փշրած ալիքներն.
Ոչ հէք ծընողքը զանի ետ նահանջել
Կրնայ եւ ոչ կոյսն որ մահով մ'ողորմուկ
Պիտի մեռնի իրմէ յետոյ՝ յուսահատ:

Ի՞նչ Բաքոսի խայտաճամուկ քաւթարներն
Եւ քանասար զայլերու ցեղն եւ շներու,
Եւ երկնչոտ եղջերուներն ինչպիսի՝
Պատերազմներ կու տան. սակայն ճակերուն

Կողուցքն՝ աւիւնը կը գըլէ քան ամէնքն.
 Եւ Աստղիկն ինք տըւաւ անոնց այդ մոլուցքն
 Երբ զամբիկները չորս Պոտնեան՝ Գլաւկոսի
 Մարմինը գէշ գէշ ձրձեցին ակոայով։
 Սէրը զանոնք կ'առաջնորդէ Գարգարէն
 Անդին, անդին խոխոջածայն Ասկանէն,
 Կ'անցնին գետերը լողալով, կը սլանան
 Լեռներն ի վեր. Եւ երբ հազիւ թէ վառի
 Ուղեղներուն մէջ անոնց բոցն անձկայրեաց,
 Գարնան ատեն նաև մանաւանդ, զի գարնան
 կը դառնայ տապն ոսկորներուն մէջ, անոնք
 կանգուն կեցած ժայռերու վրայ բարձրաբերձ
 Դէպ ի զեփիւոը կը բանան բերաննին,
 Եւ կը ծըծեն թեթեւ սիւքեր, Եւ յաճախ
 Յըղանալով օդէն առանց զուգուելու,
 Զարմանալի՛ բան, կը սրանան լեռներուն
 Եւ ժայռերուն Եւ ձորերուն մէջէ խոր,
 Ոչ դէպ ի քու ելքըդ, Եւրոս, Եւ ոչ քու,
 Ո՛վ արեգակ, այլ դէպ հիւսիս ւարեւմուտք,
 Կամ դէպ այն կողմն ուսկից կը ծնի սեւ հարաւն
 Եւ կը տիսրէ երկինքը ցուրտ անձրեւով։
 Եւ այն ատեն անոնց ցայլքէն կը թորի
 Հիւթն այն մածան՝ զոր կը կոչեն հովիւներն
 Ըստոյգ անուամբ ծիամոլ, այն՝ զոր առին
 Ժանու մօրուներն Եւ անոնց խոր խառնելով
 Մըմնջեցին ստէպ աղծապիղծ մրմունջներ։
 Բայց ժամանակն անգիւտ ահա կը փախչի,
 Կը փախչի մինչ մենք դեռ սիրով սըրաբեած
 Կը դեգերինք ամէն բանի ետեւէն։
 Պաճարներուն համար այսչափ բաւական.

Կը մընայ մաս մ'ուրիշ հոգի, զընընել
գեղմնաբարձիկ հօտն եւ այծերը մազեղ.
Աշխառութիւն նոր այս, ասկէ յուսացէք,
Երկրագործներ ժըրագլուխ, փառք ու պարծանք:
Գիտեմ թէ ո՛րքան դժուարին է խօսքով
Բացատրել այս բաներն, եւ շուք ու պատիւ
Տալ այս չնչին նիւթին՝ զանի պճնելով:
Բայց անուշակ սէր մը կ'առնէ կը տանի
Զիս Պառնասեան դէպ ի Սարերը ժայռուտ.
Քաղցր է ինձ իր բըլուրներէն մազլել վեր,
Ուր ոչ մի հետք նախորդներու չ'ուղղըւիր
Դէպ ի կաստալ՝ զառիթափէ մը դիւրին:
Արդ, նազելի Պալէս, հիմակ է որ ես
Պէտք է երգեմ ձայնով մը մեծ՝ բարձրահունչ:

Կը պատուիրեմ նախ եւ առաջ զառներուն
Որ խար ուտեն փարախներու մէջ հեշտին
Մինչեւ դառնայ սաղարթագեղ եղանակն.
Եւ անոնց տակ կարծըր գետնին վրայ փըռել
Առատութեամբ յարդ ու պըտեր խաւ ի խաւ.
Մի գուցէ ցուրտ սառնամանիքը վսասէ
Քնքուշ հօտին ու բերէ քոս եւ դժնէ
Խոչառութիւն: Կը հրամայեմ ասկէ վերջ
Տալ այծերուն տերեւախիտ մաթզենի,
Զամբել վըճիտ ջուր եւ փարախը դարձնել
Դէպ ի հարաւ, ուր չունենայ հովը մուտք
Եւ ձըմեռուան արեւը վրան զարնէ մեղմ,
Մինչեւ մտնէ Զրհոսը ցուրտ եւ թօնուտ
Եւ ոռոգէ տարւոյն օրերը վերջին:

Թեթեւ խընամք չէ որ մենէ կը սպասեն
Այծերն ալ, ոչ ալ օգուտնին աննըշան,

Թէեւ զզաթները Մելիտեան՝ ներկրւած
 Ծուր կարմիրով՝ մեծագընի վաճառուին.
 Բայց ասոնք շատ կու տան ձագ, շատ կու տան
 Որչափ ծիծերն ըսպառին՝ գուշը փրփրի, [կաթ.
 Նոյնչափ ճնշուած պըտուկներէն պիտ' հոսին
 կաթի զըւարթ եւ յորդաբուխ վըտակներ:
 Բայց կինիփեան նոխազին կզակը ճերմակ,
 Մօրուքն ու գէսը թաւարծի կը փոքրեն՝
 Ճամբարներու պէտքին եւ հէք նաւազին
 իբր ծածկոյթ: Լիկէոսի անտառներն
 եւ զազաթներն անոնց ճարակ, եւ փըշուտ
 Մորենիներն եւ լեռնասէր մացառներն:
 Եւ կը դառնան անոնք իրենք իրենց տուն
 Յիշողութեամբ՝ ճագերնին հետ բերելով,
 Եւ տան սեմէն դժուարութեամբ կը մտնեն
 Ծանրաբեռնի ծիծերով: Արդ պէտք է դուն
 Հեռու պահես գէթ անոնցմէ սառ՝ ծիւն՝ բուք,
 Քանի որ քիչ կը կարօտին խընամքիդ:
 Տուր անոնց բուտ զըւարթառատ՝ դալար թուփ,
 Եւ ողջ ձըմեռը մի մարագըդ փակեր:

Իսկ երբ զարունն հրճուալից քաղցըր սիւքով
 Կրկին հօտերն անտառ ու մարգ արձակէ,
 Արուսեակին հետ շաղու դաշտը մտնենք
 Առտուն կանուխ՝ կը պսպըղայ երբոր մարգն
 Ու գիրգ բոյսին վրայ շաղն հեշտին է հօտին:
 Եւ յետոյ երբ երկնքի ժամը չորրորդ
 Սըրէ ծարաւն ու ճըպուռները ճճուող
 Հնչեցընեն թուփերն իրենց երգերով,
 Տուր հօտերուդ հրաման որ մօտ ջրհորներն
 Եւ կամ ջրաբբներն երթան խորունկ, ու խըմեն

Կարկաչուն ջուրը սղոցիի փողերէ,
 Եւ կէսօրին փնտոեն հովիտ մ'հովանուտ՝
 Արամազդի կաղնիին տակ մեծայազթ,
 Որ հինաւուրց բունով չորս դին կը սփոէ
 Իր բազուկները հեռուներն, եւ կամ ուր
 Սղոցիներու թաւուտ անտառ մը նըսեմ
 Կը տարածէ իր հովանին սրբանուէր.
 Յետոյ կրկին անոր վըճիտ խմցուր ջուր,
 Եւ արածէ կրկին արեւն երբ մօտ է
 Մուտքին, եւ աստղն երեկոյեան կ'ամոքէ
 Օդն ու լուսինը կը ցօղէ շաղ մը զով
 Եւ կեանք կու տայ անտառներու թաւուտքին,
 Եւ ծովափները կը հնչեն խոթերու
 Եւ մացառներն երգերով ցախ սարեկի:
 Եւ քեզ ինչո՞ւ իմ տաղերովս երգէի
 Լիբէական անդէորդներն, արթոններն,
 ինչո՞ւ իրենց բնակած հիւղերը ցիր ցան.
 Յաճախ գիշեր ցերեկ ամբողջ ամիսով
 Կը թողուն հօտն որ արածի եւ երթայ
 Անապատները լայն՝ առանց վանատրի,
 Դաշտերն այնքան կը տարածուին հեռուներն:
 Ափրիկ հովիւն ամէն ինչ հետ կը տանի,
 Տուն՝ թերափ՝ զէնք՝ Ամիկլեան շուն՝ կրէտ կա-
 ինչպէս արի հոռմայեցին՝ հայրենի [պարճ.
 Վառուած զէնքով՝ կը չուէ բեռով մ'ահազին,
 Եւ հասնելով անակնկալ՝ կը դընէ
 Բանակն ու դէմ կը ճակատի թշնամոյն:
 Բայց ոչ այսպէս՝ ուր Ակիւթացիք կը բնակին
 Եւ ալիքները Միովտեան եւ իստրոս
 Որ իր պղտոր հոսանքներով կը գլորէ

Շիկակարմիր աւազ, եւ ուր Ռոդոպէ
 կը կարկառի դէպ ի բեւեռ՝ դառնալով
 ինք իր վրայ. պաճարներն հոն կը պահեն
 Տաք գոմերու մէջ. ուր ոչ մէկ կողմ երբեք
 զեն երեւար ոչ մարգերուն մէջ խոտեր
 Եւ ոչ տերեւ ծառերուն վրայ. այլ երկիրն
 Հոն կը պարզի հեռուն ահեղ ձիւներու
 կարկառակոյտ դէզով եւ եօթը կանգուն
 Վեր բարձրացած սառոյցներու լեռներով:
 Միշտ ձըմեռ, միշտ կը փըչէ ցուրտ հիւսիսին:
 Արեւը հոն բնաւ երբեք չի փարատեր
 Տժգոյն ստուերներն, ոչ երբ ձիերը հեծած
 Կ'ասպատակէ դէպ ի եթերն երկնաբերձ,
 Եւ ոչ ալ երբ կը լուայ ծովուն մէջ բոսոր
 կառքն իր վայրէջ: Հոսուն գետին յանկարծ մէջ
 կեղեւանքները կը ձուլուին թանձրախիտ,
 Եւ ալիքներն իսկոյն կը կրեն շալակնին
 Երկաթապատ երկաթակուռ անիւներ.
 Երբեմն անոնք ասպնջական գոգախոր
 Քաշտիներու, եւ արդ այժմիկ կառքերու.
 կը ճաթուի պըղինձն յաճախ, կը սառին
 կը կարծրանան հագնողներուն վրայ զգնեստներն,
 Եւ կը ճեղքեն հեղուկ գինին տապարով.
 Եւ կը փոխուին միապաղաղ սառոյցի
 Լիճերն ամբողջ, եւ կը կախուի խոռուացած
 Մօրուքներէն վար կարծրակուռ պաղլորակն:
 Եւ սակայն ձիւնը չի դադրիր տեղալէ,
 կը կորսըւին ոչիարակներն, եզներու
 Յաղթ մարմիններն եղեմնապատ կը կանգնին,
 Եղջերուները ջոլորած կը թմրին

Նոր խաւերու տակ, եւ հազիւ կ'երեւան
 Եղջիւրներուն ծայրովս, եւ ալ չեն զանոնք
 Հետապնդեր սարսափահար՝ ոչ շուներ
 Արձակելով, ոչ թակարդներ լարելով,
 Կամ սոսկումովը կարմրորակ փետուրին,
 Այլ կը սպաննեն զանոնք մօտէն երկաթով
 Երբ դիմակաց լերան հետ գուր կը մրցին
 Իրենց կուրծքով, եւ մինչ անոնք կը սպաննեն
 Կը պոռոչեն աղիողորմ, եւ կ'առնեն
 Ուրախ զըւարթ կը տանին մեծ գոռումով։
 Անձաւներու մէջ գետնափոր կը հանգչին
 Իրենք երկրի խորունկն անքոյթ ու խաղաղ։
 Ուակութին վրայ թաւալելով կաղնիի
 Շեղջակոյտեր եւ նշդարներ ողջանդամ
 Կրակի կու տան եւ իրենք հոն կ'անցընեն
 Խաղով ցայգերն եւ կը խըմեն բերկրալից
 Խմորէ թըթու սինէ շինած գինինին։
 Այսպէս այս ցեղն ապերասան մարդերու
 Հիւսիսաճեմ Աայլին ներքեւ եօթնարփի
 Կը ծեծուի միշտ Ոփակեան բուքով, եւ ունի
 Անդամներուն ծածկոյթ խարտեաշ ըստեւներ։
 Եթէ կ'ուզես գեղեցիկ բուրդ ունենալ,
 Նախ անտառները մացառուտ, փուշ՝ տատասկ՝
 Ոքոզ հեռու թող ըլլան, խոյս տուր պարարտ
 Ալուներէ, եւ ընտրէ միշտ ըսպիտակ
 Հոտեր փափկիկ գեղմով։ Ու խոյըդ թէպէտ
 Ինքը ճերմակ ըլլայ բոլոր, եւ միայն
 Խոնաւ քիմքին տակ ունենայ սեւ լեզու,
 Վըտարէ զայն, մի գուցէ սեւ բիծերով
 Մըթնցընէ ձագերուն զզաթը քնքուշ,

Այլ լի դաշտին մէջ դուն ուրիշ մը փնտոէ:
 Այսպէս ձիւնթոյր բուրդին ձօնով՝ հաւատալ
 Եթէ կ'արժէ, քեզ՝ Պան, աստուածն Արկադեոյ
 Խաբեց, Լուսնակ հըրապուրուած, կանչելով
 Քեզ խորանդունդ անտառներէն, եւ դու ինք
 Զանարգեցիր զանի որ քեզ կը կանչէր:

Իսկ թէ կաթի ես սիրող, դուն քու ձեռքով
 Բեր մըսուրները լեցուր սինձ եւ ներգիւն
 Առաւորէն, եւ տըւած խոտըդ աղէ:
 Ատով անոնք ջուրն աւելի կը սիրեն
 Եւ աւելի կ'ուռեցընեն ծիծերնին,
 Եւ աղին համը կը բերեն կաթին մէջ:
 Կը հեռացնեն շատեր իրենց մօրերնէն
 Արդէն մեծցած այծերն, անոնց ցոռւկներուն
 Անցընելով երկաթազամ երախճան.
 Եւ առտըւան ու ցորեկուան կըթածնին
 Կը մակարդեն գիշերն, իսկ այն որ կթեցին
 Մայրամուտին եւ կամ մութին, վաղն առտու
 Հովիւր զայն կայթով քաղաք կը տանի,
 Եւ կամ անոր մէջ քըչիկ մ'աղ խառնելով
 Զայն ձըմեռուան համար մէկդի կը դընեն:

Եւ շուներուն հոգն ալ չըլլայ թող վերջինն,
 Այլ դուն սընուր կաթի պարարտ շինուկով
 Ժիր բարակներ ըսպարտական եւ հուժկու
 Մոլոս զամփոեր. ցորչափ անոնք պահպանեն
 Դուն մի վախնար որ գող մտնէ գիշերով
 Փարախէդ ներս, կամ յարձակում գործէ զայլ,
 կամ կոռւազան Ապանոսն յանկարծ փրթիվրադ:
 Յաճախ նաեւ պիտ' հալածես արշաւով
 Երկչու ցիոերն եւ շուներով որսաս դուն

Նապաստակներ, շուներով վիթ եւ յամոյր.
Յաճախ անոնց հաջիւններով տագնապես
Ու հալածես պիտի կինճեր՝ մացառուտ
Բայոցներէն ցատկեցնելով թափով դուրս,
Եւ բարձրաբերձ լեռներու վրայ գոռումով
Մեծ եղջերուն դէպ ի վարմերըդ քըշես:

Սորվէ վառել փարախներուդ մէջ երբեմն
Եւ եղեւինը հոտեւան, ու վանել
Հոտած օձերը քաղբանեան ճենճերով.

Շատ անգամ իժը ժանտաժուտ եւ խածան
Կը պահուըտի մըսուրներուն տակ անշարժ,
Որպէս զի լոյսն երկնքի զինք չըխըւէ.

Կամ օձը՝ վարժ սողոսկելու մտնելու
Յարկի՝ ստուերի ներքեւ, դժնէ պատուհաս
Արջառներու, եւ թափելու հօտին մէջ
Իր թոյնն՝ հողի տակ կը բունէ. առ հովիւ,
Ա՛ռ քար ու բիր. ըսպառնալից կը կանգնի
Ահա եւ վիզն ուռեցուցած կը շըչէ.

Զարկ. ան փախաւ ահա ու խոր խոթեց ներս
Ահաբեկ գլուխը, մինչ մէջքին օղակներն
Ու գումարտակն ոլորտապատ տըտունին
Կը քակուին վէտ վէտ, եւ պարոյրը յետին
Կը քաշէ հետն յամրընթացիկ ոլորներն:

Կալաբրացւոց անտառներուն նաեւ մէջ
Կայ օձ մը չար, կանգուն լանջքով՝ ուղղաբերձ՝
Թեփոտ թիկունքն հոլովելով, երկայն փոր
Խայտաբըղէտ՝ մեծ նիշերով նըկարէն.

Որ երբ գետերն աղբիւրներէն կը յորդեն,
Եւ մինչ տամուկ գարունով թաց է երկիր
Եւ անձրեւոտ հարաւներով, լիճերուն

Կը բնակի մօտ, եւ ամպարիշտը նստած
 Ափունքը հոն՝ ցըպարպատիւն կը խծկէ
 Դրժոխ որկորը շաղակրատ գորտերով
 Եւ ձուկերով. իսկ երբ ճահիճը չորնայ
 Եւ գետինները ճաթոտին խիստ տաքէն,
 Դէպ ի ցամաք կը վազէ ան, եւ աչուին
 Թաւալելով կայծակնացայտ, ծարաւէն
 Մոլեգնաշունչ, տապէն գազան մը դարձած՝
 Կատաղութիւնը կը թափէ դաշտերում:
 Քաւ լիցի այն ատեն ինձ քաղցըր նինջով
 Նիրհել երկնի տակ, կամ փոռոիլ տարածուիլ
 Ծառի մը կուշտը խոտերուն վրայ յորսայս,
 Երբ ձըգած խորխը մէկդի՝ նոր մանկութեամբ
 Պայծառափայլ, ման կու գայ՝ տունը թողած
 Իր կորիւնները կամ ձուեր, ճօճելով
 Իր բերանին մէջ եռասայր շեշտ լեզուն,
 Եւ արեգդէմ կը շողշողայ բարձրավիզ:
 Պիտի քեզի սորվեցընեմ ես նաեւ
 Նըշանակներն ու պատճառներն ախտերուն:
 Կը յարձակի չարակեղ քոսն հօտին վրայ
 Երբ ցուրտ անձրեւն ու սառնասոյզ բարկ ձըմեռն
 Անցնին անոնց մարմիններուն մինչեւ ծուծն,
 Եւ կամ քրտինքն անլըւայ երբ որ կաչի
 Անոնց՝ մինչ նոր խուզուած են դեռ, եւ ցըտեն
 Խայթեն փուշերը սուր անոնց մարմիններն:
 Ուստի եւ քաղցըր գետերու մէջ կը լուան
 Հովիւներն հօտն ամբողջ, եւ խոյն կը մխըրճի
 Ամենէն խոր տեղն իր խոնաւ գըզաթով,
 Եւ յորձանքին տըւած ինքզինք կը լողայ.
 Կամ թէ ձէթի ժանտ մըրուրով կը ներկեն

Խուզուած զառները, խառնելով արծաթի
Փրփուրներ հետը եւ ծըծումբ կենդանի
Եւ իդական ձիւթ եւ իւղու ճարպամոմ,
Մըկընսոխ, ծանըր մրտիտակ եւ սեւ նաւթ:
Սակայն ախտին չիկայ դարման ազդեցիկ
Աւելի քան թէ երկաթով պատառել
Խոցին գըլուխը: զի որչափ ծածուկ մնայ
Չարիքը՝ նոյնքան կը կտղի, մանաւանդ
Եթէ հովիւը հրաժարի վէրքերուն
Բժշկական ձեռք կարկառելէ, ու նստած
Ամէն բարիք աստուածներէն պաղատի:

Խոկ երբոր ցաւը թափանցէ սողայ ներս
Հօտին մինչեւ ոսկորն ու հոն մոլեզնի,
Եւ փաղաղիչ տենդ մ'անդամները մաշէ,
Լաւ է լափող կրակին հուրքերն հեռացնել
Ոտքին ծայրէն առատ արիւն առնելով,
Ինչպէս սովոր էին ընել Բիսալտներն
Եւ դուժ Գելոն, երբ Ռոդոպէ փախչելով
Եւ Գետացւոց անապատները՝ կ'ըմպէ
Մակարդուած կաթն երիվարի արիւնով:

Երբ հեռուէն տեսնես որ մէկը հօտէն
Ստէպ կը մտնէ հովանիի տակ հեշտին,
Կամ խոտերուն ծայրն հեղգաբար կը կրծէ,
Եւ ամենէն կը մընայ վերջ, կամ կ'իյնայ
Արածելու ատեն դաշտին մէջ գետին,
Եւ կը քաշուի ուշ գիշերով միայնիկ,
Եղեռն իսկոյն կորէ կարճէ երկաթով,
Հօտն անըզգոյշ դեռ ժանտախտէն չվարակուած:
Փոթորկայոյզ մըրրիկը չի յարձակիր
Այնքան յաճախ ծովուն վըրայ, ժանտ ախտերն

Ինչպէս հօտին, եւ չեն ցաւերն ըմբռներ
 Մէկը կամ միւսն, այլ փարախներն համօրէն
 Եւ յանկարծուստ, եւ յոյսն ու հօտն ու բոլոր
 Զարմն ու զաւակ՝ մեծէն մինչեւ փոքրիկներն։
 Այն ատեն զայդ պիտ' ըմբռնէր եթէ մէկն
 Արդ յետ այնքան տարիներու այցելէր
 Եթերընթաց Ալպեաններուն, Նորիկեան
 Ամրակառոյց բարձունքներուն, ւարտերուն
 Յաբիսական Տիմաւոսի. ամայի
 Պետութիւններ հովիւններու եւ թափուր
 Մարգարոտներ անծայր լայնքով՝ երկայնքով։
 Հոն՝ ժանտաժուտ ազդեցութեան տակ օդին
 Բուսաւ երբեմն ախտ մ'երկնային, եւ տօթուտ
 Աշնան հրայրքով բորբոքեցաւ բոցակէզ.
 Եւ անճիտեց ըսպառսպուռ զարմ զաւակ
 Եւ ընտանի եւ վայրենի անասնոց,
 Եւ լիճ՝ արօտ ապականեց ժանտ թոյնով.
 Եւ հաւասար չէր ճանապարհը մահուան.
 Այլ մինչ հրատապ ծարաւ մ'ինկած բովանդակ
 Երակներուն մէջ կ'այրէր հէք անդամներն,
 Անդին գիճին թարախ մը յորդ բղխումով
 Քիչ քիչ կ'ուտէր կը սպառէր մէն մի ոսկոր։
 Շատ անզամ դից դահամունքին իսկ միջեւ
 Զոհը արդէն իսկ բազինին կեցած մօտ՝
 Երբ ձիւնաթոյր ժապաւէնով կը պատեն
 Ահա անոր շուրջն ապարօշ մ'ասուեղէն,
 Ինկաւ դանդաղ պաշտօնէից առջեւ հոն
 Ու սատկեցաւ. կամ եթէ քուրմը կանխեց
 Ու փողոտեց զայն երկաթով, չեն այրիր
 Երբեք անոնց ընդերքներով սեղաններն,

Եւ ոչ գուշակն հարցուած կրնայ բընաւ տալ
Պատասխաններ . Եւ դանակները հազիւ
Կը ներկուին քիչ մ'արեամբ , ւերեսը գետնին
Կը թաթաւեն կաթիլներ թուխ շարաւի :

Ասկէ զըւարթ մարգերու վրայ կը սատկին
Հորթերը գունդ գունդ , ւանուշակ շունչն իրենց
Կը փըչեն հոն մըսուրքներուն քով զեղուն :
Կատաղութիւնն ասկէ քծնող շուներուն ,
Եւ հազ մ'հեծունչ խոզերն հիւանդ կը ցնցէ
Ու կը խեղդէ զանոնք այտուցքը փողին :

Կ'իյնայ դժբախտ ձին քաջայաղթ՝ ախորժակ
Ու խոտ մոռցած , մոռցած ջուրերն , ու գետինն
Ըստէպ ըստէպ կը դոփէ իր ոտքերով ,
Ականջը կախ , ուր ցուրտ քրտինք մ'անհաստատ
Կու զայ կ'անցնի . չորցած է մորթն ու խոռուած
Եւ շօշափող ձեռքին դէմ բիրտ կը խոընտայ :
Մահէն առաջ՝ այս նըշանները կու տան
Առջի օրերն . իսկ եթէ ախտն անկէ վերջ
Սկըսի կատղիւ , աչքերը բոց կը կտրին ,
Եւ խորունկէն քաշելով շունչը թասուն՝
Յաճախ հեծունչ՝ հառաչակուլ՝ հատկլեալ ,
Կը պրկըւին կուշտերն երկայն հեծութեամբ .
Քըթէն արիւն կը վազէ սեւ , Եւ լեզուն
Կարծըր Եւ հաստ՝ կը փակէ ծակն հազագին :
Օգուեց ծորանքը Բաքոսի՝ եղջիւրով
Մատըռուակուած . աս էր միայն երեւցած
Հոգեվարքին ի փրկութիւն : Եւ սակայն
Այս իսկ եղաւ եղեռնաւոր . զի անոնք
Ոգեւորուած կը կատղէին մոլեզին ,
Եւ ինքնին դառն օրհասին դուռը հասած ,


(Արդարներէն հեռու, ովք դիք, թշնամիք
Ունենան այն մոլուցքը թող). մարմիննին
Մերկ ակուայով կը ձրձէին գէշագէշ:

Իսկ ցուլն ահա կարծըր խոփին տակ կ'իյնայ
Ծխաշունչ՝ բերնէն արիւն՝ փրփուր ժայթքելով,
Եւ կ'արձակէ հուսկ թառանչներն իր յետին.
Եղբօր մահով թաղծալից ցուլը քակած
Կ'երթայ մըշակը՝ կիսաւարտ հերկին մէջ
Թողած արօրն ու մաճն այնպէս մխուած խոր:
Ոչ բարձր ու խոր անտառներուն հովանին,
Ոչ գեղափթիթ մարգերն, ոչ քաղցըր վըտակն
Որ դըդէլով քարէ քար ջինջ քան բիւրեղ
Կը հասնի դաշտ՝ կրնան շարժել սիրտն անոր.
Կուշտերը ներս կ'անցնին, թմբիր մը տըխուր
Կը պաշարէ անոր ծիւրած աչուըներն,
Եւ պարանոցն իր ծանրութեան տակ կըքած
Կ'իյնայ տապաստ գետին. իրեն ինչ օգուտ
Աշխատութիւն եւ բարիք. ինչ շահ իրեն
Դաշտերը կորդ ծանըր խոփով պատըռտելն:
Եւ սակայն չեն ոչ Մասիկեան Բաքոսի
Նուէրներն եւ ոչ համադամսերը համեղ՝
Որ վսասեցին անոնց. անոնք կը սնանին
Տերեւներով եւ պարզ խոտի պարէնով.
Անոնց բաժակն ականակիւր աղբիւրներն
Եւ վըտակները քաղցրահոս. հոգ՝ զմբաղ
Չեն փախցըներ առողջարար քունն անոնց:
Կ'ըսէն թէ այն ատեն ի զուր փնտուցին
Երկու երինջ այն մարզերում՝ տանելու
Դէպ ի մեհեան սուրբ նըւէրներն Հերայի,
Եւ լըծեցին երկու անզոյգ գոմէշներ:

Արդ տաժանքով կը պատռեն հողը մարդիկ
 Տրմուխներով, եւ կը թաղեն հատիկներն
 Եղունգներով իրենց, եւ պիրկ վիզերով
 Լեռներն ի վեր կը քաշեն սայլը ճոշնչուն:
 Փարախին շուրջը դարան չի մտներ գայլ,
 Ոչ ալ հօտին շուրջ զիշերով կը սլքտայ,
 Աւելի մեծ տագնապ մը զինք կը խըւէ.
 Երկչու այծեամս եւ խուսափու եղջերուն
 Կը թափառին արդ շուներուն խառնըւած
 Տուներուն շուրջն: Ալիքն արդէն կ'ողողէ
 Ծովափին ծայրն՝ իբր իրաններ նաւաբեկ՝
 Անծայր ծովուն զարմն ու սերունդ եւ համայն
 Լուղական ազգը, եւ փոկերն անսովոր
 Կ'ապաւինին դէպ ի գետերն. իժն ինքնին
 Կը սատկի թիւր պարոյրներէն անպաշտպան.
 Կ'ընդարմանայ եւ հիդրան ցից թեփերով.
 Թուչուններուն իսկ օդը չէ բարերար.
 Որոնք բոլոր կը թօթափին կ'իյնան վար
 Բարձըր ամպին տակ իրենց կեանքը թողած:
 Չ'ոգներ եւ ոչ իսկ ճարակները փոխելն,
 Հընարք՝ դարման աւելի վնաս կը զործեն.
 Եւ Փիլիրեան Քիրոն, Մելամպ Ամիթօն
 Ճարտար բժիշկները ձեռընթափ մընացին.
 Անդնդային աղջէն ելած դէպ ի լոյս
 Կը մոլեզնի Տիսիփոնէն մահադէմ,
 Իր առջեւէն քշելով ախտերն ու երկիւղն,
 Եւ օր քան զօր կը ցըցէ զլուխն իր անյագ:
 Հօտ եւ անդեայ անվերջ իրենց բառաչով՝
 Պոչիւններով կը հնչեցնեն անդադար
 Ցամքած գետերն՝ ափերն ու կոր բըլուրներն:

Ան կը գործէ արդէն իսկ մեծ նախճիրներ
 Եւ գոմերուն մէջ կը դիզէ շեղջաշեղջ
 Շարաւահոտ եւ քասքնելի շաղիղներ,
 Մինչեւ սորվին զանոնք հողի ծածկել տակ,
 Եւ կամ թաղել փոսերու մէջ խորափոր.
 Զի մորթն անոնց չ'ընձեռեր ոչ մէկ օգուտ,
 Եւ ոչ ընդերքն հընար է ջրով կամ բոցով
 Մաքրել՝ սրբել. ոչ կտրել բուրդն ախտաբիծ
 Վարակուած պիղծ ժահրին թոյնէն, ոչ դպչիլ
 Փըտած՝ նեխած գեղմին, նոյն իսկ եթէ մէկն
 Հագնիլ փորձէր այդ ըզգեստները մախիզ,
 Խաղաւարտներ իսկոյն բոցուտ, եւ զազիր
 Քրտինք մապա կը տարածուէր գարշահոտ
 Մարմնոյն վըրայ, եւ չանցած շատ ժամանակ
 կը կրծէր սուրբ հուրն անդամները բոլոր:

815



ԹՈՒՐԼԻՈՍԻ ՎԻՐԳԻԼԻՈՍԻ ՄԱՐՈՆԻ

ՄՇԱԿԱԿԱՆ ԳՐ


ԶՈՐՅԱՆԴ ԳԻՐՔ

ՆԱԽԱԴՐՈՒԹԻՒՆ

Զորբորդ զիրքը մեղուներուն վրայ կը ճառէ ինը զը-
լուխներու մէջ.

- Ա. Տուն տեղ եւ քնակարան։
Բ. Ճարակ, զունդերն անոնց ու մարտերը։
Գ. Մեղուներու երկու տեսակները։
Դ. Թէ ի՞նչ պէտք է ընել երբ ցնորական թափառին։
Ե. Իմաստութիւն եւ հասարակաց իրաց տնտեսութիւն։
Զ. Թէ ե՞րբ պէտք է քաղել մեղրը։
Է. Ախտերը, նշաններն ու դեղերը։
Ը. Երբ անձիտին ի՞նչ պէտք է ընել։
Թ. Թէ ո՞վ է առաջին հնարագէտը նոր սերունդ հայ-
թայթելու, եւ ըսել ուզելով թէ Արխատէոս, անոր առաօ-
սկելները Եւրիդիկէի եւ Որփէոսի առասպելաց հետ խառն
երկարօրէն կ'երգէ, եւ հուսկ հակիրճ վերջարանով կը
կնքէ ամբողջ քերթուածը։

ՄԵԱԿԱԿԱՆ Ք



ԶՈՐՈՐՈՇ ԳԻՐՔ

Արդ պարզեւները պիտ' երգեմ օդային
Մեղրին. օ՞ն այս մասին ալ քաղցր ակնարկէ
Ով Մեկենաս. տեսարան փոքր իրերու,
Ըսքանչելի քեզի. կարգաւ պիտ' ըսեմ
Ամբողջ ազգին հըրահանգներն ու բարքեր,
Զարմն ու մարտերը եւ մեծանձըն պետերն:
Աշխատութիւն փոքրիկ նիւթի մէջ, իսկ փառքն՝
Ոչ փոքր՝ եթէ աստուածներն հաշտ ինձ նային
Եւ Ապողոն լըսէ ինձ զինք կանչողիս:
Մեղուներուն պէտք է փընտռել նախ տուն՝ տեղ,
Ուր հովը բնաւ չըգործէ մուտք, զի հովերն
Արգելք կ'ըլլան տունն ուտելիք տանելու,
Ոչ ոչխարներն եւ ոչ ուլերը լըպիրը
Չըցատկըտեն ծաղիկներուն վրայ, եւ ոչ
Դաշտում թափառ երինջը ցողը թափէ
Եւ բողբոջները կոխոտէ նորաբոյս:
Եւ մողէզները խայտաբղէտ թիկունքով,
Երաշտահաւք եւ բոլոր միւս թըռչուններն,
Եւ մանաւանդ Պրոկնէն՝ որուն կուրծքը դեռ
Արիւնըռուշտ ձեռքին կը կրէ նըշաններն,

Հեռո՛ւ, հեռո՛ւ անոնց զեղուն յարկերէն,
 Զի կը քանդեն ամէն ինչ. նոյն իսկ զանոնք
 Թուած ատեննին կ'առնեն կտուցով կը տանին
 Համեղ ճարակ իրենց անգութ բոյներուն:
 Այլ հոն ըլլան ականակիտ աղբիւրներ
 Եւ եղտիւրներ կանաչագեղ՝ լուաւէտ,
 Մարգին մէջէն առու մը փոքր՝ հեզասահ,
 Եւ կամ արմաւ կամ վայրի մեծ ձիթենին
 Գաւիթին շուք ընէ. զի նոր արքաներն
 Երբ զարունին հանեն պարերը նախծին
 Եւ մանուկ գունդը գուբերէն պըրծած դուրս
 Թըռչի խաղայ, հրաւիրէ ափը դրացի
 Խոյս տալ տօթէն, եւ ըլլայ ծառն հոն մօտիկն
 Ասպընջական սաղարթներով օթեւան:
 Կայուն ըլլայ թէ հոսուն ջուրը՝ նետէ
 Մէջտեղն առ շեղ ուռենիներ եւ քարի
 Մեծ հատորներ, զերդ կամուրջներ խիտ առ խիտ,
 Ուր կարենան հանգչիլ՝ բանալ թեւերնին
 Ամառնային արեգակին, երբ յանկարծ
 Եւրոսը սուր յետամսացները ցըրուէ
 Եւ կամ ջուրին մէջ ընկըզմէ թէ զանոնք:
 Հոն թող նարդոսը մըշտափթիթ ու ծոթորն
 Որ կը սըփոէ իր հոան հեռուն քաղցուենի
 Եւ սաստկաբոյր թաւուտ կորդիւնը ծաղկին
 Շուրջանակի, եւ մանիշակն հոյլ ի հոյլ
 Զովացուցիչ աղբիւրն ըմպէ կըշտապինդ:

Իսկ փեթակներն՝ ըլլան անոնք գոգածեւ
 Կեղեւներէ շինուած եւ կամ թէ հիւսուած
 Ճօճուն ճապուկ ոզորներէ՝ ունենան
 Թող նեղ մուտքեր. մի գուցէ մեղրը սառի

Յուրտէն եւ տաքը զայն հալէ ու ծորէ:
 Յուրտը եւ տաքը միապէս ահաւոր
 Մեղուներուն համար, եւ զուր տեղը չէ
 Որ ժիրաժիր անոնք մոմով կը ծեփեն
 Փոքրիկ ծերակերն յարկին՝ մուտքերը բոլոր
 Լեցընելով ծաղիկներով ու շպարով.
 Եւ այդ պէտքին համար դիզուած կը պահեն
 Սոսինձ քան ոստրդ թանձրամած և քան ձիւթն
 Իդա լերան Փոխագաստանի: Յաճախ իսկ
 Որչ բանալով՝ համբաւն ըստոյգ է եթէ,
 Հողին տակ տուն շինեցին, նոյն իսկ յարկեր
 Գըտնըւեցան խոռոչաւոր քարերու,
 Եւ ծառերու փապարներուն մէջ փոսուտ:
 Դուն սակայն լաւ մ'օծէ ծեփէ ծակոտկէն
 Խորշերն անոնց շուրջանակի՝ ցանելով
 Վըրան մանրիկ տերեւներ. մի թողուր ցիրդ
 Մօտիկն անոնց յարկերուն, մի խորովեր
 Կրակի վըրայ խեցգետիններ կարմրորակ,
 Եւ մի դուն խոր ճահիճի վրայ վըստահիր,
 Կամ ուր մօրերը գարշելի կը բուրեն,
 Կամ ուր ժայռերն անձաւախիտ կը թընդան
 Եւ ձայնը ետ կ'արձագանգեն շառաչով:
 Բայց սակայն երբ ոսկի արեւը քըշէ
 Տանի ձըմեռն հալածական երկրի տակ
 Ու երկինքն իր վըճիտ լոյսովը բանայ,
 Իսկոյն անոնք արօտ՝ անտառ կը սլանան
 Եւ կը հընձեն ծիրանեզոյն ծաղիկներ
 Եւ կը քըսուին թեթեւակի շուրերու
 Մակերեսին, եւ չեմ գիտեր ինչպիսի
 Քաղցրութիւնով զմայլած ի ժիր կ'աշխատին

Աերունդներու, բոյներու գողուըր գործին.
 Կ'արուեստեն նոր մոմ, կը շինեն թանձըր մեղր:
 Իսկ ապա երբ տեսնես որ գունդ մը ներքին
 Յարկերէն դուրս ելած՝ օդին մէջէ ջինջ՝
 Կը բարձրանայ դէպ ի աստղերն երկընքի,
 Զերդ ամսկ մը թանձըր ծըփալով հովերէն,
 Ուշ դիր. անոնք կը փընտուեն միշտ քաղցըր
 Եւ սաղարթուն յարկեր: Սըփոէ ցանէ հոն [վտակ
 Հոտերն արդէն իսկ պատուիրուած. թուրինջ խոտ
 Մանր աղացուած եւ կորընզան բոյսն անարգ.
 Ու դուն թըմբիւն հանէ եւ շուրջ շարժէ՛ զարկ
 Կիւբելէ մօրը ծընծղաներն: Հոտաւէտ
 Կայեաններուն մէջ անոնք կանգ պիտ' առնեն,
 Եւ ինքնակամ որբաններէն փակուին ներս:
 Իսկ թէ կըուուի ելլեն, զի ստէպ կը պայթի
 Խազմ մեծադղորդ արքաներուն միջեւ զոյգ,
 Կըրնայ մարդ իսկ եւ իսկ հեռուստ գուշակել
 Ամբոխին հուրքն եւ սըրտատրոփ մարտի շունչն.
 Զի խազմորոտ շոխնդը կերկեր պըղինձին.
 Կը խրախուսէ յոյլերն, եւ ձայն մը՝ նըման
 Շեփորներու բեկբեկ ձայնին՝ կը տըզզայ:
 Եւ այն ատեն կը խըմբըւին տագնապով,
 Կը շողշողան սաւառնաթեւ, կը սըրեն
 Ալաքնին իրենց կընճիթներով, կը մարզեն
 Ծղիներն եւ շուրջն արքունիքին ուարքային
 Կը խըռնըւին եռուն զեռուն, մեծաձայն
 Պատերազմի հրաւէր տալով ոսոխին:
 Եւ արդ հազիւ գըտած գարուն ջերաջերմ
 Եւ բաց դաշտեր՝ դուրս կը խուժեն, կ'ընդհարին,
 Վերը բոմբիւն մը կը ճայթէ. իրարու

Կը խառնըւին կը կազմեն գունդ մ'ահազին
 Եւ կ'իյնան վար դիաթաւալ. օդն ի վար
 Զի թափիր այնքան թանձրախուռըն կարկուտ,
 Եւ ոչ ցընցուած սղոցին կ'տեղայ ՚նչափ մոմոչ:
 Հոն խառնուրդին մէջ կ'որոշուին պերճաթեւ
 Թագաւորներն որ մեծամեծ հոգիներ
 Կը թաւալեն նեղ կուրծքերու մէջ, վըճուած
 Տեղիք չըտալ մինչեւ յաղթողն ամեհի
 Այս կամ այն կողմն յաղթահարած՝ չըստիալէ
 Թիկնադարձոյց եւ դիրեւտար փախչելու:
 Հոգիի այս մեծ յուզումներն եւ այս մեծ
 Պատերազմները կը դադրին կը լըոեն
 Անոնց վըրայ քիչ մը փոշի թէ ցանես:

Բայց զոյգ պետերն երբ ճակատէն դարձընես,
 Ան որ թուեցաւ քեզ յոռեգոյն՝ ըսպաննէ՝
 Որ չըվսասէ պղերգութեամբ. թող լաւագոյնն
 Անդորրաւէտ թագաւորէ դարպասին:
 Մին՝ վասըն զի երկու տեսակ են անոնք՝
 Պիտի ըլլայ ոսկեճամուկ՝ բոցանշոյլ,
 Նըշանաւոր կերպարանքով եւ պայծառ
 Կարմիր թեփով. աս լաւագոյնն է, իսկ միւսն
 Ահազնակերպ ու պղերգ, եւ փոր տըղընդեր
 Անփառունակ կը քաշքըշէ կը տանի:

Արքաներուն դէմքը ինչալէս կըրկին է,
 Կըրկին է նոյն նըման մարմինը գրոհին.
 Զի են ոմանք զազրաթորմի եւ տըգեղ,
 Նըման հողու եւ փոշեխառըն թուքին
 Զոր կը թըքնէ չորցած բերանն անցորդին.
 Եւ ուրիշներն ոսկեճաճանչ՝ փողփողուն,
 Նըկարակերտ՝ խայտախարիւ իրանով:

Ազնըւագոյնն այս զարմն, ասկէ պիտի դուն
Տարւոյն որոշ կէտին մըզես մեղք անուշ,
Եւ ոչ այնքան անուշ որքան ծորածոյ,
Որ պիտ' յաղթէ տըտիպ համին բաքոսի:

Բայց երբ պարերը կը թեւեն կը զբօսնուն
Երկինքն ի վեր թափառական՝ խորիսխներն
Անարգելով, թողլըքելով տուն ու տեղ,
Շըրջէ պարապ խաղէն յողդողդ հոգիներն.
Եւ չէ դըժուար. Փըրցուր թեւերն արքայից.
Անոնց անշարժ մընալուն՝ ոչ ոք պիտի
Համարձակի բարձըր ճամբայ մը բըռնել
Եւ կամ դըրօշը բանակէն ապշոպել:
Թող պարտէզներ քըրքմատեսակ՝ քաղցրաբոյր
Ծաղիկներու անոնց կարդան հըրաւէր,
Եւ զողերու՝ թըրչուններու պահապան
Հելլեսպոնտեան Պրիապոսի հովանին
Թող պաշտպանէ գերանդազէն ուռիով:
Ով որ ունի հոգ ու խնամ այս բաներուն,
Թող երթայ բարձըր լեռներէն բերէ վար
Ծոթոր ու շոճ եւ տընկէ շուրջն յարկերուն.
Անվախ՝ ձեռուին կարծըր գործով մաշելէ՝
Ի՞նք խոթէ հողը թող տունկեր բարեբեր
Եւ ցանկալի ցողով զանոնք ուսոգէ:

Եւ յիրաւի աշխատութեանս լըրման մօտ
Առագաստներըս ամփոփած եթէ ես
Չըփութայի ցոռուկը ցամաք շըրջելու,
Երգէի թէրեւըս թէ ինչ խնամք՝ դարման
Պիտի դրախտները զարդարէր բարեբոյս,
Եւ Պեստոնի վարդենիներն երկաբեր.
Եւ եղերդներն ինչպէս պիտի ցընծային

Եւ լախուրով փըթթուն ափերը կանանչ՝
Առուներու ջուրն ըմպելով անուշակ.
Եւ ծեքածուո վարունգն ինչպէս պիտ' աճէր
Խոտին մէջ մեծ որովայնով. ու պիտի
Չըլըռէի նարգէսն որուն ուշ կու զան
Վարսերը կամ ուռերը գողտր ականթի,
Եւ բաղեղները գունաթափ ու տըմոյն
Եւ ափերու խանդաղակաթ մըրտենին:

Զի կը յիշեմ իբալիոյ բարձրաբերձ
Աշտարակաց տակ ուր մըթին Գալեսոս
Խարտեաշ դաշտերը կ'ոռոգէ, տեսայ ես
Կիլիկեցի ծեր մ'որ ունէր կորդ՝ խոպան
Դաշտ մը փոքրիկ, զոր չէր կրնար եզներու
Ամոլն ընել յուրթի, եւ չէր յարմար ոչ
Հօտի եւ ոչ ալ Բաքոսի նպաստաւոր.

Այլ փուշերուն մէջ կը քաղէր բանջարներ
Յանցառ ու շուրջը շուշաններ ըսպիտակ
Եւ աղաւնին եւ խաշխաշներ սնընդարար,
Իր աչքին զոյգ արքայական ճոխութեանց.
Եւ տարաժամ զիշերով տուն երբ դառնար
Սեղանն անգին խորտիկներով կը դիզէր:
Ինք նախ զարնան վարդ՝ աշնան պտուղ կը քա-
Եւ դառըն մինչ ձըմեռը դեռ կը հերձուր [զէր.
Յուրտէն ժայռերն եւ կը սանձէր սառոյցով
Ջրերուն ընթացքն, ահա արդէն կը խուզէր
Վարսերը զիրգ յակինթի՝ սաստ կարդալով
Դանդաղ ամրան եւ յապաղկոտ զեփիւոին:
Նոյն ծերունին մեղուներու գունդագունդ
Ունէր պարեր, եւ խորիսխներն երբ ճընշէր
կը կըթէր մեղըր փըրփըրաղէզ: Թըմբիներ

Ունէր՝ ւառատ շոնի, եւ ծառը բերրի
Աշնան այնքան ունէր հասուն պըտուղներ
Որքան կը կրէր նոր ծաղկելուն։ Ան կարգով
Տեղափոխեց նաեւ զառամ կընձնիներ,
Կարծըր տանձին, կոկանենին շլորաբեր,
Զուարթ գիներբուաց հովանաւոր եւ սօսին։

Բայց ես ասոնք զանց կ'ընեմ հոս՝ արգիլուած
Անագորոյն սահմաններու մէջ՝ թողլով
Ուրիշներու հոգն անոնց վրայ խօսելու։

Արդ պիտ՝ ըսեմ յատկութիւնները զոր ինքն
իսկ Արամազդ մեղուներուն պարգեւեց.
Որուն անոնք ի փոխարէն՝ հրաւիրուած
Նըւագաւոր հնչումներէն կուրետեանց
Եւ շառաչուն պըղինձներէն՝ սընուցին
Երկնի արքայն Դիկտէական անձաւում։

Ասոնք միայն հասարակաց ունին ծնունդ
Եւ բնակարան՝ հասարակաց քաղաքում,
Կենցաղնին մեծ օրէնքներով վարելով։
Ասոնք ունին լոկ հաստատուն հայրենիք
Եւ մարդակներ, եւ հանդերձեալ ձըմեռուան
Յառաջատես՝ ամառն ի ժիր կ'աշխատին
Եւ պահեստի կը դնեն դիզած պաշարնին։
Քանզի ումանք կնքուած ուխտի դաշինքով
Կ'երթան դաշտերն օրապահիկ քաղելու,
Եւ ուրիշներ յարկերուն ներսը փակուած
Խորիսխներուն կը դնեն իբր հիմ առաջին
Կեղեւի թանձըր սինձ ւարցունք նարգէսի.
Այնուհետեւ կը բարձրացնեն մոմը պինդ։
Ոմանք ազգին յոյսը՝ հասակը մանուկ
Կը դայեկեն, եւ ուրիշներ կը սերտեն

Զուտ մեղրը քաղցը նեկտարով օծելով
 բջիջներն . Եւ կան՝ որոնց ինկած է վիճակ
 Պահպանելու դռներն . Եւ ուշ կը դընէն
 Փոխանակաւ երկնի ամպին 'ւանձրեւին ,
 կամ կ'առնեն բեռն եկուորներուն , կամ կապած
 Գունդ եւ հրոսակ՝ փեթակներէն կը վանեն
 Գոռեխներու ջոկը պըղերգ : Կ'եռայ գործն
 Եւ կը բուրէ մեղրը ծոթոր քաղցրահոտ :
 Եւ ինչպէս երբ հապ ըշտապով կը դարբնեն
 Շանթ կիկլոպներն հալուն երկաթ ձոյլերէն ,
 Արջառենի փուքսերով օդը ոմանք
 Կ'առնեն կու տան , ուրիշներ ջուր կը մըխեն
 Շառաչուկ պղինձը . սալերուն տակ Ետնէն
 կը հեծէ . մեծ ուժով անոնք կը վերցնեն
 Բազուկնին փոխն ի փոխ կարգաւ ու կըշիռ
 Եւ կը չրջեն երկաթը կարծր աքցանով :
 Նոյն նըմանակ , եթէ օրէն է երբէք
 Փոքրը մեծին համեմատել , կեկրոպեան
 Մեղուներուն՝ ստացուածքի սէրն ընդաբոյս
 կու տայ գրգիռ՝ եռանդ իրենց պաշտօնին :
 Աւաններուն հսկել եւ տալ բջիջներուն
 Հաստատութիւն եւ կազմել տուն մեծարուեստ
 Առ յանձնըւած է հիներու խընամքին :
 Մանկագոյնները կը դառնան անազան
 Յոզնած ու խոնջ՝ սրունքնին թաթախ ծոթրինով .
 Կ'արածին հոս հոն մաթուզ՝ խաժ ուռենի ,
 Նարդոս եւ շէկ քրքում , թմբի պարարուն
 Ուերկաթագոյն յակինթ . հանգիստ նոյն եւ մի
 Ամէնուն , նոյն աշխատութիւն ամէնուն :
 Ալուուն կանուխ դուրս կը խուժեն դոներէն ,

Ոչ մի յամուրդ, եւ երբ իրկունը ազդէ
 Որ ալ մեկնին հուսկ դաշտերէն ւարօտէն,
 Այն ատեն տուն կը դիմեն խուռն երամով,
 Տանելու խոնջ իրենց մարմնոյն հոգ ու խնաս:
 Բզզիւն մ', աղմուկ մը կը լսուի դոներուն՝
 Գաւիթներուն շուրջն, եւ ապա ամէն մին
 Իր սրըսկապանն երբ կը մտնէ, լըռութիւն
 Ե ողջ գիշերն, եւ բարերար քուն մը խոր
 Կը տիրէ իր անդամներուն վրայ յոգնած:
 Սակայն իրենց փեթակներէն չեն մեկնիր
 Անձրեւն ի կախ է երբ եւ չեն հաւատար
 Երկնքին երբ փրթելու վրայ է մրըրիկն.
 Այլ ոստանին պարիսպներուն շուրջ կ'երթան
 Զուրի՝ անքոյթ եւ ապահով, փորձելով
 Կարճ արշաւներ, եւ ստէպ խիճեր կը վերցնեն
 Զերդ անյողդողդ նաւերն աւագ՝ որ տոկան
 Ալիքներու կոծումին. այս քարերով
 Իրենք զիրենք կը կշռեն բաց օդին մէջ:

Բայց ինչ որ քեզ զարմանալի պիտի թուի
 Մեղուներու բարքին մէջ՝ այն է որ բնաւ
 Չեն զուգուիր, ոչ ալ կը ջլատեն մարմիննին
 Պակշուտութեամբ՝ հաճոյքներով Ասողիկին,
 Ոչ ալ կը ծնին երկունքներով մանուկներ:
 Այլ իրենք իսկ կը հաւաքեն բերանով
 Տերեւներէն եւ քաղցրանոյշ բոյսերէն
 Աերունդն իրենց. հոն կը գտնեն թագաւոր
 Եւ ժողովուրդ, եւ կը կազմեն արքունիք
 Եւ պետութիւն եւ դահլիճներ մոմակերու:
 Եւ կը փշրէն ստէպ թափառման մէջ իրենց՝
 Թեւերնին կարծըր ժայռերու վրայ, նոյն իսկ

Վիրով բեռան տակ կը փըչեն հոգինին։
Այնքան ունին ծաղիկներու հանդէպ սէր։
Այնքան մեծ փառք է իրենց մեղքը կազմելն։
Ուստի թէեւ ունին կեանքի կարճ սահման,
Զի չեն տեւեր աւելի քան եօթն ամառ,
Ցեղը սակայն կը մնայ անմահ յաւիտեան,
Եւ տանը բախտը կը տեւէ յամերամ։
Եւ պապերուն կրնան պապերը թըւել։

Ասկէ զատ՝ ոչ Եգիպտոս, մեծ Հիւդիա,
Ոչ Պարթեւներն եւ ոչ Հիւդասպ մարական,
Չըպաշտեցին այնպէս իրենց թագաւորն։
Երբ քաջառողջ է ան՝ ամէնքն ալ ունին
Նոյն միտքն. երբ ան մեռնի՝ ուխտերը կը ջրեն
Եւ աւարի կու տան մըթերքը մեղրին,
Կը քանդեն պան ու խորիսխ. ինք թագաւորն
Է ոստիկան գործին. ամէնքն իր վրայ են
Ակնկառոյց, եւ կը պատեն զինքը շուրջ
Հոծ բզզիւնով, եւ զինքն իրենց առած մէջ
Ատէպ կը տանին ուսերնուն վրայ, կ'ենթարկեն
Իրենց մարմինը գուպարի, եւ չքնաղ
Կը փնտոեն մահ հարուածներով վիրալից։

Դիտելով այս օրինակներն ու նշաններն
Ըսին ոմանք թէ մեղուներն ունին մաս
Աստուածեղէն մտքէն եւ շունչ արփենի.
Զի կը շրջի ամէն բանի մէջ Աստուած,
Երկրի, ծովու եւ խորանգունդ երկնքի.
Թէ հօտ, անդեայ, մարդ եւ բոլոր գազաններն
Ամէնքն իրենց ծնելուն անկէ կ'ընդունին
Նուրբ ոգիներ, եւ թէ ամէն ինչ ապա
Երբ կը լուծուի կ'երթայ դարձեալ դէպ ի ան։

Եւ մահը մուտք չունի բընաւ, այլ ողջ ողջ
Աստղերուն մէջ կը թռչին բարձըր երկինքն:

Եթէ երբեք ուզես բանալ տունը վեհ
Եւ տիրանալ մեղրին դիզուած գանձերուն,
Բերանըդ նախ ումակ մը ջուր առ ու տաքցուր,
Եւ երկնցուր ձեռքովըդ ծուխ մ'հալածիչ.
Երկու անգամ կը քաղեն բեռն աճեցուն,
Կութքի ժամերը կրկին են. իսկ եւ իսկ
Երբ Բոյլքն երկրի ցուցնէ իր դէմքը չքնաղ
Ուարհամարհու ոտքով մըդէ ալիքներն
Ովկիանու, կամ փախչելով արփերէն
Թօնուտ Զըկան իջնէ՝ տըխուր՝ երկնքէն
Զըմեռնական ալիքներուն մէջ: Անչափ
Է բարկութիւնն անոնց, եւ երբ չարչարուին
Թոյն կը շնչեն շիթոցներով, եւ թաքուն
Սուիննին խոթած երակներուն մէջ խորունկ,
Իրենց կեանքին հետ վէրքին մէջ կը թողուն:

Եթէ դժնէ ձըմեռը վախ կ'ազդէ քեզ
Եւ կը դողաս ապագային վրայ անոնց,
Եւ ջլատութիւնն անոնց՝ աւերը զարմին
Կը շարժեն քեզ ի գութ, ուրեմն ով պիտի
Վարանէր՝ ետ մընար ծոթոր ծըխելէ,
Եւ անօգուտ մոմը կտրել նետելէ:
Զի սոէպ կովծուծն անյայտ խորիսխը կ'ուտէ,
Եւ սենեակները կը լեցնեն մըթասէր
Բոտուներու գունդեր եւ բրէտն ապերախտ
Կը նստի քովս ուրիշներու նըպարին,
Եւ ժանտ պիծակն անզոյգ զէնքով կը սպըրդի
Անոնց միջեւ, կամ ցեցերն՝ ազգ ժանտաժուտ
Եւ կամ թէ սարդն Աթենասի ատելի՝

Դըոներն ի վար կը կախէ տորգն ոստայնին։
 Ո՛րչափ անոնք կողոպտըւին, նոյն չափով
 Պիտ' աշխատին դարմանելու տոյժն ազգին,
 Ծաղիկներով պիտի խորշերը լեցնեն
 Եւ պիտ' հիւսեն շտեմարաններ մըթերքի։
 Բայց քանզի կեանքն ազատ չըրաւ մեղուներն
 Աղէտներէն մարդուս, դժնէ ախտերով
 Երբ մարմիններն անոնց թօշնին թառամին,
 Պիտի անվրէպ նըշաններով հասկընաս։
 Հիւանդներուն նախ զոյնն իսկոյն կը փոխուի։
 Նիհարութիւն մը սոսկալի կը խամրէ
 Երեսն անոնց. այն ժամանակ յարկերէն
 կը հանեն դուրս դիակնացած մարմիններն
 Եւ կ'ընկերեն յուղարկումին տիսրութեամբ։
 Կամ իրարու ոտուըներուն փաթթըւած
 կը կախուին վար դոներէն, կամ կը մընան
 Փակուած իրենց սենեակներուն մէջ անշարժ,
 Քաղցէն սպառած մաշած՝ ցուրտէն 'դարմացած։
 Հնչիւն մը թաւ կը լսուի այն ժամանակ
 Եւ կը բզզան անդուլ, զերդ ծով ալէկոծ
 Որ կը մոընչէ երբ ալիքն ետ կը քաշուի,
 Զերդ կրակ որ փակ հընոցին խորը կ'եռայ։
 Պիտ' յորդորեմ հոս նախ այրել հոտաւէտ
 Անգժառ եւ ներս փեթակներուն մըխել մէջ
 Մեղր եղեգնեայ ցնցուղներով, ախորժով
 Ծանօթ բոյծին հրաւիրելով յոգնածներն։
 Օգտակար եւս ըլլայ պիտի խառնել հոն
 Մանրած զղթոր, չոր վարդ, քաղցու լաւ եփուած,
 Կամ ֆըսիթեան այգեստանէն ողկոյզներ
 Չամիչի, հետը տերեփուկ ծանրահոտ

Եւ կեկրոպեան ծոթոր։ Ծաղիկ մը եւս կայ
Մարգերուն մէջ, որուն մշակները կու տան
Ցինկ անուն, շատ դիւրին գտնել ուզողին.
Զի մէկ փունջէն կը բարձրանայ մեծ անտառ,
Եւ ոսկեգոյն է, բայց անթիւ տերեւներն
Որ ունի շուրջն՝ ունին բաներ մը կապոյտ
Մանիշակին ծիրաներփին փայլիւնէն։
Կը զարդարուին դից բագինները յաճախ
Դրասանգներով անոնց, դաժան ունի համ,
Եւ հովիւները կը ժողվեն զայն քաղուած
Հովիտներում եւ ափերուն վրայ ԱԵԼա
Ոլորտապտոյտ գետին. արմատն եփելով
Անուշահոտ գինւոյ մէջ՝ դիր իբր բոյծ
Փեթակներուն դրան քով լեցուն կողովով։

Իսկ թէ յանկարծ զարմն անճիտի սպառսպուռ
Եւ չըլլայ բան մ'որմէ սերունդ մը դուն նոր
Կարողանաս հանել, քեզ ժամ է յայտնել
Հոչակաւոր գիւտն արկադեան հովիւին.
Եւ թէ ի՞նչպէս յաճախ սպանուած եզներու
Ապականած արիւնն հանեց մեղուներ։
Պիտի զրուցեմ աւանդութիւնը բոլոր
Ըսկըսելով իր բուն նախկին ծագումէն.
Զի բովանդակ մարզն ուր Պելեան կանոպի
Կը բնակի ազգն երջանկազարմ՝ Նիլի մօտ,
Որ կ'ողողէ ծովածաւալ տարածով
Եւ նըկարէն նաւակներով ման կու զայ
իր դաշտերուն շուրջ, քերելով սահմաններն
Աղեղնաւոր Պարսիկներուն, եւ թխամորթ
Հնդիկներէն իջած վար՝ սեւ աւազով
Կը պարարէ կանաչագեղ Եգիպտոսն

Ու կը հոսի դէպ ի ծով եօթն այլ եւ այլ
բերաններով, երկրի այս մասն համօրէն
Այս արուեստին մէջ կը հաստէ յոյս մ'անվրէպ:

Նախ այս պէտքին համար կ'ընտրեն տեղ մը
Զայն կը պատեն նեղ որմերով՝ ձլգելով [կարճ,
Վըրան տանիք մը կղմինտրէ, կը բանան
Կողմնակի չորս լուսամուտ՝ չորս հովերէն:
Եւ ապա հորթ մը կը փնտոեն երկեմեան,
Ճակտին վըրայ զոյգ եղջիւրները ծըռած:
Ի հեճուկս իր ընդդիմութեան՝ կը խընուն
Շունչի անցքերն ըլլայ քըթէն թէ բերնէն,
Եւ կը սպաննեն կոշկոճամահ՝ տրորելով
Մարմինը՝ մորթը մընալով լոկ անեղծ:
Այն որմածին մէջ կը թողուն զայն այնպէս,
Սփոելով շուրջն անոր ծոթոր՝ թարմ նարդոս:
Կ'ընեն ասի երբ առաջին անգամ դեռ
կը սկըսին մեղմ օդէն ջուրերը զանգրիլ,
Եւ մարգը չէ կարմրած դեռ նոր գոյներով,
Եւ չէ շատիօս ծիծառն յարկէն կախած բոյնն:
Այս միջոցին ոսկորներուն մէջ փափուկ
Եղկացած հիւթը կը տաքնայ հետզհետէ
Եւ զեռուններ զարմանալի՝ նախ անուն
Եւ ապա ի՞սկ եւ իսկ թեւեր ըզգեցած
կը վխտան բիւր եւ բիւր եւ թափ տալով հուսկ
կը սրանան օդն ի վեր նրբին՝ հանգունակ
Ամառնային ամպէն թափած շիթերուն.
Կամ նետերուն որ կը թոչին լարերէն
Երբ Պարթեւներն երագ կոռւի կը սկըսին:

Մուսաներ, ո՞ր աստուածն յայտնեց այս ար-
Եւ ուրկէ՞նոր գիւտը մարդոց մըտաւ մէջ: [ուեստն,

Արիստէոս հովիւն՝ ինչպէս կը պատմեն՝
Երբ մեղուներն ախտով՝ սովով կորսնցուց,
Գետին գըլուխը սուրբ ակին կեցած մօռ՝
Տրտում տըխուր կը հեղուր շատ զանգատներ,
Եւ կ'ուղղէր իր մօրն այս խօսքերն ողբագին.

«Կիւրենէ, մայր իմ, որ ունիս օթարան
Այս ուղիսերուն խորքն, ինչո՞ւ զիս ծընափ դուն
Ճակատագրին ատելի, զիս՝ որ զարմէն
Եմ վեհափառ աստուածներուն, թէ միայն
Ինչպէս կ'ըսես հայրս է Թիմքրեանն Ապողոն,
Կամ ինձ հանդէպ ունեցած սէրդ ո՞ւր գընաց:
Ինչո՞ւ խրախոյս կու տայիր ինձ յուսալու
Անմահութեան. ահա դուն մայրս ըլլալով՝
Կը կորսնցնեմ մահկանացու իմ կեանքիս
Այս պատիւն իսկ, զոր արթուն խնամքն արտերու
Եւ հօտերու հազիւ ժրագլուխ ջանքերով
Ինծի տըւաւ. արդ ի՞նչ բանի կը սպասես,
Խըլէ՛ ձեռքովըդ բարգաւաճ մայրիներս,
Փարախներուս ոխերիմ բոցը բեր մէջ,
Այրէ՛ հունձքերս, մրկէ արտերս, եւ հատու
Տապարովդ, օ՛ն, որթատունկերս տապալէ,
Եթէ իմ փառքս այդքան տաղտուկ է քեզի»:

Մայրը լըսեց ճիչերն անոր խոր գետին
Առագաստէն, ուր շուրջն Հարսներն յաւերժիկ
Կը մանէին Մելիտեան ասըր՝ ներկուած
Շովու կապոյտ գոյնով. Դրիմով եւ Քսանթով,
Փիլոդոկէ եւ Լիգէա, ծամերնին
Փաղփուն հոսած պարանոցներն ի վար ձիւն,
Կիմոդոկէ եւ Թալիա, Նեսէէ
Եւ ըՍպիով եւ Կիդիպակէ եւ խարտեաշ

Վիկովրիաս. մին կոյս, իսկ միւսը հազիւ
Դեռ առաջին երկունքներուն փորձառու.
Եւ զոյգ քոյրերը Բերոյէ եւ Կլիով,
Ովկիածին երկուքն ալ, նոյն նըմանակ
Ոսկեգօտի, խայտաբըղէտ մորթելով,
Եւ Եփիրէ, նոյն եւ Ոպիս, եւ դարձեալ
Դէիոպէն ասիական եւ թեթեւն
Արեթուսա՝ նետերը վար դըրած հուսկ:

Անոնց միջեւ կըլիմենէ կը պատմէր
Հեփինստոսի զուր զգուշութիւնն, Արէսի
Դաւն ու քաղցրկ գաղտագողօնքը՝ թուելով
Դից տոփանքներն անհուն սկըսեալ Փաւոսէն:
Մինչ կախարդուած իր տաղերէն կը փաթթեն
Անոնք կակուղ սակն իլերուն վրայ՝ ահա
Արիստի ողբն երկրորդ անգամ կը բախէր
Մօրն ականջներն, եւ դոզն ամէնքը առաւ
Ապակեղէն գոհոյքներուն վրայ իրենց:
Արեթուսա իր միւս քոյրերը կանխեց
Եւ դեղձան գլուխն ալիքներէն վերցուց վեր,
Եւ հեռուէն. «Կիւրենէ քոյր, ի զուր չէ
Քու այնքան մեծ հեծութիւնով սարսափիլդ.
Արիստէս ինքնին՝ քու հոգդ ու մտածում,
Պենէս հօր ալիքներուն կեցած քով՝
Կու լայ տըխուր, եւ քեզ անգութ կը ձայնէ»:
Նոր սարսափով մը մայրն յանկարծ բռնըւած
Ըսաւ անոր. «ԲԵր, օ՞ն, մեր քով բեր դու զայն,
Դից շեմէն ներս մտնել օրէն է անոր»:

Կը հրամայէ իսկոյն խորունկ ուղխերուն
Որ բացուին լայն, եւ պատանին կարենայ
Քալել ազատ. փեռեկեցան յորձանքներն,

Եւ անոր շուրջը կանգ առին լեռնաձեւ.
 Եւ առնելով զայն լայն ծոցին մէջ իրենց՝
 իջուցին վար գետին ալուցքը մինչեւ:
 Եւ ան իր մօր պալատին վրայ հիասքանչ
 Եւ պետութեանց խոնաւական, լիճերուն
 Անձաւածիր ւանտառներուն ձայնաւոր,
 Կ'երթար ապշած ջուրերու մեծ շարժումէն.
 Կը նըկատէր բոլոր գետերն համօրէն,
 Որ կը հոսին լայն անդունդին տակ երկրի
 Դէպ այլեւայլ կողմեր, Փասիսն ու Գայլ գետն,
 Եւ ակն ուսկից Ենիպէսը խորունկ
 Կը ցայտէ դուրս թափով, ուսկից հայր Տիբերն,
 Ուսկից ուղիսերն Անիենեան, Հիպանիս
 Որ կը մոընչէ անկողինին վրայ ժայռուտ,
 Միւսեան կայիկ եւ Երիդանը ցլաղէմ
 Ոսկեճաճանչ եղջիւրներովս իր ջուխտակ,
 Քան զոր չիկայ հեղեղասաստ երբեք գետ,
 Որ ճեղքելով դաշտեր յուրթի եւ բերրի
 Ծիրանի ծովը դիմէ բուրըն թափով:
 Սունկ քարերով գմբեթայարկ առագաստն
 Երբոր հասաւ, եւ կիւրենէ իմացաւ
 Աւելորդ սուզը զաւակին, իր քոյրերն
 Յաջորդաբար ձեռքերուն ջինջ լըցին ջուր,
 Եւ մատուցին դաստառակներ նրբանիւթ.
 Սեղանն ոմանք խորտիկներով կը լեցնեն,
 Եւ կը դընեն հոն բաժակներ պատարուն,
 Եւ պանքայեան խունկով կը ծխան բագիններն:
 Եւ մայրն ըսաւ. «Ա՛ռ, որդեակ իմ, Աէոնեան
 Գինիի այս բաժակն, եւ հետըդ ձօնենք
 Ովկիանին». Եւ կ'աղօթէր իսկոյն ինք

Առ Ովկիան հայրն իրերու, առ քոյրերն
Յաւերժահարս՝ որ շահապետ են հարիւր
Անտառներու եւ պետ հարիւր գետերու:
Երեք անգամ ցօղեց հեղուկ նեկտարով
Հուրն եռանդուն, երեք անգամ սըլացաւ
Բոցն յարկն ի վեր՝ փայլակնացայտ շողիւնով.
Նէ խրախուսուած այս հըմայքէն՝ ըսկըսաւ.

«Կայ կարպաթեան ծովուն մէջ դիւթ մ'հոյա-
կապոյտ Պրոտեւսն որ կը կտրէ ծովս անծայր [նուն,
կառքով մ'որ է երկոտանի ձիերէ
Լծուած եւ իր մարմինը ձուկ կ'աւարտի:
Արդ ան կ'երթայ նաւակայքերն Եմաթեան
Այցելելու Պալենէ իր բնագաւառն.
Եւ մենք հարսներս յաւէժ զանի կը պաշտենք
Եւ ծեր Ներեւսն ալ, զի այս կիւսը զիտէ
Բոլոր բաներն, անցեալ՝ ներկայ՝ ւապագայ,
Պոսիդոնի այսպէս հաճոյ է թըւեր,
Որուն փոկերն, հօտերն ահեղ ու զազիր
Ան կ'արածէր ջուղերուն խորն անյատակ:
Որդեակ, դուն զայն պէտք է կապես կաշկանդէս,
Որպէս զի քեզ ախտին պատճառը յայտնէ
Եւ քեզ ցուցնէ հընարք տոյժիդ ի դարման:
Պատգամ անկէ բոնի միայն պիտ' առնես.
Աղաչանքները զայն պիտի չողոքեն.
Գործածէ դէմը կաշմբուռն ոյժ եւ կապ.
Ասով պիտի փշրէս դաւերն անօգուտ:
Արեւը երբ միջօրեայ տօթը վառէ,
Խոտը ծարուի եւ անուշնայ շուքն հօտին,
Ես ինքըս քեզ պիտի տանիմ ծերունւոյն
Ծածուկ յարկերն, ուր ան յոգնած կը քաշուի

Ալիքներէն, որպէս զի դուն դիւրութեամբ
 Վրան յարձակիս երբ ան փռուած կը ննջէ:
 Բայց երբ բոնէս ձեռքով ու զինքը կապէս,
 Ան զազանի ձեւեր՝ դէմքեր պիտ' առնէ,
 Պիտ' ըլլայ իսկ եւ իսկ վարագ սոսկալի
 Եւ վազը ժանո, վիշալ ցըցուած թեփերով,
 Եւ էզ առիւծ պարանոցով շէկ, եւ կամ
 Արձակելով բոցի շըչող խօշիւններ
 Պիտ' ազատի կապանքներէդ, կամ պիտի
 Սահի երթայ ջուրի նըման հոսելով:
 Բայց որչափ ան առնէ ձեւեր բազմազան,
 Այնչափ, որդեակ, դուն պինդ կապերըդ պրկէ,
 Մինչեւ մարմինը փոխուելով՝ ան դառնայ
 Ըլլայ այնպէս ինչպէս տեսար դուն առաջ,
 Երբ քունն անոր աչուին խըփել կը սկըսէր»:

Աս ըսելով սփոեց բուրումն անուշակ
 Անմահութեան, եւ անով իր որդեակին
 Մարմինն օծեց ամբողջ. արդ հոտ մը քաղցրիկ
 Բղխեց անոր գեղայարմար վարսերէն
 Եւ անդամներն առոյգ կորով մը զգեցան:

Կայ քարանձաւ մը մեծանիստ՝ խորափոր
 Լերան մը լայն փապին մէջ՝ ուր ալիքներն
 Հովէն մըղուած կը ճեղքըւին՝ կազմելով
 Երկու ոսոխ հոսանք եւ եռ կը քաշուին.
 Նաւորդներու երբեմն անքոյթ ապաւէն
 Մրրիկներու դէմ. Պրոտէոս կը փակուի
 Հոն ներսը յաղթ ժայռով մը դուռը նըզած.
 Յաւերժահարսն հոն կը դընէ պարմանին
 Մութին մէջ, ինքն ալ կանգ կ'առնէ քիչ մ'հեռուն
 Ամպի մը մէջ ծըրարելով ինքըզինքն:

Արդէն ծարաւ Հնդիկն այրող բոց Շընիկն
 Երկնքին մէջ կը վառվրոէր, եւ հրաշունչ
 Ալփին սպառեր էր կէս չափն իր ընթացքին,
 Չորցեր էին խոտերն, եւ հուր ճաճանչներ
 Խոռոչացած գետերուն սիկը մինչեւ
 Կ'եփէին՝ երբ որ Պրոտէոս ելլելով
 Ալիքներէն կու գար ընդել իր քարայրն։
 Անծայր ծովուն բընակիչները նամէտ
 կը կայտոէին իր շուրջն՝ հեռուն ցնդելով
 Աղի ցօղեր. կը փռուէին քնաթաթախ
 Փոկերն ափին վըրայ, եւ ինք Պրոտէոս՝
 Ինչպէս յաճախ լեռնակներուն վրայ հովիւն
 Արթուն տեսուչը փարախին՝ արօտէն
 Գիշերավարն հորթերն երբ տուն կը բերէ,
 Եւ գառնուկներն իրենց հնչիւն մայիւնով
 կը սըրեն քաղցը գայլերուն՝ մէջտեղն հոն
 Նստած ժայռի վըրայ կ'առնէ թիւն անոնց։
 Եւ զի Արիստ իշխանութեամբ էր օժտուած
 Անոր վըրայ՝ հազիւ ներեց որ փըռէ
 Ծերն անդամներն իր խոնջ. վըրան խոյացաւ
 Մեծ զոռումով եւ ձեռուըները կապեց։
 Ծերն իր կարգին իր նենգ դաւերն յիշելով
 Հազար ձեւեր կ'առնէ, կըրակ կը դառնայ,
 Կ'ըլլայ զազան զարհուրելի, հոսուն գետ։
 Բայց երբ ամէն հնարքներն ելան ի դերեւ,
 Ան պարտըւած դարձաւ իր բուն վիճակին,
 Եւ վերջապէս մարդու բերնով խօսեցաւ.

«Ո՞վ դու յանդուգըն քան ամէն պարմանի,
 Ո՞վ քեզ հրաման տըւաւ որ գաս մօտենաս
 Մեր յարկերուն, եւ ի՞նչ կ'ուզես դուն ինէ»։

իսկ ան. «Գիտես, Պրոտեւս, դու ինքըդ գիտես
թէ չի կրնար երբեք խաբել ըզքեզ մարդ.

Բայց դադրէ դուն ալ զիս խաբել ուզելէ:
Դից հրամանով եկանք մենք հոս՝ խնդրելու
քենէ պատգամ՝ կործանումիս ի դարման»:

Այսչափ ըսաւ: Եւ կիւսն ահա շրջշրջեց
Ծաւի բիբով հրացայտ աչուին ուժգնութեամբ,
Եւ ակռաները կրճելով սաստկօրէն՝
Սկըսաւ պարզել ճակատագրին զաղտնիքներն.

«Աստուածութեան մը ցասման վրէժն է որ
կը հալածէ. ոճիր մը մեծ կը քաւես, [քեզ
կու զայ քեզ հէք Որփէոսէն այս պատիժն,
Եւ չէ անշուշտ ըստ ոճիրիդ արժանի.
Եւ եթէ տար ճակատագրին իրեն թոյլ,
Ան աւելի պիտի քեզի դէմ մոլէր,
Որ անոր կինն առեւանզել ուզեցիր.

Զի մանկամարդն կինն երբ քենէ կը փախչէր
Գետին քովէն տագնապափոյթ քայլերով,
Իր ոտքերուն առջեւ չտեսաւ խոտին մէջ
Անարի օձն որ պիտի զինքն ըսպաննէր,
Հոն ափունքին վըրայ մըտած դարանի:
Սակայն յաւերժ հարսներու պարն համատի
Իր ճիչերով լեցուց լեռներն երկնաբերձ.
Լացին սարերը Ռողոպեան և բարձունք
Պանզէական, Ռեսեան երկիրն արիսեան,
Որիթիա 'կտիական, ԳԵտք և Հեքրոս:
Ինք առնելով վին զոգաւոր՝ ըսփոփանք
Բազմատըխուր սիրոյ, քեզ՝ քաղցր ամուսին,
Քեզ ամայի ափին վըրայ, քեզ օրուան
Կ'երգէր ծագին, կ'երգէր օրուան քեզ մուտքին:

Յանդըգնեցաւ նոյն իսկ մըտնել Տենարեան
Կիրճերէն ներս, անդընդախոր մահուան դուռն,
Եւ կըտրելով անտառը մութ' ահաւոր,
Սանդարամետք իջաւ, գընաց գըտնելու
Սոսկալի պետն և այն սըրտերն անողոք
Որ բնաւ մարդոց աղերսներէն չեն կակղիր:

Բայց յուզուած ի՞ր երգէն ստուերները նըրբին
Եւ լուսատենչ ուրուականները գունդ գունդ
Կը վագէին դըժոխքին խոր կայքերէն,
Թըռչուններու զերդ երամսերն անհամար
Որ կը սաքրին անտառներու մէջ՝ գիշերն
Եւ կամ տարափն երբ կը փըրթի լեռներէն.
Մարդեր, կիներ, կենազրաւ վեհ դիւցազներ,
Զըկարգըւած աղջընակներ ու տըղաք,
Եւ աչքերուն դիմաց իրենց հօրն ու մօր
Խարոյկ հանուած պարմանիներ նորափթիթ.
Զորս կը պատէ շուրջանակի ահոելի
Կոկիտոսի սեւ տիղմն ու խարձը գըձուձ.
Եւ ժանտաժուտ լիճն իր դանդաղ ջուրերով
Անոնց չորս դին կը պաշարէ, եւ ըԱտիքս
Ինընպատիկ յարձանքներով կ'ընդգոգէ:

Աարսափեցաւ տարտարոսն իսկ խորանդունդ
Իր վիճերովն, եւ կապուտակ օձերով
Գիսախըռիւ կատաղիներն. եւ Կերբեր
Բերանաբաց սանձեց երեք որկորներն,
Եւ կանգ առաւ հովը՝ շարժիչն անիւին
Իքսիոնեան շըրջանակին: Եւ ահա
Պըրծած ամէն վըտանգէ՝ Ետ կը գառնար
Դէպ արփենի օդն եւ իրեն շընորհուած
Եւրիդիկէն կը հետեւէր քայլերուն.

(Պերսէփոնէն այս օրէնքն ինք էր դըրած)։

Երբ խօլութիւն մ'յանկարծ տիրեց անխոհեմ
Սիրականին, ո՞հ, ներելի արդարեւ
Դըժոխքն եթէ ներել զիտնար։ Կանգ առաւ
Եւ հոն լոյսին մօտիկ՝ օրէնքը մոռցած
Եւ կարօտէն յաղթահարուած՝ նայեցաւ
Իր ամուսնոյն. նոյն վայրկենին կորաւ գնաց
Պտուղն իր բոլոր աշխատութեան. խըզուեցաւ
Դաշինքն անգութ բըռնաւորին, եւ երիցս
Հընչեց բոմբիւն մը դըժոխքի լիճին մէջ։

«Ո՞վ կորսընցուց թէ քեզ, Որփեւս, եւ թէ
Զըւառականս, ըսաւ, աս ի՞նչ մեծ մոլուցք։ [զիս
Ճակատագիրն անգութ ահա զիս նորէն
Ետ կը կանչէ, եւ քունն ահա կը խըփէ
Իմ ծանրացած աչուխս. արդ դուն մնաս բարով,
Կը տարուիմ թանձըր զիշերով պարուրուած,
Տըկար ձեռուիս կարկառելով դէպ ի քեզ,
Աւաղ, չունիս Եւրիդիկէն դուն այլ եւս»։

Ըսաւ, եւ իսկ եւ իսկ կորաւ տարադէմ
Իր աչքերէն, նըրբին օդին մէջ ցընդող
Ծուխին նըման, եւ ալ զանի չըտեսաւ,
Որ զուր ստուերները կը գըրկէր, ուզելով
Ըսել շատ բան. եւ դըժոխքի նաւազարն
Աւ չըտըւաւ թոյլ որ անցնէր վերըստին
Առջին փըռուած ճախճախուտէն. ի՞նչ պէտք էր
Ընել, եւ ո՞ւր զիմել՝ կըրկին կապտըւած
Ամուսինէն. ի՞նչ արցունքով ողոքել
Սանդարամետքն, ի՞նչ խօսքերով՝ աստուածներն։
Եւրիդիկէն ցըրտասարսուռ արդէն իսկ
Ստիւգեան ուղխին մէջ կը լողար նաւակով։

Կ'ըսեն թէ եօթն ամիս ի գլուխ լացեր է
 Ան բարձրաբերձ քարաժայոի մը ներքեւ՝
 Ամայ անշէն ըԱտրիմոնի ափին մօտ,
 Եւ պատմելով այս աղէտները բոլոր
 Քարայրներու տակ ցըրտին՝ իր երգերով
 Քալեցուցեր է կաղնին, վագրը՝ թովեր:
 Սոխակն ինչպէս կաղամախի շուքին տակ
 Կ'ողբայ տըխուր կորուսուր իր ձագերուն,
 Զոր վայրենի արօրադիրը վերցուց
 Տարաւ բոյնէն՝ դեռ անփետուր ու մերկիկ,
 Իսկ ան կու լայ գիշերն ի բուն, եւ նըստած
 Ոստի մը վրայ կը կըրկնէ երգն ողբական,
 Եւ շուրջն ողորմ մըրմունջներով կը լեցնէ:
 Այլ եւըս ոչ մի սէր, ոչ մի հարսանիք
 Հաճեցին սիրտն Որփէոսի. մինաւոր
 Հիւսիսային սառոյցներուն, ձիւնեղէն
 Տանայիսի, եւ դաշտերուն մէջ որ միշտ
 Ոփակեան ցուրտով եղեմնապատ են բոլոր՝
 Կը թափառէր, արտասուելով հափափուած
 Եւրիդիկէն, եւ դժոխքի ձօնն անօգուտ:
 Կիկոնուհիք անարգուած այս յարգանքէն
 Սպանդարմետին ցայզապաշտօն խընջոյքին
 Եւ դից տօնին՝ գիշատեցին պատանեակն
 Ու նետեցին լայն դաշտերու մէջ ցիր ցան:
 Այն ատենն իսկ՝ երբոր Հեքրոսն իազրեան
 Իր ուղիսերուն մէջ թաւալգլոր կը վարէր
 Կառափը կուճ պարանոցէն փըրցըւած,
 Իր ձայնն ու ցուրտ լեզուն՝ հոգին փըչելուն՝
 Եւրիդիկէ կը կանչէր, ոհ, չուառական
 Եւրիդիկէ, և գանգիւնները գետին

Եւրիդիկէ կը կըրկնէին միաշունչ» :

Պրոտէոս այս ըսելով՝ մէկ ոստումով
ինքզինքը խոր ծովուն անդունդը նետեց,
Փըրփրեցաւ ջուրն ու պտուտկեցաւ յորձնեռանդ :

Բայց կիւրենէ չըթողլքեց իր որդին,
Եւ երկչոտին այս խըրախոյսը ուրւաւ.

«Որդեակ, վանէ՛ ալ մըտքէդ հոգ ու թախիծ,
Հիւանդութեան ամբողջ պատճառն այդ ահա.

Ասկէ բոլոր հարսներն յաւէժ որոնց հետ
Եւրիդիկէն պար կը բըռնէր սըրբանուէր
Անտառներում, մեղուներուդ ղըրկեցին

Եղելի մահ. որ զի զանոնք ողոքես
Մի՛ խնայեր ոչ ձօն, ոչ նըւէր, ոչ աղերս,

Պաշտէ ներող յաւերժհարսներն, և անոնք
Պիտի լըսեն աղաչանքիդ, եւ դադրին
Իրենց սաստիկ բարկութենէն ու քէնէն :

Բայց նախ ըսեմ թ' ինչպէս պիտի աղօթես :

Անդամայաղթ՝ գեղեցիկ չորս հատ ընտրէ
Զուարակներէդ որ կ'արածին Լիկէոս

Լերան կանանչ զագաթներուն արդ վըրայ,
Եւ զուգաթիւ անմուղ վիզով երինջներ :

Կանգնելով չորս սեղան յաւերժ հարսներուն
Մեհեաններուն քով բարձրաբերձ, հոսեցուր
Նըւիրական արիւնն անոնց կոկորդէն

Եւ մարմիններն անոնց նետէ թաւ անտառն :

Իններորդ այգն հազիւ ցուցնէ իր ծագումն,
Որփէոսի ձօնէ խաշխաշ մահաքուն

Զերդ մեռելոյթ, մորթէ երինջ մ' ողոքուած
Եւրիդիկեայ եւ սեւ մաքի մ', եւ ապա

Գընա եւ տուր այցելութիւն անտառին» :

Կը կատարէ մօրը պատուէրն անդանդաղ
 Արիստէոս . դէալ ի մեհեանը կ'երթայ
 Եւ կը կանգնէ նըւիրական բագիններն .
 Հոն կը տանի բարետեսիլ հաստանդամ
 Չորս զըւարակ եւ տըրմուղ նոյնքան երինջ :
 Հազիւ ցուցուց իններորդ այգն իր ծագումն ,
 Որփէոսի մեռելոյթներ ձօնելով
 կ'երթայ տալու այցելութիւն անտառին :
 Եւ հոն յանկարծ , ով սքանչելիք անպատում ,
 Կը նըշմարեն որ մեղուներ կը բըզզան
 Արջառներուն ընդերքներուն մէջ նեխած ,
 Եւ տըրորուած կողերէն դուրս կը խուժեն
 Եւ կը կազմեն ամբաւ ամպէր օդն ի վեր
 Եւ հուսկ կ'երթան ծառի մը ծայրը գընդիլ ,
 Ճօճան ճիւղէն ողկուզօրէն կախուելով :
 Կ'երգէի այսապէս արտը , հօտն ու ծառերն
 Երբ մեծ Կեսարն Եփրատի մօտ մարտերու
 Կը կայծակէր փայլատակներ , եւ յաղթող՝
 Կու տար օրէնք եւ իրաւունք իր ցուպին
 Խանդաղակաթ ժողովը ըրդոց , բանալով
 Իրեն ուղի դէալ Ուիմպոս դիւցային :
 Վիրգիլը զիս Պարթենոպէն անուշակ
 Կը գըրգէր այն ժամանակ , զիս՝ որ ծաղկած
 Անփառասէր պարապութեան կըրթանքով՝
 Ըզբօսնեցայ գեղգեղներով հովուական ,
 Եւ իմ յանդուզըն մանկութեամբս երգեցի
 Քեզ , Տիտիրէ , յարկին տակ լայն փիճիին :

ՌԱՆՈԹՈՒԹԻՒՆՔ

Եղ 3. Մեկենաս, Օգոստոս կայսեր առաջին իշխաններէն մին, խնամակալ ժամանակին ճարտարներուն, մանաւանդ Վիրզիլիոսի և Որատիոսի:

— Աղանդաբամեա՝ որթի և գինիի աստուած. Դեմետրէ՝ հունձքերու:

— Քաւոնեան. Քաւոնիոյ մէջ նշանաւոր էր Գոդովնեան կաղնաքեր անտառը, ինչպէս և գետերու ջրերուն մէջ Աքելովոսը՝ յԵտոլիա, որուն ափերուն վրայ կ'ըսուի թէ տնկած ըլլայ առաջին այգին Ետալացւոց ինչոսթագաւորը:

— Շահապետներ, պարիկներ, պայեր և յաւերժահարսներն անտառներու աստուածներ համարուած էին Հելլէններէն և Հոռմայեցիներէն՝ ինչպէս նա և մեր հիներէն:

— Պոսիդոն՝ աստուած ծովու և հնարիչ ձիու: Աթենաս դիցուհիին հետ երթ կը վիճէր՝ թէ ո՞վ իր անունով պիտի կոչէ Աթենացւոց նորակերտ քաղաքը, պատգամ կ'ելլէր տասներկու վեհագոյն աստուածներուն աւագամեծար ատեանէն, թէ ով որ օգտակարագոյն պարզեւ մը շնորհէ մարդոց՝ անոր անունով պիտի կոչուի քաղաքը: Այն ատեն Պոսիդոն երեքարձէնը գետին զարնելով՝ պատերազմիկ ձի մը հանեց դուրս. Աթենաս նիզակովը բուսցուց ձիթենին՝ խաղաղութեան առհաւատչեայն, և յաղթող հանդիսանալով՝ իր անունով կոչուեցաւ քաղաքը:

Եղ 4. Անտառաբնակը. Արխատէոսն է՝ որդի Աղոզոնի և Կիւրենէի, որ թերէն թողլով՝ եկաւ կէակղզին, և կը համարուի թէ հնարիչն ըլլայ մեղուներու.

եւ մեղրագործութեան եւ կալթ մակարդելու. ուս Չոր-
րորդ գրքին վերջին դրուագը:

— Պան՝ աստուածն էր անդէորդութեան եւ խայն-
արածութեան՝ Արկադիա զաւառէն՝ որ էր Տեղէա քա-
ղաքը:

— Լիկէոս եւ Մենալոս Արկադիոյ լեռներն են:

— Մաճին եւ արօրին հեղինակ համարուած էր Ոսի-
րիս եգիպտացի կամ Տրիպողոմէոս Ելեսինացի՝ Դե-
մետրէէն սորված ըլլալով երկրագործութիւնը:

— Շահարունի կամ Սիլուանոս անտառներու աս-
տուածն էր, որուն սիրելի եղաւ Կիոլարիս մանուկը որ
կը նշանակէ նոճ. որ երբ կը հալէր կը մաշէր իրմէ-
սխարմամբ սպանուած եղնիկին գութէն՝ աստուածը զայն
նոճի վոխեց, ու զայն անոր ձեռքը կը նկարէին նշան
իր սիրոյն կամ սքանչելիքին:

— Հոկտաւիանոս Օգոստոս Կայոր, թռո Յուլիոս
Կեսարու Յուլիա քրոջը:

— Մրտենիով մայրենի, եւն. մօրը կողմէն եւ Յու-
լիոս Կեսարու որդեղրութեամբը Ենէական սերունդէն
ըլլալով Հոկտաւիանոս, անոր նման նախամայր ունենալ
կը կարծուէր Աստղիկը՝ որ Ենէասի մայր էր. որով-
հետեւ մրտենին Աստղիկին ձօնուած էր:

— Թուլէ. կը կարծուի թէ իսլանտա կղզին ըլլայ,
կամ մին Շետլանդեան կղզիներէն. այսինքն Երկրի ա-
մենէն հեռաւոր կողմը:

— Տելթիս. Դուստր Ուրանոսի եւ Եստիայի. կամ
երկնքի և երկրի, քոյր Զրուանի կամ Կոռոնոսի, կին
Ովկիանի կամ ըստ այլոց Պոսիդոնի, մայր ծովային
յաւերժահարսներու:

— Նոր աստղ. Կոյսին եւ կարճին միջեւ եղած պա-
րապ միջոցը՝ որ լեցուած էր վերջինիս ճիրաններով.
այսպէս կարիճը 60 աստիճան տարածութիւն կը գրա-
ւէր, թէեւ ամէն կհնդակ 30 աստիճան գրաւէր. Վիր-
պիլ օրով կշիռ աստեղատունը՝ որ էր Կոյսին եւ կա-

րիմին միջեւ՝ շատ ծանօթ չէր. ատկէց է որ պարագ
կըտեսնէ մէջերնին. կ'երեւայ սեպտեմբեր ամսուն:

Եջ 5. Անարժան կը համարի Գմոխիքն իրեն, թէեւ
Յոյները Ելիսեան դաշտերուն վրայ՝ որ մօտ է սան-
դարամետքին՝ զմայլին, եւ Պերսեփոնէ դուստր Արա-
մազդի եւ Գեմեդրէի՝ յափշտակուելով սանդարապե-
տէն՝ չուղէ թողուլ ի սպառ գմոխիքն ու իր տիկնութիւնը
ու դառնալ մօրը կոչին. որ ելելով ի խնդիր իրեն՝ գտաւ
զինքը սանդարամետք, բայց նէ խնդրեց Արամազդէն
որ ամէն տարի վեց ամիս անդնդարնակ ըլլայ:

Եջ 6. Տմոլոս, դինեւէտ եւ քրքմաւէտ լեռ Փոխողիոյ
եւ Լիւդիոյ սահմանագլխին վրայ:

— Գեւկալիոն եւ իր կինը Պիրրա՝ միայն ազատե-
լով համաշխարհական ջրհեղեղէն ըստ առասպելաց,
պատգամ ընդունեցան մարդոց ազդի վերածնութեան
համար մեծ մօր ոսկորները նետել ետեւնին, եւ առին
ընտիր քարեր նետեցին. Գեւկալիոնէ նետուածները մար-
դու փոխուեցան, Պիրրայէն՝ կիներու:

— Արշապանը Վիրգիլի որով սեպտ. ի սկիզբը կ'ել-
լէր, իսկ հիմա հոկտեմբերի:

Եջ 8. Միւախա գաւառ փոքր Ասիոյ՝ Տրովադայի
մօտ. Գարգարք՝ իդա լերան մէկ կողմը եւ աւան Տրո-
վադայի. երկուքն ալ արգասաւոր վայրեր:

Եջ 9. Կոռունկը Ստրիմոնեան կը կոչուի որովհետեւ
շատ կը գանուի Մակեդոնիոյ Ստրիմոն գետին շուրջը:

— Հայր. Արամազդ:

Եջ 11. Ելեւսեան մօր. Գեմեարէի:

— Կելեան կազմած. Տրիպտղոմէսո որ առաջին ու-
ստ երկրագործութիւնը Գեմեարէէն՝ որդին էր Ելեւ-
սիս քաղաքին կելէսոս թագաւորին:

— Նքոյրը կամ խարբալը կ'երեւար Ապանդարա-
մետին հանդէսներուն. որովհետեւ իսիս անոր կեղեք-
ուած անդամները ժողվեց մազի մէջ, եւ շինականները
մազով կը նուիրէին անոր պտուղներու երախայրիքը:

Եջ 13. Արիւղեան ծոցը՝ ծովի ու նեղուցն է Հելեստոնոսի, որուն ասիակողմը կար Արիւղոս ամրոցը, և եւրոպակողմը Սեստոս,

— Յուլը Լուսապայծառ կը կոչուի ոսկի եղջիւրներովը, որովհետեւ եղջիւրներուն ծայրն ու ճակտին վրայ՝ կան ճաճանչագեղ աստղեր։ Խոկ տարին բանալը այն է՝ որ գարնան սկիզբը ապրիլ ամսուն մէջ ըլլալով՝ մօս է տարեգլխուն, որ գարնան խոյէն կը սկսէր, եւ մինչեւ հիմա աստղաբաշխական տարին անկէ կը սկսի։ — Երբ Յուլը երկնքի հասարակածը անցնի՝ Շնիկ աստղը անորդէմը գտնուելով՝ դէմ ընդդէմ երեսով, ինչպէս կը նկարուի գունտերուն վրայ՝ կը խոնարհի ու կը մտնէ, իբրեւ թէ Յուլին եղջիւրներուն սպառնալիքէն յետս յետս փախչելով։

Եջ 14. Ասլանդուհիք. Բոյլքը կամ Բազմաստեղքը, որոնք Ասլասի կամ Ասլանդի եօթը դուստրերը կը համարուէին, սիրուելով աստուածներէն՝ աստղերու փոխուեցան։ Խոկ Գնոսեան պսակը՝ արիադնեան պսակնէ, զոր Աստղիկ պարզեւեր էր կրետէի Մինովս թագաւորին Արիադնէ աղջկանը. կրետէի մէջ էր Գնոսոսքաղաքը։ Այն պսակը՝ կամ ըստ այլոց՝ ինքն խոկ Արիադնէն պսակով միասին Ապանդարամետ աստղերուն դասը հանեց։

— Ոելուսեան ոսպ՝ Եզիստոսի Ոելուսիոն աւանէն՝ որ առատ է։ Այս արմտիքը կ'ըսէ կրնաս սերմանել Եզողին կամ Արջապանին արեւուն հետ սուզուելէն սկսեալ որ է Նոյեմբերի մէջ՝ մինչեւ խոր ձմեռ։

— Երկոտասան արփիները՝ երկոտասան Աստեղատուններն են։

Եջ 15. Սկիւթիա եւ Սարմատիոյ Ոիսկեան լեռները՝ ցցուած դէպ ի սկիւթական ծովը՝ հիւսիս կը նշանակին, միքական կողմը՝ հարաւ։ Ինչպէս հիւսիսային բեւեռը քարձր է մեզի, նոյնպէս հարաւայինը սուզուած աներեւակ։ — Հոս՝ հիւսիսային կողմը՝ վիշապին հետ կան

երկու արջերը, մեծն ու փոքրը, որոնք երբեք չեն մտներ մեղի. եւ մտնելը շատ տեղ ըստ քերթողաց ծով կամ ովկիան մխրճուիլ կ'ըսուի: Եւ ասոնք երկուքը իրր թէ ջուրին դպած եւ սոսկացած անկէ, կը դառնան ետ. նոյնը կ'ըսէ եւ Հոմերոս իլիականին մէջ մեծ արջին համար որուն Սայլ աւ կ'ըսէն. իւ. ՓԸ. 668-9 մեր թարգմանութեան մէջ,

..... եւ ինք միայն է
Ովկիանու լոգանքներուն անհաղորդ:

Եջ 16. Ամիրեան կ'ըսէ ոզորակազները՝ Ումբրիոյ Ամերիա քաղաքին անունէն, որ հեռու չէ Տիբերիս գետէն եւ հոն ուսիներն առատ են:

— Հինգերորդը զգուշալի կը դնէ, զի այն օրը ծնան դժոխիքի անդնդեհալետը կամ սանդարապետը, երեք ժանտ կատաղիները՝ Եւմենեաները՝ սկզբնամայրեր Ականքներու եւ դահիճներ դից վրէժներուն, մթածին դուստրեր Գիշերին եւ դժոխիքի Ախերոն գետին, օձախոխւ մազերով եւ ջահ ձեռքերնին: Այն օրը ծնան նոյնպէս խոլ հսկաները՝ որդիներն Երկրի ու Տիտանի, որոնց զլիաւորներէն ոմանք կը յիշէ յականէ յանուանէ: Որոնք պատերազմի ճակատ կազմելով դից դէմ թեսալիոյ Փլեզրա դաշտին մէջ՝ ճզնեցան իրարու վրայ հեծցընել Պելիոն, Ոսսա եւ Ոլիմպոս լեռները, որպէս զի անոնց վրայէն երկինք ելլեն եւ աստուածները տապալեն իրենց աթոռներէն. բայց Արամազդ՝ հայրը մարդոց եւ աստուածներուն՝ շանթահար տապալեց անոնց գործը եւ յոյժը:

Եջ 18. Ապանիոյ մօտ՝ Բալէարեան կղզիներու բնակիչները անուանի պարսաւորներ էին, եւ պարսով ոչ միայն քարեր, այլ եւ կապարեայ գնդակներ կ'արձակէին, որոնք ըստ վկայութեան Ովկիոնիոյ՝ սրաթոիչ գնացքէն տաքնալով՝ կրակ կը կարէին:

Եջ 19. Աթոս՝ լեռ Արկեդոնիոյ. Ոտղոպէ՝ լեռ Թրակիոյ. իսկ Շանթային՝ Եպիրոսի լեռներն են:

Էջ 20. Սատուսնեան աստղը՝ Երեւակն է:

Էջ 22. Ասիական՝ առնուած է Լիւդիոյ Ասիա անուն լիճէն Կայխստրոսի մօտ՝ որ գետ է Փոխվիոյ եւ Լիւդիոյ՝ ոչ հեռու Տմոլոս լեռնէն:

— Թետիսի սիրելի կ'ըսուին խոթերը կամ ձենկուները, որոն յունարէնն է ալկիոն, որովհետեւ երբ թուխս նստին՝ ծովերը խոր խաղաղութեամբ կը հանդարտին, իբր թէ զթալով անոնց ծնունդներուն. որմէ առակի կարգ էր անցած անհողմ օրերուն ըսել՝ ալկիոնեան օրեր:

Էջ 23. Բազէն՝ ըստ առասպելին՝ Մեգարացւոց Նիսոս թաղաւորն էր, իսկ Արտոյտ՝ իր Սկիւլա գուստը, որ կտրելով իր հօրը գլխուն ծիրաներփեան հրաշալի մաղը՝ որմէ կը կախուէր անոր բոլոր քախուը, մատնեց զանի անոր թշնամւոյն. Մինովսի՝ իր տարփածուին, եւ երկուքն ալ թոչուններու փոխուեցան: Այն ատենէն ի վեր՝ հայրը իր վրէժն առնելու համար իր գուստըն՝ կը հալածէ զանի: Սամփսոնի եւ Դալբլայի վէպը կը տեսնեն ոմանք սոյն առասպելին մէջ:

— Զեւս. Արամաղդ կամ Դիսոս:

Էջ 24. Գլաւկոս՝ ծովային դիք. Պանովէ՝ յաւերժահարս, Մելիկերտոս՝ որդի ինովսի:

Էջ 25. Աշալուշը կամ Առաւոտը՝ ըստ առասպելին՝ գուստը էր Տիտանի եւ Երկրի, եւ կին Տիթոնի՝ որդւոյն Տրովացւոց Լաւոմեդոն թագաւորին:

— Ինչպէս յայտնի է՝ Յուլիոս Կեսարն սպաննեցին խորհրդոց տաճարին մէջ, եւ ամբողջ այն տարին արեգակը աղօտատեսիլ երեւցաւ ինչպէս կը վկայեն Պլինիոս եւ Պլուտարքոս: Այդ տարին Ետնէն եւս քանի՛ անգամներ բորբոքած եւ հուր շնչած է, եւ ատկէ էր անշուշտ արեւուն միզատարր ճայրուառութիւնը:

— Երիդանոս որ եւ Պաղոս, դետ իտալիոյ, որուն Բոյ կ'ըսեն հիմա:

Էջ 27. Կ'ակնարկէ Բրուտոսիանց առանին պատե-

բաղմին. զոյդ ճակատներ՝ կ'ըսէ տեսան Փիլիպպէք՝ երկուքն ալ հռոմայեցի։ Այս կտորը շատ շփոթեցուցած է մեկնիչները։ Տեմիլի կարծիքը՝ որ շատ էջեր գրած է բացատրելու համար այս միջին տեղը՝ է, որ ա. երկու Փիլիպպէներ կային՝ որոնց մօտ երկու պատերազմներ մղուած են. բ. որ այս երկու քաղաքները Մակեդոնիոյ մէջ էին, որ Եմաթիա ալ կը կոչուէր. և, գ. որ այս երկու քաղաքները Հեմոս լերան ստրուն էին։

— Հռոմուլոս՝ նահապետ հռոմայեցւոց։ Վեստա՝ կրկին էր. մին մայր կռոնոսի կամ Զրուանի՝ որ եւ կիւրելէ. եւ կը նշանակէր երկիր. իսկ միւսը՝ գուստը կռոնոսի կամ Զրուանի, եւ այն էր հուրը, զոր Հռոմեները մեծ խնամքով կը պաշտէին։

— Պատանեակն. Հոկտաւիանոս, որ 27 տարու էր երբ ինքնակալութիւնն ստանձնեց Յուլիոս Կեսարու սպանումէն վերջ։

— Տրովացւոց Լաւոմեդոն թագաւորը՝ հայր Պրիամու, մերժեց Պոսիդոնին եւ Ապողոնին՝ որ Տրովադայի պարիսպները շինած էին՝ սակարկուած վարձքը։ Այս է խարդաւանք ըսածը։

Էջ 28. Կ'ակնարկէ Ակտիական պատերազմի պատրաստութիւններուն, ուր Անտոնիոս իր ուժերը կը քաշէր պետութեան արեւելեան մասէն՝ Եփրատէն, իսկ Օգոստոս՝ հիւսիսային մասէն՝ Գերմանիայէն։

Էջ 31. Հնծանեան հայր. Ապանդարամետ, որ էր Աստուած որթի եւ դինոյ։

Էջ 33. Խամար. այգեւէտ լեռ Թրակիոյ ծովեզերքը։ Տարունոն՝ լեռ Կամպանիոյ՝ ձիթենիներով նշանաւոր։

Էջ 34. Պափեան կամ Պափոսեան մուրտը նուիրուած Աստղիկին։ Քաւոնեան հայր՝ Արամազդ։

Էջ 35. Ալկինոյեան. Ալկինոս թագաւոր էր Փէակեցւոց, որ պաղաքէր ծառեր ունէր. տես Հոմերոսի Ողիսականին Էրզը, մեր թարգմանութեան մէջ (զեռ

ընդ մամլով) էջ 191. Ասորի տանձերը [թխատիոլ էին, կրոստոմեան՝ Տուկիոյ կրոստոմ աւանէն՝ եւ կարմիր էին։

— Լեսքոս՝ կղզի եղեական ծովուն, ուր կար Մեթիմսա կամ Մեթիմսէ քաղաքը։ — Թասոս նոյնպէս կղզի եղեական ծովուն, շատ նշանաւոր այդիներով եւ գինիներով։ — Մարեսվտեան՝ կ'իմանան շատերը Եղիպտոսի Մարեսվտիս ծովակի մերձակայ տեղերէն մին՝ մօտ Ալեքսանդրիոյ։

— Փսիթեան որթ անունը անյայտ է, բայց շահաւէտ կը դատուի չամչեղէն գինիի, այսինքն այգիին մէջ արեւէն չորցած չամչացած խաղողէն ելած գինիին։ Իսկ Լագունը՝ նապաստակի գոյնէն առած է անունը, բարկ եւ ազդու։ — Ուետեան՝ Խտալիոյ Ուետիա գաւառէն, Ուետեան եւ Տրիտենտեան Ալպեանց սահմաններուն վրայ, որ թէեւ շատ յարգի էր, բայց չէր կրնար հաւասարիլ Փալեոնեան գինիին՝ որ կ'ելլէր կամպանիոյ Փալեոնոս լեռնէն։

Էջ 36. Ամինեցի որթերը Թեսալիոյ ժողովուրդներէն տարուած են Խտալիա հին ատեն։ — Տմոլոս եւ Փանէոս լեռներ են կամ հրուանդան Գիոս կղզւոյ։ Լեռները դրուած են այդիներու եւ գինիներու տեղ։ — Արդէնի՝ Արդոս քաղաքէն Պելոպոնէսի։ — Հոողացի գինին կը գործածէին գից նուերներ հեղլու։ — Գելոն, փոխանակ ըսելու թէ երկրի վերջին ծայրը. սկիւթացւոց եւ Մարմատացւոց սահմանակից՝ կը բնակէին Բուրիսթեն գետին միւս կողմը, եւ մարմիննին կը նկարէին։

Էջ 37. Աերք. կը կարծուէր հին ատեն որ Աերք՝ ժողովուրդ հնդկաստանցի մերձաւոր Զինացիներու՝ ծառերէն կը ժողվէին շերաս կամ շերամ զեռունէն շինուած կերպասը. իր անունն ալ մեր մէջ այն ազդին անունէն կը թուի։

— Բակտրիացիք սահմանակից էին Պարթեւաց եւ Հնդկաց։ — Պանքայիա է Արարիա կամ Արա գաւառը երջանիկն Արարիոյ։

Էջ 38. Ամասիկոս լեռ կամպանիոյ՝ այգեւէտ եւ գինեւէտ. — Կլիտումնէ դետ իտալիոյ Ումբրիա գաւառում: — Օտարական ամիս այսինքն ձմեռնային ամիսներ. — Լարիոս՝ լիճ Միլանու վիճակին մէջ՝ Աւոլեանց ստորոտը: Բենակ՝ Վերոնայի սահմանին մէջ:

Էջ 39. Լուկրին ըսուած զոգը կամպանիոյ՝ որ Պուտէոլիան մեծ ծոցին մէջ կը գտնուէր, վաղուց նաւերու դադար էր Բայեան անունով, եւ մեծ ամբարտակով պաշտպանուած Տիւրենական ծովուն դէմ: Անոր մօտ կար Աւեռնեան լիճը՝ որ նուրբ առուով մը կը բացուէր դէպի այն նաւահանգիստը: Հոկտաւիանոս կայսեր օրով ամբարտակը խարխարելով՝ կայսրը նորոգեց եւ ամբացուց զայն, եւ Աւեռնեան լիճը խորցնելով եւ բերանը լայնցնելով՝ խառնեց միացուց Լուկրինի հետ, եւ նոր նաւահանգիստ մը շինեց որ Յուլիան կոչուեցաւ:

— Ամրսիկ, եւն, զօրաւոր ազգեր էին:

— Կոռնեան կամ Սատունեան երկիրն իտալիա է, ուր կոռնոսը՝ որ եւ Զրուանն եւ Սատունոս երկնքեն փախչելով եկաւ հոն ապաւինեցաւ, եւ իր օրով դարձ ուկեղեն կոչուեցաւ:

— Ասկրեան՝ բանաստեղծական. Ասկրա գիւղ Բիովտիոյ՝ Հելիկոնի մօտ:

Էջ 40. Հոկտաւիանոս կայսրը Մանտուայի դաշտերը հինաւուրց զօրքերուն բաշխեց. Վիրդիլիոսն ալ որ գեռ ձանչցուած չէր Հոռմ՝ կողոպոււեցաւ ինքն ալ իր հայրենի կալուածիկեն. բայց վերջը Մեկենասի բարեխօսելով՝ կայսրը անոր դարձուց:

Էջ 42. Ակերրայք. քաղաք կամպանիոյ՝ Նէապոլիսի մօտ, որուն քովէն կ'անցնէր կլանիոս գետը: Շատ արգաւանգ էր երկիրն՝ ուրկէ կ'անցնէր գետը, բայց իր ստէպ ողողութերովը տաղտկացուց ժողովուրդը եւ փախցուց եւ քաղաքն ամայացաւ:

Էջ 49. Երրորդ տողին քաշէ բառը ուղղէ քաղէ:

— Թիսեանք. Աթենացիք, Թիսէոս թագաւորէն այդպէս կոչուած:

Եջ 50. Աւանեան. իտալական:

Եջ 51. Զրուանեան ատամբը՝ յօտոցը կամ մանգաղն է:

Եջ 52 կիւտորոն լեռ եւ քաղաք է Գաղատիոյ:

— Նարիկոն քաղաք Յունաց եւ իտալիոյ:

Եջ 54. Եփիւրացի պղինձ. կորնթեան պղինձ:

— Ասորի դեղը ներկն է ծիրանիի, որ կ'ըսուի թէ գիւտն էր Փիւնիկէի եւ Ասորւոց Տիւրոս քաղաքին:

— Կասիա դարիսենին է (տարչին), որուն կեղեւները մանր աղալով ազնուականները օժանելի անոյշ իւղերու հետ կը խառնէին:

Եջ 55. Սպերքիոս գետ է Թիւսալիոյ որ կ'իջնէ Պինդոս լեռնէն: — Տայիգետ կամ Տայզետ՝ զօտի լեռներու Արկադիայէն դէպ ի Լակոնիա ձգուած:

— Դակեանք՝ ազգ մը կարպաթեան լեռներուն եւ իսորոս (Դանուք) գետին միջեւ:

Եջ. 56. Սիկիոնեան. Սիկիոն քաղաք էր Աքայիոյ, որու ձեթը նշանաւոր էր:

Եջ 61. Պալէս աստուածունի հովիններու եւ արօտներու. Ամփրիս՝ գետ Թիւսալիոյ, եւ իր հոյանուն հովիւը՝ Ապողոն. — Լիկէոս՝ լեռ Արկադիոյ:

— Եւրիսթէոս թագաւոր Միկէնքի, որ գործակցելով Հերայի ատելութեանը՝ շատ մեծ եւ վտանգաւոր նահատակութիւններու մղեց Հերակլէուը:

— Բուսիրիս բռնաւոր էր Եգիպոտսի:

— Հիլաս մանուկ կամ պատանեակ գեղիցիկ՝ սիրելի Հերակլի եւ անոր ուղեկից արգոնաւորդներուն:

— Դելոս մին եղէական ծովուն կղզիններէն՝ որ առաջ կ'երերար ու կը տատանէր ջուրերուն երեսը. մինչեւ որ Լետով աստուածունին տեղ մը չգտնելով իրեն՝ հոն ծնաւ Ապողոնը, եւ փոխարէն այս հիւրամեծարութեան եւ մարդասիրութեան՝ կղզին հաստատուեցաւ անշարժ իր տեղը:

— Հիոլոդամէ դուստր էր Ելիսացւոց եւ Պիսացւոց ինոմայոս թագաւորին, որ պատգամ ընդունելով

թէ ով որ իրեն փեսայանայ՝ զինքը պիտի ո պաննէ,
ովայման գրաւ իր աղջկան տարփաւորներուն՝ որ ով որ
կառարշաւի մէջ իրեն յաղթէ՝ ան պիտի ըլլայ իրեն
փեսայ, որովհետեւ մէծ վստահութիւն ունէր իր ձիերուն
երազութեան վրայ. Շատերն յաղթուելէ եւ սպանուելէ
վերջ՝ ելաւ Պելոփսը եւ կաշառելով ինոմայոսի Միրտիւ
կառավարը՝ կառքը խորտակել տուաւ եւ ինոմայոսը
վար ձգել, ուրիշ մեռաւ ալ. եւ այսպէս յաղթանակը
տանելով առաւ Հիպակոդամէ մրցանակը, եւ Միրտիւը
իրր վարձ իր նենզութեանը էզեան ծովը նետել տուաւ,
որմէ այն ծովուն մէկ մասը Միրտովական կոչուեցաւ:

— Պելոփս որդի էր Տանտաղոսի, որ երբեմն հիւր-
ընկալելով աստուածները, փորձելու համար անոնց աստ-
ուածութիւնը՝ իր Պելոփս որդին մօրթեց, խորովեց եւ
առջեւնին գրաւ. որմէ միայն Դեմետրէն անդիտութեամբ
ուսը կերաւ. իսկ Արամազդ՝ միւս աստուածներուն
հետ իմանալով եղելութիւնը՝ կենդանացուց Պելոփսը,
եւ կերուած ուսին տեղ փղոսկրէ ուս չինեց, եւ Տան-
տաղոս դատապարտեց զժոխքը, որպէս զի կերակուրի
եւ ջրերու լիութեան մէջ սովալլուկ եւ ծարաւահիւծ տոշ,
կըսի եւ տուայտի:

— Աւոնեան. Բիովտիոյ Հելիոն լեռնէն՝ որ առաջ
Աւոնիա կը կոչուէր:

— Մանտուա քաղաք Խոտալիոյ՝ Մինկիսս գետին քով,
ծննդավայր Վիրզիլիոսի, որուն ինք առաջին վառք ըն-
ծայէ պիտի, բերելով իդումեան արմաւենի, որովհետեւ
իրմէ առաջ Մանտուացի քերթող եղած չէ: — Իդումէ
կամ Եդովմէ գաւառ է Ասորւոց, Եսաւի Եդովմ որդիէն
անուանակոչուած, որուն արմաւենիները ազնիւ են:

Էջ 62. Զորս խաղ ունէին Հելլենները. Ուխմպիական:
Պիւթեան, իսթմեան եւ Նեմէական: Ալֆէոս գետով՝
որ մօտ էր Ուխմպիա քաղաքին՝ կ'ակնարկէ Ուխմպիա-
կան մրցանքներուն, եւ Մոլորքի անտառներով՝ Նեմէ-
ականներուն:

— Բրիտանացի գերիներ որ թատրոնին վարագոյր ները կը քաշէին:

— Գարգարեանց. Հնդկաց:

— Կոմիրինոս կը կոչուէր Արէս պատերազմի աստուածը եւ Հոռմուլոս մեծ նահապետը:

— Նիլոս կամ Նիլ՝ Նեղոս գետն է Եղիպտացւոց. կ'ակնարկէ Հոկտաւիանոսի՝ Անտոնիոսի եւ Կղէոպատրայի վրայ տարած յաղթութեան: — Երբ Օգոստոս տիրեց Եղիպտոսի՝ գերուած նաւերուն ցոռվներուն պըղինձներէն չորս սիւն ձուլել տուաւ եւ տաճարին մէջ կանգնեց զանոնք: — Նպատով կը հասկնայ Հայոց կրած պարտութիւնը:

Էջ 63. Ասսարակեան. այն ազնիւ կուձէն կ'ըսէ կանգնել տաճարին մէջ կենդանատիպ արձաններ, որ ցուցնեն Ասսարակեան այսինքն Ենէական զաւակը, եւ անով ալ Յուլեանը: Զի Ենէաս տրովացիին նախահաւ էր Ասսարակոս, եւ ասոր պապուն պասին էր Արամազդ, եւ հայր՝ Տրովո. ամէնքն ալ նախահայր Յուլեան տոհմին որ Ենէական ծնունդներէն էին համարուած: Անոնցմէկ'ինէր Հոկտաւիանոս Օգոստոս մօրը կողմանէ՝ Յուլիսս կեսարու Յուլիս քրոջ Ատտիա աղջիկէն:

— Կիւնթեան կ'ըսուի Ապոլոն, զի ծնած է Դելոս կղղին՝ ուր է Կիւնթոս լեռը:

— Կոկիտոս կամ Կոկիւտոս գժոխքի գետը. Ոիշապօձերը որոնցմով Իքսիոն կապուած է մեծ անիւին եւ անոր հետ հոլովուելով կը տանջուի իր նենզաւորութեան եւ պղծագործութեանց համար, եւ ապառած վէմը որով մարդադաւ հուղկահար աւազակը Ախիմփոս կը տառապի գժոխքին մէջ՝ պարտադրուած հանել զայն լերան գլուխը, բայց ան միշտ վար կը դորի:

Էջ 63. Կիթերոն լեռ Բիովտիոյ՝ նշանաւոր արջառներով: — Տայղետ լեռ Լակոնիոյ՝ անուանի որսերով եւ բարակներով: — Եպիդաւրոս քաղաք Պելոպոնէսի՝ Արդովս ձիաւէտ զաւառին մէջ, — Տիթոն՝ արտսսեակ:

Եջ 65. Կաստոր եւ Պոլիդեւկիս համամայր եղբայրներ էին՝ ձիավարժ, որ Աթլարիս անուն գեղեցիկ ձի մ'ունէին: — Աքիլլէսի կառքին ու ձիերուն մասին տեսիւ. Փ9. Եջ 526 (ժեր թարգմանութեան մէջ):

— Այսուզէս ձի եղաւ եւ ինք Զրուանը՝ որ երբ Ովկիանու Քիլիրա աղջկան հետ բաներ մը ընելու վրայ էր եւ ահա վրայ պիտի բռնուէր իր Սիէտ կնոջմէն, ձիի փոխուեցաւ եւ Թեսալիոյ Պելիոն լեռը փախաւ:

Եջ 66. Երիբթոն Փոխուացի էր, որդի Դարդանայ եւ ինք էր որ նախ առաջին հնարեց երկծի կառքը. Եւ ուրիշ Երիբթոն մը՝ թագաւոր Աթենացւոց՝ քառաձի կառքը: — Պելեթրոն անտառ կամ քաղաք էր Թեսալիոյ Պելիոն լերան վրայ, Լազիթեաները Թեսաւացի ժողովուրդներ էին:

Եջ 68. Շուրջն իլարի պուրակներուն՝ ուղղէ՛ Շուրջ Սիլարի պուրակներուն. — Սիլարոս դեռ է Կամովանիոյ յիտալիա, ուր կը մտնէ Տանագրոս վտակը կամ հեղեղաբ, իջնելով Ալբուանոս լեռնէն:

— Ինաքեան երինջը Յովի է՝ դուստր Արգոսացւոց ինարոս թագաւորին, զոր Արամազդ իր նէրա հետ ունեցած տոփանքները ծածկելու համար իր Հերա կնոջմէն՝ զայն կովի փոխեց. բայց Հերա իմանալով՝ բոռի ձեռքով կատղեցուց զայն եւ փախցուց մինչեւ Եզիւտոս, ուր փոխուեցաւ եզիզտական իսիս աստուածունոյն:

Եջ 69. Ինչպէս հին ատեն չէին լեցներ, այլ կը լը լը լը դուին որ ձագերն ուտեն:

— Պիսա նահանգ էր Պելոսլոնէսի, ուր կար Ուիսլիա քաղաքն ու Ալփէսոս գետը, եւ մեհեան ու անտառ Արամազդի, որոնց մօտ կը կատարէին Ուիսլիական խաղերը:

Եջ 70. Ելեան դաշտ, ասովարէզ ոլիմովիական ձիընթագըներու:

Եջ 71. Ասովիկ որ եւ Ավրոգիտէ, աստուածունի

սիրոյ, տոփանքներու, խառնից եւ հեշտութեանց. շատ
անդամ ասոնց տեղ կը դրուի:

— Աելա լեռ Ապեննինեան լեռներուն մէջ:

Եջ 73. Սարելացւոց՝ Սարինացւոց:

— Կ'ակնարկէ Լէանդրոս երիտասարդին, որ եր-
թալ զտնելու համար իր Հերով սիրուհին, զիշեր առեն
լողալով կ'անցնէր Հելլեսպոնտոսի նեղուցը ասիակողման
Արիւդոսի եւ եւրոպակողման Ահատոսի միջեւ. Հուսկ
խեղդուելով՝ Հերով ինքզինք ծով նետեց:

Եջ 74. Գլաւկոս որ Բիովտիոյ Պոտնիա գիւղէն էր՝
իր մատակ ձիերը արգիլեց զուգաւորելու. եւ Աստղիկ
բարեկանալով՝ կատղեցուց զանոնք, եւ իրենց տէրը գէ-
շագէշ ցրցտեցին:

— Գարզար. մին Տրովայի Խոտ լերան զագաթներէն:
— Ասկան կամ Ասկանիոս զետ Բիւթանիոյ. քերթո-
ղաբար ըստւած որեւէ լերան կամ զետի տեղ:

— Մատակ ձիերուն զեփիւտէ յղանալը կարծիք էր
հիներուն:

Եջ 75. Կաստակ կամ Կաստալիա եւ Կաստալեան
աղբիւր՝ Պառնասոս լերան ստորոտը՝ նուիրուած Ապո-
ղոնի եւ Առւսաներուն:

Եջ 76. Մելիտեան. Մելիտոս քաղաք էր Յոնիոյ եւ
Կարիոյ սահմանագլխին վրայ, որ առատ ազնիւ բուրդ
կը բերէ. Կինիփեան՝ Լիրիական կամ Ամբրիկեան. զի
Կինիփս կամ Կինիփոս զետ է Լիրիոյ, ուր զիսաւոր
են քաղերը:

Եջ 77. Միովտական ալիք. Միովտիս ծովակը Աեւ
ծովուն հիւսիսակողմը:

Եջ 78. Ոտղոսկէ լեռ Թրակիոյ:

Եջ 80. Պան աստուածը Խոյի փոխուելով ըստ ա-
ռասպելին, ձիւնափայլ ըուրդին սպիտակութեամբը հը-
րասպուրեց իրեն քաշեց Լուսինը անտառներուն խօրը:

— Մոլոս՝ Եպիրոսի մէկ զաւառը:

Եջ 84. Կորիկեան բարձունքները մասն են Բաւարիոյ

եւ Ակտորիոյ. Տիմաւոս գետ Վենետաց, զոր յարիսաւկան կը կոչէ, դրացի ըլլալուն համար Յարիսեանց, որ են իստրիացիք:

Եջ 87. Փիրոն ճարտար բժիշկ՝ որդի կոռոսի եւ Փիլիրա յաւերժարսին, որ վարժապետ եղաւ Աքեսի Մելամպոս որդի Ամիթօնի եւ Դորիալուէի. Տիսիփոնէմին դժոխքի կատաղիներէն:

Եջ 91. Պրոկնէ՝ ծիծառն է, որ ըստ առասպելին եր դուստրը Աթենացւոց Պանդիոն թագաւորին եւ կին եր թրակիոյ Տերէոս թագաւորին, որմէ ունեցաւ մանչ մը իտիս անուն, զոր էրկանը դէմ բարկանալով եւ իր Փիլոմելա քրոջ հետ միաբանելով սպաննեց եւ հօրը կերցուց: Տերէոս եղելութիւնն իմանալով՝ երբ սուրը քաշած իր որդւոյն վրէժը առնել կ'ուզէր, ինքը փոխուեցաւ յոպոպի, իտիս՝ փասիանի, Փիլոմելա՝ սոխակի եւ Պրոկնէ ծիծառի. որ զղջալով իր անմեղ որդւոյն աարապարտ խոշոշումին վրայ՝ արիւնոտ ձեռքերով ծեծեց կուրծքը եւ լանջքը ներկեց. կամ թէ որդին սպաննած պահուն անոր արիւնը ցայտեց իր վրայ. այսպէս այլաբանելով թռչունին կուրծքի նիշերն ու խայտուցները:

Եջ 92. Հիմա յայտնի է ամէնուն որ մեղուները թագաւոր չունին՝ այլ թագուհի, որուն պարամայր ալ կ'ըսենք մենք:

Եջ 96. Պրիասլոս որդի Աստղիկին եւ Սպանդարամետին, ծնած փոքր Միւսիոյ Լամփսակ քաղաքին մէջ Հելեսպոնտոսի մօտ. պարտէզներու պահապան աստուած համարուած էր, որոնց մէջ կը կանգնէին իբր խրտուիլ իր անոլարկեցտ եւ այլանդակ պատկերը, ձեռքը զերանդի՝ իբր թէ զողերն ու թռչունները վանելու:

— Պեստոն կամ Պոսիդոնիա՝ Լուկանիոյ կալաբրացւոց քաղաք էր, համբաւաւոր վարդենիներով, որոնք երկիցս կը ծաղկէին՝ մայիսին եւ սեպտեմբերին:

Եջ 97. Իբալիա Տարենտոն քաղաքն է իտալացւոց՝ կառուցուած Լակեդեմոնի իբալոս թագաւորէն. Գա-

լեռոս գետ է կալարրիոյ՝ որ Տարենտեան ծոցը կը հոսի:

Եջ 98. Կուրենտեան կամ Կուրեան քուրմերուն ծնծղաներուն ձայնէն հրաւիրուած՝ մեղուները կիւրելէի Արամազդ մանուկը սնուցին Դիկտէ լերան անձաւին մէջ և ազատեցին զինքը իր հօր Զրուանի որդեկեր ժանիքներէն:

Եջ 101. Հիւդիա զաւառ Ասիոյ, մեծափարթամ կը բեսոսի օրով: — Հիւդասոլ գետ է Հնդկաց:

Եջ 102. Մեղր քաղելու ժամանակները կրկին են. մին մայիսի սկիզբը, միւսը՝ զրեթէ նոյեմբերի սկիզբը:

— Սարդը՝ ըստ առասպելին՝ էր Արաքնէ, դուստր իդմոնի, Մէռնացի կամ Լիւդացի, որ խրոխտալով թէ սստայնանկութեան մէջ ճարտար է քան Աթենասը, դիցունին բարկացաւ, և պատոեց անոր սստայններն ու գործիքները խորտակելով ցրուեց: Արաքնէ բարկանալով ինքզինքը կախեց, և կախաղանին վրայ սարդի փոխուեցաւ նոյն ինքն Աթենասէն:

Եջ 104. Մելա գետ է Խտալիոյ՝ Պրիքսիա քաղքին մօտ:

Եջ 104. Արկադեան հովիւ է Արիստէոս կամ Արիստես, որդի Ազողոնի և կիւրենէ յաւերժարոսին՝ որ էր դուստր Պիհնէոս զետին:

— Պիլա քաղաք էր Մակեդոնիոյ. Կանոպոս կամ Կանոս քաղաք Եզիզտացւոց՝ մօտ Աղեքսանդրիոյ: Ուրովհետեւ Մակեդոնացիք տիրեցին Եզիզտացւոց երկրին՝ անոնց անունովը մակեդոնական կը կոչէ զայն, և յատկարար Պիլեան, զի մեծն Աղեքսանդր այն քաղաքին մէջ էր ծնած, և Աղեքսանդրիան ինք չինեց:

Եջ 106. Առյն էջին սկիզբը երկրորդ տողէն անմիջապէս յետոյ պէտք է կարդալ սա տողը՝ որ անուշադրութեամբ դուրս է մնացեր.

Պինչական Տեսալէ զետէն փախչելով.

Տեսալէ զեղեցիկ հովիտ էր Թեսալիոյ մէջ, զոր կը

կտրէր կ'անցնէր Պիենէսս գետը՝ հայր համարուած կիւրենէի՝ մօր Արփատէսսի, որ գետին ներքին աղբերակներուն խորը կը քնակէր։ Հոս իբր իր մայրենի տունը կու զայ Արփատէսս, թողլով՝ իր մեղուներուն անձիտման ցաւէն՝ Պիենէսսի ափերը։ Քերթողին մտքին համեմատ՝ Արփատէսս այն ատեն դեռ Թիսալիա կը քնակէր, և դեռ անցած չէր կէա։

— Ապողոն Թիմրբեան կը կոչուի՝ Տրովայի Թիմրբա գիւղէն, որուն մէջէ կը հոսէր Թիմրբիոս գետը՝ հոչակաւոր անոր մեհեանով և ողաշտամունքներով։

Եջ 107. Բերոյէ եւ կլիով ովկիածին կը կոչէ, յայտնելու համար որ ասոնք միայն Ովկիանու եւ Տեթիսի աղջիկներն էին, իսկ միւսերը՝ գուստրեր Կերէսսի եւ Դորիսի, որով թոռնիաներ Ովկիանու, զի ասոնք եւս զաւակ էին Ովկիանու, եւ իրենցմէ ծնած ջուրի յաւերժանարսները Կերեան կը կոչուին, թուով յիսուն. իսկ Ովկիանինները՝ երեք հազար։ Բայց երբեմն ասոնք ալ անոնք ալ Կերեանք կամ Կերէիդք կը կոչուին։

— Արէսի եւ Աստղիկի գաւն ու քաղցրիկ գաղտագողոնքը եւ Հեփեստոսի ճարտար հնարիմացութիւնը եւն տես Հոմ. Ուժի. Ը. Եջ 221-226 (մեր թրգմնթ. մէջ)։

Եջ 108. Փասիս Հայոց լեռներէն կ'իջնէ եւ Կողքիսէն անցնելով կը թափի Աեւ ծով։ — Գայլ գետ Պոնտոսի, կը թափի հոն։ — Ենիպէսս՝ Թիսալիոյ մէջ է. Տիրերիս՝ Անիէն՝ Իտալիոյ. Հիոլանիս՝ Սարմատիոյ. Կայիկոս՝ Միւսիոյ. Երիդանոս՝ Իտալիոյ։

— Մէռնեան՝ Լիւդական. հին ատեն Մէռնիա կը կոչուէր Լիւդիա. ունէր նշանաւոր այգի եւ զինի։

Եջ 109. Կարպաթեան կը կոչուի ծովը որ կայ Կրետէի եւ Հոոզոսի միջեւ՝ Կարպաթ կղզին մօտ։

— Պրոտէսս որդի էր Ովկիանու եւ Տեթիսի, կամ Պոսիդոնի եւ Փիւնիկէի։ — Պրոտէսսի այս առասպելը Վիրզիլիոս կ'առնէ Հոմերի Ուժիսականէն. տես մեր թարգմն. մէջ երգ Պ. 105-114։

Էջ 112. Որդեսոս՝ ոչ կենդանի, այլ անոր ուրուն, Որդես կամ Որդեւս թրակացի, որդի Ապողոնի եւ Կալիոպէ մուսային. քանաստեղծ եւ անուանի երաժիշտամանակակից Մովսէս մարգարէին:

— Ոտդոսէ՝ Պանզէսոս թրակիոյ լեռներ են. առաջինը արիստական երկիր կ'ըսուի, զի Արէս հոն ծնաւ. կ'ըսուի նաեւ Ուեսեան՝ զի տրովական մարտին ատեն Ուեսոս անուն անուանի թագաւոր մը կար հոն:

— Գետք՝ Գետացիք ազգ թրակիոյ կամ Ակիւթիոյ: Որիթիա ակտուական. Որիթիա գուստը Աթենացւոց Երեքթէսոս թագաւորին. ակտիական այսինքն աստիկեցի:

Էջ 113. Լակոնիոյ Տենար սարաւանդին մէջ քարայր մը կար, զոր Հելլենք դուռ կամ դժոխքի բերան առասպելեցին. — Կոկիտոս եւ Ստիքս դժոխքի գետեր էին. — Աերբեր՝ շուն եռագլուխ, քարապան դժոխքի եւ պահակ մահու եւ կորաւեան:

— Եւրիդիկէ կը հետեւէր իր երկան՝ Որդեսոսի քայլերուն. Պերսեփոնէ սանդարամետքի թագուհին օրէնքէր դրեր որ իր կնոջ չնայի մինչեւ որ հլէ լոյսի մէջ: Զդիմանալով դարձաւ նայեցաւ դեռ լոյսին չհասած:


Էջ 114. Դժոխքի նաւավարը Քարոն:

Էջ 115. Կիկոնուհիք ինքինքնին անարգուած զգալով Քրդեսոսի այսքան յարգանքէն առ Եւրիդիկէ՝ զիշատեցին զինքը:

— Հերրոսը Խաքրեան կ'ըսէ՝ Խաքրոս զետէն ելլելուն համար:

Էջ 117. Պարթենոպէ՝ Նետաղոլիս քաղաքն է: Վերջին տողերով կ'ակնարկէ իր հովուական երգերուն, որուն առաջին տողն է.

Տիտիրէ, դուն լայն փիճիիդ տակ նստած:



ՔԵՐԹՈՂԱԿԱՆ ՄԱՏԵՆԱԴԱՐԱՆ

ֆր.

Ա. ճաշակ Գաղղիական արդի բանաստեղծութեամ (Հսկումը եւ Դարբիններու գործադուլը) Ֆրանսուա Գորէի. Տպ. 1899.	1 50
Բ. ճաշակ Գաղղիական արդի բանաստեղծութեամ. (Ծաղկաքաղ այլ եւ այլ հեղինակներէ). Տպ. 1899	2 —
Գ. Միսիթար. — չ. Ա. Ղազիկեան. Տպ. 1901	1
Դ. Ներոն. (Ողբերգութիւն նինգ արարուածով). — Ա. Պոյթոյի. Տպ. 1902 . . .	2 —
Ե. Դժոխք (Աստուածային կատակերգութիւն). — Տամուէի. Տպ. 1910 . . .	7 —
Զ. Օսիան Ա. (Քերթուածներ). Տպ. 1902 . . .	8 —
Է. Օսիան Բ. (Քերթուածներ)	
Ը. Ճիոգոնտա (Մելոտրամ). Տպ. 1908 . . .	2 —
Թ. Քաւարան (Աստուածային կատակերգութիւն). — Տամուէի. Տպ. 1905 . . .	6 —
Ժ. Յաւիտենական Զրոյց (Ոտանաւորներ). — Վիկտորիա Աղամուրի. Տպ. 1905 . . .	5 —
ԺԱ. Եմէական. — Վիրագիլիոսի. Տպ. 1910.	8 —
ԺԲ. Երգեր. — Լէոբարտի. Տպ. 1910. . .	5 —
ԺԳ. Երգեր. — Վիկտորիա Աղամուրի. Տպ. 1910	4 —
ԺԴ. Խլիական. — Հոմերի. Տպ. 1911.	10 —
ԺԵ. Երուսաղէմ Ազատնեալ. — Դաստոյի. Տպ. 1911	

ԳԱԱ ՀԻՅՆԱՐԱՐ ԳԻՒ. ԳՐԱԴ.



FL0052510

A 13905

ԺՂ. Դրախտ Կորուսեալ. — Ա

1913

ԺԵ. Արուեստ Քերթողական . Կուինտոսի		
Որատիոսի Փլակկուսի. Տպ. 1923 . . .	2	50
ԺԵ. Տաղ Գերեզմանաց. — Ուկոյ Ֆուկու-		
լոյի. (բնագրով) Տպ. 1923 . . .	2	50
ԺԹ. Մշակականք . — Վիրագիլիոսի. Տպ.		
1923	5	—

ԵՐԴ ՄԱՍԻՆՈՎ

ի. Ողիսական. — Հոմերի.

የብዕተ

Imprimerie Arménienne

St. Lazare

VENISE (Italie)